


Hethadenee
waunauyaunee vadan
Luke Vanenāna



The Gospel According to Luke in the Arapaho Language of the
United States of America

Hethadenee waunauyaunee vadan Luke Vanenāna
The Gospel According to Luke in the Arapaho Language of the
United States of America

Public Domain

Language: Arapaho

Translation by: Michael White Hawk and John Roberts

2015-05-06

PDF generated using Haiola and XeLaTeX on 21 Feb 2024 from source files dated 31 Aug 2023
49903679-7190-57d9-b73a-1c2da4854577

Contents

Luke	1
----------------	---

Hethadenee waunauyaunee vadan Luke Vanenāna

¹ Hanau waunauthathee hadnedanuu hejadenenau hadjenanuu hauthase vavese hauthedau hena hayauhuhau nanāe hājavaānethauwuthajauthaunin, ² Hasevenānauau nanaa hehethee jasee vasesā hāenuu nau nejaanuu hanadedanau; ³ Hasethajounau hethadee heee nananenau jea, vavesethaugudenau vahee hayauhuhau hehetheejasesee hadnewauthanauwunathane nedānee, javaānethadee Theauthenus, ⁴ Hadeaenauwu hethauwu hena hayauhuhau nesechauhauthehane. ⁵ Hena hese Herod, naja Judea, jasaa vevethahehe Zacharias haseede, hadauchunanede Abia: nau henene hedaunāhene Arauneau, nau heneseedaunin Elisabeth. ⁶ Nau haenesauuthāhenauau hathaāhenith Hejavaneauthu, thaunaugudethee vahee nanavaavedaunau nau hauchuwudaunau Vahadāde dejauthauwuvade. ⁷ Nau hehauwunesaunenauau, hanau henee hehauwunesaune Elisabeth; nau wauwu haenesauu vaehahenenauau. ⁸ Nau hethauwu, henee daunauvadanedaude hathaāhenith Hejavaneauthu hāenauauchaude, ⁹ Nesedaunethe vevethahehehau, nesedaude hadnejaāde yehauthe hevadannauauwunene Vahadāhenith. ¹⁰ Nau haunauude henanedanede haevethahedaune jathee nauauchu jaa. ¹¹ Nau haenauhauva hautheaune Vahadāde haetheaugune hejavese jaanaa. ¹² Nau hāenauhauwaude Zacharias, haejanethajau, nau nāthajaude haedasaa. ¹³ Hau nuu hautheaune, jevanāthajau hathāhuk, Zacharias: havevethade nandedauwuhuu; nau hadasea Elisabeth hadjanesewaude hāau, nau Jaun hadeseau. ¹⁴ Nau nananin hadau nauwuthajau nau hadeneethajau; nau hadnewauthathee neethajuthee hāejanesee. ¹⁵ Hanau haudvasāthaa hathaāhenith Vahadāhenith, nau haudnehauwuvane daudause dadajevenenaje, wauāthe neauthunaje; nau haudnechauchaunadede Hevadanauwauthauwunene Hejavaneauthu, haa hehethee hāejanesee. ¹⁶ Nau haudnewauthaa dāeyaunenede Israel hadjaechuwauyāaunaude hese Vahadāhenith Henesaunaunenau. ¹⁷ Nau haudnedauwaunaude nauuu Vadanauwauthauwu nau neesenaudāhenith Elias hadjaechuwauyāauau vadauhau henesaunaunenau hese dāeyaunauauau nau nejenedauvathee gauguauthajaudenau hadauethadee; hadnesaanudedede henanedanede hesanaa hese Vahadāhenith. ¹⁸ Nau Zacharias naudedusaene nuu? wauwu vanaehahenenau nau nadasea wauwu vadavehahenede, hathauhuk hautheaune. ¹⁹ Nau hautheaune hanaāaachuhananadethāde, Nananenau Gabriel henee theaugdaunauau hathaāhede Hejavaneauthu; nau janeauthevānau haudnāedaunauthana, nau hadnauhauthehathana nuu neethajaude waunauyauau. ²⁰ Nau, naune, nananin haudnejanadene nau haudnehauwuneeanade, haunaude hese nuu hayauhuhau nauauchaugu hethauwu, hanau nananin daujethauwaudauwu nadanadede, nuu hadnethauwunauauchu nauauchaugaune. ²¹ Nau henanedanede haedauyauhauvanauau Zacharias, nau haegauguanadauwu henee dauguthetheaugude vadannauauwuu. ²² Nau hāejenauāhede, haejeneanadetha: nau haeanauwu daunauhauthāde vadannauauwuu: haevathasaunana nau haejanade. ²³ Nau hethauwu, henee, chauchaunu hese hāesevadanedaude haeyehau hese nehayau hedauauwuu. ²⁴ Nau hee hena hese henene Elisabeth hanaāenesaunenith, nau haegauduse nehayau hayauthaunenethe

hesese heee, hanaāenehede, ²⁵ Hesau Vahadāde naasehānau hesee hāedaugauhauvānau hadgudanauwunānau nāedayāhede henanedaa. ²⁶ Nau nanedaudauchaauwaude hesese hautheanu Gabriel haejeauthewauw nahethee Hejavaneauthu hesee hedan Gananee haseenau Nazareth, ²⁷ Hesāhedāeyaun haenenehauwaune henanin Joseph haenaneeseenith, hehethēe hedauuwuu David; nau hesāhedāeyaun Mare haenaaseede. ²⁸ Nau hautheanu haedasaa, nau hanaāenehethāde, Haunauwuthajau, nananin vechauthane, Vahadāde hanedaudaunāne: hauwunaunane hesānaa. ²⁹ Nau hāenauhauwaude, haejanethajau hēdanadedauin, nau haegaugauanade daun hadnesaunenechuhude nuu hadnesauu. ³⁰ Nau hautheanu, Jevanāthajau, hathāhuk, Mare: hanau nananin vechauthāne Hejavaneauthu. ³¹ Nau, naune, nananin hadnesesaunin, nau hadneahene, nau JESUS hadeseau. ³² Hadvasāthaa, nau Vāā Hejavaa hadethauva: nau Vahadāde Hejavaneauthu hadvenaude naja theaugudau henesaunaune David: ³³ Nau hadnajauidauu hēdanin Jacob jethaujenee; nau henajane hēdnehauwuthauvadauna. ³⁴ Hanaāenehethaude Mare nuu hautheane, Haddusenesau nuu hanau nāhauwāenaunau henane? ³⁵ Nau hautheanu hanaāauchaunanadethāde, Hejavaneauthu Hevadanauwauthauw hadnedasāne: nau naunauthauu Hejavaa haddugauyāaunāne; hēnaheee jēa hēnee Naunaudāde hadnesaunewaude Heu Hejavaneauthu hadnethade. ³⁶ Nau, naune, have Elisabeth, jēa wauwū hēnesaunede hadneahede wauwū dauvadavehahenede: nau nuu nanedaudauchenethe hesese wauwū hehauwunesaune neethade. ³⁷ Hanau Hejavaneauthu vahee nenedede hayauhuhau. ³⁸ Nau naune, Vahadāde daununānu hahagu Mare, hadnaasauu nuu hasenehene, nau hautheanu hanaāenauthāde. ³⁹ Nau Mare hanaāethauwauthede hēna hese, nau hanaāehaude jauaudanenauuwuu nauhauhaunee hesēe hedan Juda; ⁴⁰ Nau hanaejedāde hedauuwunene Zacharias, nau haenaunenechautha Elisabeth. ⁴¹ Nau hethauwuu, hēnee, Elisabeth hāenedauwauthaude daunaunenechuhunith Mare, dāeyaunaa haenauauwujā hethauwaudauu; nau Elisabeth haechauchaunaude Vadanauwauthauwū: ⁴² Nau haevasanade, nau hanaāenehede, Hauwunaunane hesānaa, nau hauwunaunade dāeyaunaa hethauwaudauu. ⁴³ Nau naudauhuthedasaa nuu, hēnee hēnaune Navahadāhewaunāde hadnedasānu? ⁴⁴ Hanau, naune, chauchaunu hanadedauu haunaunenechauhude hāenedauwaudauwau naunaudaunuu, dāeyaunaa naunauuwujahede naunaudauu hee haunauwuthajau. ⁴⁵ Nau hauwunaunade hesā hēnee hethauwuthajau: hanau hēna hayauhuhau hadnethauwunaasauu neethāedauwunade hehethēe Vahadāhenith. ⁴⁶ Nau Mare hanaāenehede, Navadathu hāuwaunehēde Vahadāhenith, ⁴⁷ Nau navadathu neethajaudaunaude Hejavaneauthu Nānayauhāde. ⁴⁸ Hanau nēdaugauhauwaude hadavenuhuhau hēdaununaunau: hanau, naune, hēwaunehāa hēejasee vahee hēnaedēdaunau hauwunaunade hadnethanau. ⁴⁹ Hanau hēna Naunaudāde vanasaunee hayauhuhau hasehānau; nau vadanaunee hēneseede. ⁵⁰ Nau nauwunaunade hēnee hēdaunādaunau hēnajāthee hēnaedede nau nausunee hēnaedede. ⁵¹ Nēnauhauthethāde hēdāhede hējadenaa; nēnēāsauaunaude hēsaēthajauhuhau hēdāhēne. ⁵² Nējananaude naunaudāhenethe hēhethēe hētheaugudaunene, nau nējejenanaude hadavenuhuhau. ⁵³ Nēgaudauhaude hasēnahehau nauuu hēthadenee; nau nēthauyādahehehau nēgudanaude jēssaa. ⁵⁴ Nēnēdahēwaude hēau Israel, nēdauyewuwude hēdauwuyau; ⁵⁵ Nēsenehethaude havasevāene,

Abraham nau hedāeyaunewau jethaujenee. ⁵⁶ Nau Mare haenedauguva hanāenethe hesese heee, nau hanaāejaehaude nehayau hedauauwu. ⁵⁷ Wauhā Elisabeth hanaāevadaudaude hadneejanēsāde; nau hanaāeahede. ⁵⁸ Nau henedaudevādaunau nau henethesaunau haenedauwauthaa hasawunaunāde Vahadāhenith haenauhauthehaa vanasaunee hauwunaunadede, nau haenetheneethajauvaa. ⁵⁹ Nau hethauwu, henee hāenasaudaachunese haejenauusanauau hadgauguusenith dāeyaunauau; nau haeadethanauau Zacharias, thauguu heneseedaunin henesaunaune. ⁶⁰ Nau henaune hegau, hāheyaugaune, Jaun hadnethade, ⁶¹ Nau hathauhaugaunee hehauwuseenauau hādauānauau nuu neseede, ⁶² Nau haevathasawunanauau henesaunain, haadeneseenethe. ⁶³ Nau haenaude dedasewauthaunauha, nau haewauthaunauhā, Jaun haseede, hahagu. Nau haunauude haegaugauuthajaudene, ⁶⁴ Nau haegaunadenanauau, nau henethaune haegauchauunaunaune, nau hanaāanadede, nau haevaveenethedauna Hejavaneathu. ⁶⁵ Nau nāthajauude haeadasā haunauude henee hathāeuchaunauthee: nau vahee nuu nehedaunau haegaugaudedane jedauwu hathāauau jauaudanenauauwu Judea. ⁶⁶ Nau yahee hathāenedauvade haejenanauwu hedahenauau, haudduthā naa dāeyaunaa, hahagaunee? Nau hejadenene Vahadānith haenedaunau. ⁶⁷ Nau henesaunaune Zacharias haechauchaunaudene Vadanauwauthauwu, nau haeeyānautheda, ⁶⁸ Vaveenethedaunaa Vahadāde Hejavaneauthau Israel; hanau haenauujāda nau daujauaudaunaudauau hedenanedane, ⁶⁹ Nau thauwaudanaude henenese hadnenayauhānauau jedauwu hedauauwunene hedaununaune David; ⁷⁰ Dau nausunanadede hedenaa Hevadanayāhewau neenaedenethe hāejeenaedenauau: ⁷¹ Henee hadnenadananaunau hehete haujauthavene, nau hehete hejadenaa vahee hāthāasānāvādaunene; ⁷² Hethauwu hauwunaunadede nesayānēdauwunaude havasevāene, nau hadnedauyewuwude Hevadanenesedauwau; ⁷³ Deneauwauhude yesee havasevāene Abraham, ⁷⁴ Henee hadvenānauau, jenāthajauude hehethee hejadenene haujauthavene hadnenayauhānauau hadnevevethedaunaunauau. ⁷⁵ Nauguu vadanaunee nau chuwuu hathāāhede, vahee hesee hadnaededaunene. ⁷⁶ Nau nananin, dāeyaunaa, haeyāhe Hejavaa hadnethene: hanau nananin hadnedauwaudauwu Vahadāde hadnesaanudene hevaunaa; ⁷⁷ Hadvāde haeyaude hadnenanedaneunee hededane hadjaegudanauwunaude hewauchudaunenenaunau, ⁷⁸ Hehethee havathēe hauwunaunadede Hāsaunaunene; nanaa Naugusaje hehethee hejavaa hadnenauujādaunānauau, ⁷⁹ Hadvenaude hesee hathāetheaugunethe hadauveyaunee nau hadaudugauyāsaa gaujauaudahede, hadnedauwaudauau hauauthene hesee hadaudādauyaunee. ⁸⁰ Nau dāeyaunaa haeseau, nau hevadathuwu haedāeaune, nau haenaadaude hadaunechaunee haunauude hesee hadneenauhauthethāde Israel.

2

¹ Nau hethauwu hena hese hauchuwude haeneāsanaunau hehethee Caesar Augustus henee vahee hananedane hadnayāadee. ² (Nau nuu nayāadede haenedauwunese deauchuwunanenede Cyrenius Syria.) ³ Nau vahee haeauāchudene hadnayāadee haunauude hanesāde hesee nehayau hededan. ⁴ Nau Joseph jea haeyehau hehethee Gananee, hehethee hedan Nazareth, jedauwu Judea, jedauwu hededan David Bethlehem neseee, (hanau naadahagu hedauauwunene nau nedānee David,) ⁵ Hadnethenayāade naguu

Mareheau heauthehewauthādaune hadnewaune wauwu haeehāthane heee henesaune. ⁶ Nau hethauwu, henee hajesenausanedauthēe, hese haevadauau nau hadneejanēsāde. ⁷ Nau hanaēejanēsāde henedauwusaune heau, nau haejetha, nau haeesevana hewauchuhauche nedau vethehenethe; hanau haeneau vethehedaunauwu. ⁸ Nau hena vavade vedauauwu haudānajuāhehauau haeaundenauu, haeauaunehanauu haeauauyauhauvanauu hedajauanenau vegau. ⁹ Nau, wauhā, Vahadāde hedauthaune haeedasā, nau havathee haeseenauasāunauu Vahadānith; nau haevasenāthajauauu. ¹⁰ Nau hautheau jevanāthajauu Vahādhaugaunee: hanau, naune, nauchaudaunathana hethade waunauyauu havathee neethajauu, nanaa heee vahee henanedane. ¹¹ Heee nananena janese nuu desenee hededan David Henayauthāhe, nananede Chris Vahadāde. ¹² Nau nuu hadneaenauwuna; Nananena hadveehauna dāeyaunaa hanajehede, saese hewauchuhauche nedauvethehethee. ¹³ Nau nauhauhaunee hena haewauthanauu hejavaa hautheanuau nauuu nauu nauheau haevaveenethedaunauu Hejavaneauthu, nau hasenehehaugaunee, ¹⁴ Havathee hauwaunede hese Hejavaneauthu hejavaa, nau dasee vedauauwu nanethaunee, hethadee hathanavana henanedane. ¹⁵ Nau hethauwu, hautheanuau haejaenauthā hese hejavaa, Wauhā hadehaunau Bethlehem, hanathadagaunee nuu haudānajuāhehauu, nau nauhauduauu nuu hayewhu javeauu, nanaa Vahadāde hāēdauwunādaunene. ¹⁶ Nau haenauhanauusanauu, nau haeveehanauu Mare nau Joseph, nau dāeyaunauu haesaeseene hewauchuhauchauwauwu henee nedauvethehethee hewauchuhauchāve. ¹⁷ Nau hāenauhauwathēe, haeneauthedanauu nuu hathauthedaunāhethee heee dāeyaunauu. ¹⁸ Nau vahee hathāenedauvade haegauguanadauwu henee hayauhuhau nuu hathauthedaunāthee haudānajuāhehau. ¹⁹ Nau Mare haeauanede vahee nuu hayauhuhau, nau haegauguanade hedahaa. ²⁰ Nau haudānajuāhehauu haejaesanauu, haevaveenethedaunanauu nau haevaveenethedaunanauu Hejavaneauthu heee vahee hanathadauvathēe nau hathauthathēe, neethāedauwunāhethee. ²¹ Nau hāenasaudaunese hadneegauguusede dāeyaunaa heneseede Jesus, haseadagu nuu haseede haenaneeseade hautheanuau haunauu deejethāse. ²² Nau hesee hāewaudeauchaude hasaunee hedauchuwude Moses hāevadauunee, haeyehauthanauu hese Dadaunedan hadjenauwunathēe Vahadāhenith; ²³ (Hathauthaunauhunee hauchuwudaunaa Vahadāde, Dajee haunauahee henee nedauwusau vadade hadnethade hese Vahadāhenith;) ²⁴ Nau hadnausāyauunee neesenedaunee hauchuwudaunaa Vahadāde, Hanesethee vedāenauu, wauāthe hanesethee neauthuvedāesanauu. ²⁵ Nau, naune, hena henane haenedau Dādaunedan, Simeon haenaneeseede; nau nanaa henane haechuvā nau haethauwuthajau, haeejauwuwude hadneneethajauthēe Israel: nau Vadanauwauthauwu haethāsade. ²⁶ Nau haeeauthedaunaa Vadanauwauthauwu, henee hadjenauhauu gaujauaduhede, haunau hadnauhauwaude Vahadāhenith Chris. ²⁷ Nau haeeheenausa Vadanauwauthauwu jedauwu Vadanauwuu: nau hāene henehā Hejavaneauthusau jedanāde hadnesehāde thaugu hasauu hauchuwude, ²⁸ Hanaājevathenaunaude hejadena, nau haevaveenethedauna Hejavaneauthu nau hanaānehede, ²⁹ Vahadāhene, hewaunehaa nanehājenanaude hauwauwaunave hadnauuau nanethaunee, hasauu hadanadede: ³⁰ Heee nasesā

naunauhauwauau havāde Henayauthāhe, ³¹ Naa nananin hadnesaanudene
 hathaāhedaunee vahee henanedanede; ³² Hese hadneesenee Hathāauau
 henanedanede, nau havathee hadnanedanede Israel. ³³ Nau Joseph nau
 henaune haegaugauanadauwu hena hayauhuhau hanasenehethavathe.
³⁴ Nau Simeon haeevevethasa, nau haeāedauwuna Mareheau henaune,
 Naune, Naa dāeyaunaa hanejejanade hadneaunenauaudenenee nau
 hadneejaegauhadenenee hauwauhuu Israel; nau hanau nauhauthethau
 hadnevathevade; ³⁵ (Haa, gaugauchu hadneegauchuguhune nehayau
 havadathuvaa jea;) henee gaugauthajaudenau hauwauhuu vadauhau
 hadneauthasuu. ³⁶ Nau hena haenesā Anna, haeyāhe, hedaunau
 Phanuel, hanaadāde Aser: haewauthanenau hejajenewau, nau
 haenethenaedeva hechu nesaudauchu jajene hehethee neeesede;
³⁷ Nau haenevesāne heee nasaudausauau yānenee jajene, nananede
 haejethauunaude vadannauauwuu, hau haenesadauna Hejavanaeauthu
 nauugu naugauyaude nau vevethahede dajāee nau hese. ³⁸ Nau
 haejēdā heee haevaveene jea Vahadāhenith, nau haeheauthedauna
 vahee nethējauwuwudethee jauaudaunauthadede jedauwuu Dādaunedan.
³⁹ Nau hāesedauthee vahee hayauhuhau hasauau hauchuwude Vahadāde,
 haejaesanauau hesee Gananee, hadahethee hedan Nazareth. ⁴⁰ Nau
 dāeyaunaa haeseau, nau haedāeaune hevadathuwu, haechauchaunaude
 haeyaude: nau Hejavaneauthu vadaude haethāsade. ⁴¹ Nau wauhā henehā
 haeahaunenau hesee Dādaunedan hadaachuvejanenee vasevadanesee
 Hadavechauthadede. ⁴² Nau denesenenee hejajenewau, haeahaunauau
 hesee Dādaunedan hanau nesedaunenee vasevadanesee. ⁴³ Nau hese
 hēvedauaunee, hāejēsathēe, dāeyaunaa Hejavaneauthusau haenasadauna
 Dādaunedan; nau Joseph nau henaune haejaenauwuu. ⁴⁴ Hau henanedaa
 haenehauvā hathanauwauhaugaunee, nau haejanaugudaunee;
 hanaāenaudehauthee henedauānene nau henedaehāhene. ⁴⁵ Nau
 hāejeveehauthee, haejaesanauau hesee Dādaunedan, daunaudehauthee.
⁴⁶ Nau hethauwuu hāenasese hanaāeveehauthee jedauwuu vadannauauwuu,
 haetheagune nahethāe hauthedahehau, haejaatheha, nau haenau-
 naudedauna. ⁴⁷ Nau vahee hathāenedauwauthāthee haegaugauanadauwu
 hedaeyaunene nau hedauchuhanehedaunene. ⁴⁸ Nau hāenauhauwauthee,
 haegaugauanavanauau: nau henaune, Nā, nauudu hanesehāane? hathāhuk,
 naune hāsaunau nau nananenau nenaudehane nejeneethajaunee.
⁴⁹ Nau hathauhuk, nauudu haenaudehena? gauhajaene nachāe
 wauwu hanedaudauwau Nāsaunau henesethaude? ⁵⁰ Nau haejaenauwuu
 hasenehethāthee. ⁵¹ Nau hanaāenethaunaude, nau haenauusanauau
 Nazareth, nau haethauwaudaunā: hau henaune haeaunaunedene vahee
 nuu nehedaunau hedahaa. ⁵² Nau Hejavaneauthusau haeneenaneaune
 hedaeyau nau hajedāde nau vechauthaude Hejavaneauthu nau
 henanedanede.

3

¹ Wauhā yauthaunenee jajene wauwu neenajanede Tiberius Caesar,
 Pontius Pinade nausunajawaudauau Judea, nau Herod nanajawaudauau
 Gananee, nau henauhauwauau Theneb nanajawaudauau Iturea nau
 vedauauwuu Trachonitis, nau Lysanias naja Abilene, ² Annas nau
 Caiaphas vevethahenajanauau, Hejavaneauthu nanadede haedasaa
 Jaun heau Zacharias nauaunee. ³ Nau haedade vahee vedauauwuu
 hanathaudanee Jordan, haeauthedaude dusaahede haudneau-
 gauthuu gaugauthajaudenau hadneegudanee wauchudaunenau;

4 Naauthaunauhuu wauthaunauhanaa hedanadede Esaias haeyāhe, Jasaye haevasenehe nauaunee, Hesaanuu hathaāhede Vahadāhede, nesedee hevau chwuuu. 5 Hadauchugauaudayauau hadnechauchaunaa, nau hadauchāe hauane nau jauaudane hadjananee, nau jajāvāe hadchuvanee, nau hadauhauayauau bau* hadneyauthau; 6 Nau vahee henanedanede hadnauhauadauu Hejavaneathu hedenayauthaunene. 7 Haenaāenehethaude waunauthanee henanedanede henee hedaśādaunau haddusaanaude, Hau hedenaededaunenau seseyānauau, hanaa hāedauwunādaunenau haddaugauhudauwuna nauthee hasanaunau hēdaunau? 8 Hethadee nesedee hadeheaunee hadnagauthu haugaugauthajaudenenau jevaauthenehee hadahenauau, hāsaunaunene Abraham: hanau nāedauwunathana, Hejavaneauthau neene nesehaude nuu hauunaugānau Abraham hēdāyaunewau. 9 Nau wauhā jea hauunauchu janenane hethājee hauhaudee; vahee hauhaudee jeneeauhuk vevenaudenau haddauwauhude, nau hadneewaudeadaunee. 10 Nau henanedanau haenaudeadaunaa, hauddusedaune? hathāhuk. 11 Hanaāēdauwunaude, Daun nanesevechudaunade, jevena daun janevechudaunenith; nau daun hevethenede jenaasedaude, hahagu. 12 Wauhā haenaēnuusathee hauyāhehauau haddusaahethee, Hechauhauthethāhe hauddusedaune, hathāhuk, 13 Nau hathāhaugaunee, javauthaunadaunāthe henee nethautheavane. 14 Nau vanenanenau hanaasedaunethe, hanaasenehethāde, Nau haddusedaune, hathāhuk? Nau javauthasenehaa henaneda, hathāhaugaunee, javauthenanedauneeva henaneda, nau hadnanethauaunahedava haunadaunadenenau. 15 Nau henanedanau hathanāvāhuk, nau vahee henanedanede haegaugauanavaa hēdāhenenau Jaun wauau Chris haenane, nau wauāthe haje; 16 Jaun hanaāauchuhanehethaude, hathauhuk vahee, Hadneedusaanathana hee naje; hau hanesāde javaānaudāde javaāhenau jaunau hewauhugu hewauaunaa nāhauwunegaunavane, hadneedusaanāna hee Hejavaneauthu Vadanauwauthauu hee heseda. 17 Henaunasāhau nanewaunauau, nau hadgaunauhauau heyathē nedauthauayāde, nau hadnauānauau wauchunethauauhanau nedauthānauau jenayaunau; hau jenethauayaunau hadvadauchauau hesedaa nedaujesadaunahee. 18 Nau waunauthanee hanasejāesaunee hayauhuhau hanathauthedaunau hēnanedanau. 19 Hau Herod naja haeaunaunewau hee Herodias henauhauwau Thebeau henenene, nau vahee hathāewausaunee hanasedaude Herod, 20 Haewauhaunene nuu vahee henee dauaugauhude Jauneau duguhunauauuu. 21 Wauhā hāevahesedusaahedaunee hēnanedanede, hethauuu henee Hejavaneauthusau haenethedusaā, nau haevevetha, hejavaa hanaāegaunanene, 22 Nau Hejavaneauthuvadanauwauthauu haejejanauhuse hedanayaunaa hedanayau haenaasaunee waude vedāene nau hanadede haejenauusa hehethee hejavaa, hasenehuk, Nananene vechauthauau Nāa, nananene vaveenethedaunathane. 23 Nau Hejavaneauthusau nehayau wauuu wauau hanasauu jajeneva, hanane (hathanavade) heau Joseph, nananenith heau Heli, 24 Nananenith heau Matthat, nananenith heau Levi, nananenith heau Melchi, nananenith heau Janna, nananenith heau Joseph, 25 Nananenith heau Mattathias, nananenith heau Amos, nananenith heau Naum, nananenith heau Esli, nananenith heau Nage, 26 Nananenith heau Maath, nananenith heau Mattathias,

* 3:5 “Bau” probably should be “vau” (meaning “way” or “road”), in line with the rest of the text, since the letter “b” appears nowhere else except in foreign names.

nananenith heau Semei, nananenith heau Joseph, nananenith heau Juda, ²⁷ Nananenith heau Jonanna, nananenith heau Rhesa, nananenith heau Zorobabel, nananenith heau Salathiel, nananenith heau Neri, ²⁸ Nananenith heau Melchi, nananenith heau Addi, nananenith heau Cosam, nananenith heau Elmodam, nananenith heau Er, ²⁹ Nananenith heau Jose, nananenith heau Eliezer, nananenith heau Jorim, nananenith heau Matthat, nananenith heau Levi, ³⁰ Nananenith heau Simeon, nananenith heau Juda, nananenith heau Joseph, nananenith heau Jonan, nananenith heau Eliakim, ³¹ Nananenith heau Melea, nananenith heau Menan, nananenith heau Matthatha, nananenith heau Nathan, nananenith heau David, ³² Nananenith heau Jesse, nananenith heau Obed, nananenith heau Booz, nananenith heau Salmon, nananenith heau Naason, ³³ Nananenith heau Aminadab, nananenith heau Aram, nananenith heau Esrom, nananenith heau Phares, nananenith heau Juda, ³⁴ Nananenith heau Jacob, nananenith heau Isaac, nananenith heau Abraham, nananenith heau Thara, nananenith heau Nachor, ³⁵ Nananenith heau Saruch, nananenith heau Ragau, nananenith heau Phalec, nananenith heau Heber, nananenith heau Sala, ³⁶ Nananenith heau Cainan, nananenith heau Arphaxad, nananenith heau Sem, nananenith heau Noe, nananenith heau Lamech, ³⁷ Nananenith heau Mathusala, nananenith heau Enoch, nananenith heau Jared, nananenith heau Maleleel, nananenith heau Cainan, ³⁸ Nananenith heau Enos, nananenith heau Seth, nananenith heau Adam, nananenith heau Hejavaneauthau.

4

¹ Nau Hejavaneauthausau wauwu haechauchaunaude Vadanauwauthauwu haejechedesa hehethee Jordan, nau haeyehauthaa Vadanauwauthauwu nauaunee, ² Yāyauau hese hananeedauchunese haenayāthehaa Haujaune, nau hena hese haeheejeveth: nau hāevathenese, haenaāsenade waunee. ³ Nau Haujaune hathāhuk, hith nananene Haāthauwuāvaa Hejavaneauthau hāedauwunene naa hauunauga hadejauaujaunenede. ⁴ Nau Hejavaneauthausau haeauchuhanehe hathauhuk, Wauthaunauhuu henane hehauwuunaade jauaujaunau jasia, hau hee haunaude hedanadedauene Hejavaneauthu. ⁵ Nau Haujaune haenauhuchauhaa hauanee hadaujauudanene, nau haenauhauthehaa vahee najanede hathāauauvaa henanedanede chauchaunu. ⁶ Nau vahee nuu najawaude hadvenathane, nau hauwaunede, hathāhuk Haujaun: hanau hene nananenau devenanau; nau daun navadaunenau hadevenauau. ⁷ Hith nananene henahee hevevethedaunenagu, vahee hadnehanāhene. ⁸ Nau Hejavaneauthausau hanaāauchuhananadethāde nau hathāhuk, Hedeau nau gauvaa, Haujau haugau hathauthaunauhuu, Nananene hadevevethedaunaude Vahadāde Hāsaunau, nau hanesāde haudnevevethedaunaude. ⁹ Nau hanaāehauthāde Dādaunedan, nau haejenanaa naunauchuu vadannauwuu, nau hith Haāthauwuāvaa Hejavaneauthau hauwujanauwu hede hehethee, hathāhuk: ¹⁰ Haugau hathauthaunauhuu, Hadāedauwunaude hedautheunau haddunānaune: ¹¹ Nau hejadenenau hadejedunānaune, havaaugugausene headaa dasee hauunaugāe. ¹² Nau Hejavaneauthausau hanaāauchuhananadethāde nau hathāhuk, Hasenehee, Nananene jevanayāthehene Vahadāde Hāsaunau. ¹³ Nau hāevathenayāthedaude vahee, hanaāejathāde haujau najee, ¹⁴ Nau Hejavaneauthausau hanaāejaenaudāhede Vadanauwauthauwu haduu Gananee: nau hanaāauthedaunenede hanaāeneāsanaunee

vahee hathāauau Gananee nauanee. ¹⁵ Nau haeechauhauthaha vevethahenauauwuu, nau vahee haevaveeneha. ¹⁶ Nau haenauusa Nazareth, needaunauuchahade: nau dajauaunee nesedaude haeyehau vevethahenauauwuu vadanese, nau haetheaugu dasauhadauau wauthaunauha. ¹⁷ Nau haevenau hewauthaunauhanene haeyāhew Esaias. Nau hāegaunanauau wauthaunauha, haeveede hadauwauthaunauhunee, ¹⁸ Vahadāde Hedauwauthauwu nanadeaunānu, hanau dehedusaanānu javeda hadnauthedaunu hethadenee waunauyaunee hadavenuhunethee: hanejevāde haudnenayauhu naudauwuthajauthee, hadnauthedanau haud-jaejenanathee wauwaunauau, nau hadnejanauhauthāthee nanenauguthee, haud-jaejenanathee* hasenethaunauau, ¹⁹ Haudnauthedaudauwau hethadee jaunaunauau jaje Vahadāde. ²⁰ Nau haeauauvane wauthaunauha nau haejaevena vevethahehew, nau hanaāejanaugude. Nau vasesā vahee hathāanedauthee vevethahenauauwuu haenāauhauvanauau. ²¹ Nau hanaāejasesenehethaude, nuu desene nuu hathauthaunauhu hethauvaa haunaudaununenau. ²² Nau vahee haeseгаugauudedauenene, nau haegaugauanadauwu hethadenee hedanadedauenene hethāenehethaunene. Nau gaunuu jee heau Joseph? hahagaunee, ²³ Nau hanaāenehethaude, Nananena hadethauwunehesena nuu heeejegausudede, Naudaunenāhe, nenanenayauhade: henee nanāthadauwaunee nanāsedaunee Capernaum nanehasedaunee nechau hede nehayau havedauauwuvaa. ²⁴ Nau hathauhuk hethauwuu nehethathana, Hegau haeyāhe hehauwuvechauthau nehayau hevedauauwuvaa. ²⁵ Hau hadauthedaunathava hethauwuu, waunauthathee henevesānuau neanedauthee Israel, hese deanedaude Elias, hejavaa denausunauгаuhuu nasau jajene nau nedaudauchu hesese, devasauau hasenaude denanadesanauau vedauauwuu; ²⁶ Hau hehauwunesāhene hejevādaunene Elias, vavade Sarepta, hedan Sidon, hesā nananede henevesā. ²⁷ Nau newauthathee nauгаugauwuhuhauau neanedauthee Israel deanedaude Eliseus haeyāhe; nau hehauwunesā henayuhade vavade Naaman Syrian. ²⁸ Nau vahee hathāetheauguthee vevethahenauauwuu, hāenedauwauuu nuu hayauhuhau, haeechauchaunaudenenu hasenaunaude, ²⁹ Nau haegauhānuau, nau haenunanatheguthanauau hedan, nau haeehauthanauau hauchauguu jauadane haduunee hedanenau needaunesehenee neaudnedauauwuguthathee hauthedaunaānee. ³⁰ Hau haejavechautha hehethee nahethāe, haejathāau, ³¹ Nau haenauusa Capernaum, hedan Gananee, nau haeauthedauna vadanesenenee, ³² Nau haegaugauanadauwunenau hasechauhauthehaude hedanadedauanu, hanau hedanadedauanu haenauthaunenau. ³³ Nau vevethahenauauwuu henane haenedau hevadathuwu haewauchāhene haujaun, nau haevasanade, ³⁴ Jenehāaa; hathāhuk, haudduseha nananene Jesus Nazareth? gauhāejau haudnauauhāane? Haenaunathane hadāhene; Vadanauau Hejavaneauthau. ³⁵ Nau Hejavaneauthausau haeneuva, dādaunauguu, hathauhuk, nau jenauchune. Nau haujau hāegaussewaude nahethāe hanaāejenauthaude nau haejaseneha. ³⁶ Nau vahee haegaugauanavaa, nau haeanadethadenenu jae, nuu hayew hanadede; hathāhuk, hethauwuu nauuu haenauthenehetha haenesedauwauna wauchāhenethe haujaunau, nau hanaāejenauāhethee. ³⁷ Hanaāauthedaunenede nanadee jasee

* **4:18** There is a midline hyphen in “haud-jaejenanathee” which doesn’t appear in same word earlier in the verse. There are no other midline hyphens in this text at all, and this hyphen is probably without significance.

gauānee vedauauwu, ³⁸ Nau haegauhā haenauā vevethahenauauwu, nau haejedā Simon hedauauwu. Nau Simon henene henaunene haenaudauwuvāhene; nau haeautheawaunauthasanauau. ³⁹ Nau haetheaugudauna, nau haeneude hasauwauvahede; nau haenauthaa: nau nauhauhaanee haegauhā nau haedauiyauhaunauau. ⁴⁰ Wauhā hesese hāenaesade vahee hathāenethenauthee hasauwauvahehehau hanasejaechauwuvāhenethe haenauuchaudaunau; nau haedajevasana nau haenayauha. ⁴¹ Nau haujaunauau nauguu haevanauusanauau haewauthanauau, haeneānadenauau, nau haenehenauau, Nananene Chris Heau Hejavaneauthau. Nau haeneneuva haejehuwaunadeha: dauhaenauwunethe dau Chris denede. ⁴² Nau hāesenene, hanaāejathāude hese hadaunechaudanee, nau henanedanau haenaudehaa, nau haeddasaa, nau haedauduvaa, haudjenauthau. ⁴³ Nau hanaāēdauwunaude, haudnauthedaudauwau najanede Hejavaneauthau gauchuhnee hadanau nauuu: haugaunaasejejenananau. ⁴⁴ Nau haeautheda vevethahenauauwu Gananee.

5

¹ Nau hethauwu, henanedanede haenenavadaunedauwaudauwu hedanadedanene Hejavaneauthu, haetheaugu sathauwu neajee Genesaret, ² Nau haenauhaude hanesanene thewaunau haetheaugunau sathauwu neajee: hau naunauyāhehauau haeeuyauhaudesanauau, nau haeanahesadenauau henauyaudenenau. ³ Nau haejedā jasaa hethewaunene, Simon, nau haenehetha hadwauuwuhude vanehaa hethethe vachuwauauwu vedauauwu. Nau haejanagu, nau haechauhautheha henanedanau hethethe thewaunaa. ⁴ Wauhā hāevadauthedade, hanaāenethaude Simon, wauuwuhude hadaudavee, nau henaunau haunauyaude hadjathāne. ⁵ Nau Simon hanaāauchuhananadethau, Hechauhauthethāhe, naunaugaunenesethānauau, nau nāhauwuthauujathāva: hau hegaugaunauau hadnaenauwuaudenau nauyaude haugau hasenehene. ⁶ Nau hāesedauthee nuu haewauthanenau hejathauenau, nau haethauwunauaune henauyaudenenau. ⁷ Nau haeadethanauau henedaehenenau danachaugunethe jasaa thewaunaa, haudjaunethe, nau haudnedāhevāthee. Nau haenauusanenau, nau haechauchaunaudenau hanesanene thewaunau hanaāenauwu. ⁸ Hāenauhaudauau Simon Peda, haechauāgujanagu hejaedayānene Hejavaneauthusaun, nachu, hathāhuk; haugauhauhauganenau, Hau Vahadāhene. ⁹ Haejenaunethajau, nau vahee hethāenethaunādanau daunauanauthee nauwu hejathauenau. ¹⁰ Nau nauuu James, nau Jaun, heuhau Zebedee, henedaehauhu Simon. Nau Hejavaneauthusaun hanaāēdauwunaude Simon, Jevanāthajau, hewaunehaa hee nananene haudnesedanaude henanenauau. ¹¹ Nau hāenauuchaudethee hethewaunenau vedauauwu, hanaāenauuu vahee, nau hanaāenethauguhauthee. ¹² Nau hethauwu, hānedaude jasaa hadanau, naune henene haechauchaunau naunaujaunee haugauwude; hāenauhaunau Hejavaneauthusaun haeuāneseva, nau haeautheava, Vahadāhene, vathēhānenagu hadeneeyaudanene hathauhuk. ¹³ Nau haeyethauha, nau haevasana, vanathēhānu: heyaudāhe, hathaukuk. Nau nauhauhaunee naunaujaunee haugauwude haenauthaa. ¹⁴ Nau haenesedaunā haudjāedauwunaunith henanedane: hau najesa hadnauhauthehau hadanayau vevethahevāhe, nau hadvā dauhenayauhane, Mosase neesedaupade, haudneāenuu. ¹⁵ Hau haenenanauthedaunene neānee: nau havathee haewautha henanedanede

haeauñanauuchaudene daujewaunejaathededaunee, nau haudnenayauhāthee hedasauwauvahedaunenau. ¹⁶ Nau haejathāu hesee nauaunee, nau haevevetha. ¹⁷ Nau hethauwuu jasaa hesee, hajesechauhauthethāde, Nesethajauhuhauau nau hechauhau dauwuhuhauau nanavaavede haetheaugunauau hejava, haejeehedesanauau hadauchaē hauwuhauauwudan Gananee, nau Judea, nau Dādaunedan: nau naunaudāde Vahadāde haetheaugu hadnenayauhaude. ¹⁸ Nau, naune, henanenauau haenauuchauhanauau henanene heee hedauwune haesevāhene nau haenayāthejedananauau, nau hadjenanauwunauthēe hathājenith, ¹⁹ Nau hāejeveedethee haudnethejedanauthēe hanau dauwauthāa henanedanede, hanaāenauauhusathee dasee hauauwuu, nau haejanauhaujānanauau, hehethee dasee hejavaa hauauwuu nauguu hedauwune nahethāe hathājenith Hejavaneauthusaun. ²⁰ Nau hāenauhau dauwunith hedethauwuthajaudenenau, hanaāēdauwunaude, Henane, hauwauchudaude gaunudanauwunane. ²¹ Nau wauthau-nauhāhehauau Nau Nesethajauhuhauau hanaāejasesegaugauuthajauthēe, Hanaa naa hananadede nehedaduhude Hejavaneauthu? hathāhuk. Hanaa haudgudanauau wauchudaude, vavade Hejavaneauthu, naanesāde? ²² Hau hāenauwunith Hejavaneauthusaun hegaugauuthajaudenenau, Haudsethajaauva hadahenauau? hathāhaugaunee, ²³ Hayew gauchauaa, nehehāgu, Hauwauchudaude gaunudanauwunana; nau wauāthe gauhā nau javesa heheagu? ²⁴ Hau hadaenuwu henee Heau henane naunaudāde dasee hathāauuavadee negudanauau wauchudaude, (naasenehethauhaugu neasauwauvahedauwunith hesevahede) Hāedauwunathane, Gauhā, nau hedanau hauddu nau najesa nananene haudauwuu. ²⁵ Nau nauhauhane haethauwauthēe hathājenethe nau haedane heaugusenadenau nau hanaāejathāude hedauwuu haevaveenethedauna Hejavaneauthu. ²⁶ Nau vahee haegaugauuthajaudene nau haevaveenethedananaauau Hejavaneauthu, nau haeechauchaunaudenauau nāthajau, Naunaudauhauthānauau nuu desene, hāheagu. ²⁷ Nau hāevathedaude haejathāu nau haenauhauva hauāyāhe Levi hanaaseenith, haetheaugune nedauudanauau hauāyaunau, nau jethauguhu hathauhuk. ²⁸ Nau haevanauthā, haegauhā, nau haethauguha. ²⁹ Nau Levi haevasevethēheha nehayau hedauwuu, nau haewauthanaau hauāyāhehauau nau hauthauau haenedauguvā. ³⁰ Hau wauthaunauhāhehau nau Nesethajauhuhauau haeauēvā hethauguhādaunau, nau haenethevethēhewauna nau haenedaveyāwauna hauāyāhehauau nau wauchudauhuhauau, hathāhaugaunee? ³¹ Nau Hejavaneauthusaun hanaāauchuhananadethāthee, hathāedāenaedethee hehauwuvatēhā nau daunehāhew; hau hathāasauwauvathēe. ³² Nāhauwujenauusa haudnadethu hethahethee hau wauchudauhuhauau hadnauгаaudanenee hegaugauuthajaudenenau. ³³ Nau hathāhuk nau hethauguhādaunau Jaun denauaunenaugauyānethe, nau devevethahethee, nau naasedauthēe hethauguhādaunenau Nesethajauhuhauau; hau hanethenaunauau havethehethēe nau havaveyāthee? ³⁴ Nau hathāhaugaunee, Gauhājeneenesehauva dāeyaunauau nedauenenedaunee hauauwuu naugauyade hajesanedaunāthee waunenenehew? ³⁵ Hau hese haudnauaichuu, haudneedanauwunana waunenenehe, nau heee hadnaāenaugauyāthee hena hese. ³⁶ Nau hanaānadethaude jea jegausauhānee; Henane hehauwu jenane waunauyaunee neauthayew hadaugauthāyaunee, hith hesedauhuk, nau hadauwayaunee needau-

denauuu, nau jasaa needanee hadau wauyaunee hehauwuneauchauna gauthāyaunee. ³⁷ Nau hegau henane hehauwujenane waunauyaunee vasevenenaje gauthānenevajaunaa; nau wauāthe wauyaugu vasevenenaje haddaudeauau nevajaunau, nau hadgusenauauau, nau nevajaunau haddenanaunauuu. ³⁸ Hau waunauyaunee vasevenenaje hadedaunee hadauwauyaunee nevajau, nau nanesaunee. ³⁹ Nau hegau henane hesevanaagu gauthānevevenenaje nauhaunee haevathehaa waunauyaunee; hanau gauthāyaunee hethadee, hathauhuk.

6

¹ Nau hethauwuu naneseauwauau vadanese, haehedesa jenayaunaa; nau hethauguhādaunau haegaugauunauwu wauchunethauuhanau, nau haevethenauau, haegaunee gudenauau hejadenenau. ² Nau hauthauauau Nesethajauhuhau, Naudu hanesedauna waujaa nanavanau nesedaude vadanese hauthaugaunee? ³ Nau Hejavaneauthusau hanaāauchuhananadethaude, Gauhājethaunauhaude nuu hasauau David neesedaude, nehayau deasenade, nau neethāenethaunāde. ⁴ Neesejedāde Hejavaneauthu hedauauwunene, nau needanauau nau nevethē nauhauthethājauaujau, nau haevēna heethāenethaunauau; waujaa nanavanau veyāgu hau jasaa vevethahevahehauau? ⁵ Nau hanaāēdauwunāthee, Heau henane nanethadāde vadanese. ⁶ Nau hethauwuu jea jasaa vadanese haejedā vevethahenauauwuu nau haeautheda: nau henane haenedau hejavese hejadenaa haesevane, ⁷ Nau wauthaunauhāhehau nau Nesethajauhuhau haeauauyauhauvaa, wauau haadenenayauthā vadanese; hadnejauaudaunauthē dauhanājauwauaunauthē. ⁸ Hau haeaenauwu hegaugauthajaudenenau nau hanaāanadethaude henanene hesevenasanith, Gauhā nau yethaagu nahethāe. Nau haegauhā nau haeyethaagu. ⁹ Hejavaneauthusau hanaāēdauwunaude, haudnaudedauanathana nananena hanesadee; Gaujenanavanau vadanese hethadāgu hasedaunee, nau wauāthe wauchudaunee? henayauhāgu henaedede, nau wauāthe nanaunehāgu? ¹⁰ Nau hanaāenauwunāde vahee, hanaāēdauwunaude henanene, Segauha hajade. Nau hanaasedaude: nau hejade haenayauhune jasaa hasaunee. ¹¹ Nau haeechauchaunaudenauau hasenaunade: nau hanaāaunauwuhadethee daun haudnesehauthee Hejavaneauthusau. ¹² Hethauwuu hena hese, haehau haunee haudnevevethahede, nau haunaude naugaunee haevethedauna Hejavaneauthu. ¹³ Nau hāesenee, hanaāadethaude hethauguhādaunau; nau haedana vadadauchunesenee, hanaāeneseaude vadauhanauau. ¹⁴ Simoneau (jea haegaugauthea Peda haseauhuk), nau Andwheau henauhauwauau, James nau Jaun, Thenib, nau Bathaunaumew, ¹⁵ Matthew, nau Taumis, James heau Atheas, nau Simon Zenauts haseadagu, ¹⁶ Nau Judas James henauhauwauau, nau Judas Iskariot,* hanane jea nehaudaunade Hejavaneauthusau. ¹⁷ Nau haenauunethauna nau haetheaugunauau hethauauwuu, nau hadaunananethe hethauguhādaunau, nau haevasenauthenanedau henanedanede hehethē vahee Judea nau Dādaunedan, nau hehethē sasethauwu hadajee Tyre nau Sidon hethāejenaujaathēhādaunau, nau haudnenayauhāthee hedaunauwuhadaunee; ¹⁸ Nau hathāenauauthauwauvahethee wauchāhenethe haujaunau: nau haenayauhaunauau, ¹⁹ Nau haunaude

* **6:16** "Iskariot" is spelt with a "k" here but in 22:3 with a "c". Biblical names in this text generally but not always follow the spelling of the King James Version (KJV).

hadauchaa haevadauvasanau hanau daunudesanaunee hevadaude nau haevahenayauha. ²⁰ Nau hanaāenāuhauwaude hethauguhādaunau, Hauwunaunana nananena hadavenuhunena; hanau nananena najanede Hejavaneauthau, hathauhuk. ²¹ Hauwunaunana nananena hathāasenana hewaunehaa: hanau nananena hadnegaudana. Hauwunaunana nananena hathāevewauhuna hewaunehaa, hanau nananena hadnauchaunena. ²² Hauwunaunana nananena, henaneda hasānavānā, nau jaasauaunānā, nau naunaunauthevānā, nau hausāgudenauthe haneseedaunenau hadauwusaunee, haugau Henane Heāhene heee. ²³ Haunauwuthajauau henee hese heee, nau jajanauuau heee haunauwuthajauude: hanau, naune, hanavanasauau hadaugautheavadenenau hejavaa: hanau naneesedaulyaugaune henesaunaunenau naneesehauhaugaunee haeyāhehau. ²⁴ Hau naunauthauau hadnauauchaudaune hathāveaunauaune; haugau hanesedanauwuna hauwauthenaede. ²⁵ Naunauthauau hadnauauchaudauna hathāegaudana; hadnasenana. Naunauthauau hadnauauchaudauna hathāauchaunena hewaunehaa, hadnaudauwuthajauna nau hadvewauhuna. ²⁶ Naunauthauau hadnauauchaudauna, daunhēne vahee henaneda hāethadenee hasenehethānā, hanau henesaunaunenau naneesehauyaugaune jayaudauwaeāhehau. ²⁷ Hau hadāedauwunathava nananena hathāenedauvana, Vechauthaa nananena haujauthavenau, heneehaa hasānavādaunenau, ²⁸ Hauwunaunaa hāwauwauchuvādaunenau, nau hevevethasaa hāwauwauchuhādaunenau nananena. ²⁹ Nau henee haudauuvāde hajāeaunaa nau naugautha venene; nau hedanauau nananene hauddu jevaedanau jea naudauguvechude jevaethaa. ³⁰ Hevenaa daun henaneda hānedauwunādaunenau nananene; nau jeva jaenedauwunaa hedanauwunānagu daun hanetheyaunenau. ³¹ Daun hasevathehānaune henaneda hesehānenagu, nechau jenaasehaude. ³² Hith nananena vechauthaunagu daun havechauthādaunenau nananena, haddusevaveeneva nananena? haugau wauwauchudauhuhauau nechau nevechauthauthee hethāevetchauthādaunenau. ³³ Nau hith nananena hethadāgu hasehaunā daun hānenehādaunenau, haddusevaveeneva nananena? hanau naneesedaulyaugaunee wauwauchudauhuhauau. ³⁴ Nau hith nananena hehaunagu daun hāneejauaunaudaunādaunenau, haddusevaveeneva? hanau wauwauchudauhuhauau nechau neehauhaugaunee wauwauchudauhuhauau, hadnejanaasesedanuu. ³⁵ Hau vechauthaa nananena haujauthavenau, nau hethadeha hasedauna, nau hehānagu, jevajavathehāe; nau nananena haudaugautheavadenenau hadvasauau, nau nananena hadnaāedēyaunenena Javaājauuthee: nau nenenehaude nethājevaveenenethe nau hauhaunanau. ³⁶ Hedaulyaunee nananena, nananena Hāsaunaunenau jea hasedaulyaunede. ³⁷ Jevaachuwwu, nau nananene hadnaajauchuwuhane: nau jevaduguthāe nau nananena hadnehauwuduguhuva: hejaegudanauwuyāe nau hadnejagudanauwunane nananene: ³⁸ Vāe, nau hadnevenana nananene, vavesethajauauthāe, dāyāe, nau dāesathāe, nau haunauwauauthāe, hauchauva, henane hadvenāna. Nechau hadnaasethajauaudaunāna hasethajauauthānā hadnanesethajauaudaunana. ³⁹ Nau hanaāanadethaude haejejegausuhu, Gaunanenauguhu jenenauājetha nanenauguhu? Gauhaudjenesauujanesenauau gauhanana? ⁴⁰ Thauguthāe hehauwujavaāhe hechauhauthehādaune: hau haunauude hanesāde daun haunauudaunāde hathāhenith hechauhauthehādaune. ⁴¹ Nau naudu hanauhaudauwu nananene hahavaa hejaheede hesesāe,

hau haäjevesehau havadauhaude hathäsewau hasesäe? ⁴² Wauäthe hauddusenehethau nananene hahavaa, Jäedaä, hadaugauhauwunathe hajaheede hasesäe, hau daujenauhauwaude havadauhaude hathäsewau nehayau hasesäe? Nananene jayaudauwunaedehe, nedauau haugauhune havadauhaude hathäsewau nehayau hasesäe, nau hadenaäeneauwane hadenaäeneaugauhauwu jaheede hethäsathau hahavaa hesesäe. ⁴³ Hanau hauhaude hethahagu hehauwuseaude wausaunee vevenaundenau; nau wauäthe wauchahagu hauhaude hehauwuseaude hethadenee vevenaundenau. ⁴⁴ Hanau hadaachude hauhaude neaenaunede hanasaunee hevevenaundenau. Hanau hauchahevesee henanenauau hehauwunaadauhauänuu hauuyauchuwunau nau dauchuuwusee hehauwunaadauguunee dadajevenau. ⁴⁵ Henane hethäde hehethee hethadenee heda nenuauchaude hethadenee; hau wauchähede henane wausaunee heda nenuauchaude wausaunee: hanau waunauthaa hehethee hedahaa hede nanadenaunee. ⁴⁶ Nau nauu, Vahadähene, Vahadähene, haesena, hau nejesedauna hayauhuhau hasenehethathana? ⁴⁷ Daun nädasäde nau nedaunänaugu hasenehenaunauau, nau hesedauhuk, haudnauhauthehathana haudnethäde: ⁴⁸ Henanene henee nenesedenethe hauauwu naathäde, nau henee nejayauchauuu, nau nanejenanauau hauauwu dasee hauunaugäe: nau nauunauuu naje neje naunauthuu jaathäsäe henee hauauwu, nau hehauwunauauvathäau: hanau daunäaudaa hauunaugäe. ⁴⁹ Hau jaathedehe, nau janenaasedauthe, naathäde henanenau henee nedasauauvänethe vedauauwu; nau neje jaathäsäe naunauthuu, nau nauhauhaunee naunenauauau; nau thauwsäe henee hauauwu nevasauu.

7

¹ Wauhä häevathanadede vahee hanasenehede daujajaathede henanedanede, haejedä Capernaum. ² Nau jasaa vanenenaja hewauwaune haevechautha haeaugauwune, nau haeyänajane. ³ Nau häenedauwauthaude Hejavaneauthusaun, haeautheava vachaugananenau Jews, haeadetha hadjaunith nau hadnenayauhaunith hewauwaune. ⁴ Nau häedauchauthee Hejavaneauthusaun, haeautheauwaunauthasanaauau haugaunaunee, hanau hethäde naa henane naa haudneenesedaude, hathauhaugaunee: ⁵ Hanau vechaudauau nadedanenau, nau nenesedaunänauau vevethahenauauwu. ⁶ Hee Hejavaneauthusau hanaäejasesenethaunäde. Nau häeauchauau hauauwu, vanenenaja haejajedauaunanenau henedaehauhau, Vahadähene, jevawauchuthajau Nananene: haugau wauchähenu hadjedäne naudauauwu, hathauhuk: ⁷ Nanaa näejewauchanavadede dauudasathane: hau vavade nehedau hanadede, nau naudautheau hadeenanedanede. ⁸ Hanau nananenau nanethenanenenau naunaudähenu, nanethenu vanenanenauau, nau naäädauwunauau hanesäde yehau nau naäejathäaude; nau jasaa, Nahäje, hathauau nau jaunaude; nau naudautheau, Nesede, hathauau, nau nanesedaude. ⁹ Hejavaneauthusau häenedauwaudauau nuu hayauhuhau, haegaugauanava, nau haenauthegauthaagu, nau hanaäädauwunaude henanedanau hethäethauguhädaunau, Hadädauwunathava, Haunauau nähauwuveehau vasee hethauwuthajuhu (naa hathäde henane), hegau, hehauwu haduu Israel. ¹⁰ Nau henee hathäautheavathee, häejaenuusathee hauauwu, haevechanauau wauwaune haenenadanene henee neasauwauvähenu. ¹¹ Nau hethauwu jasaa hese, hanaäehaude hedan Nain haseenaugä; nau haewauthanenau hethauguhädaunau

henethaunādaunau, nau hauwauhuu henanedanede. ¹² Wauhā hāyānauusade hejavaaa dajanaunaa hedan, naune, naa najaa henane naunudanade, jasāsau henaune, nau haenevesānene: nau haewauthane henanedanede hehethe hedan haenethaunaa. ¹³ Nau hēanauhauwaude Vahadāde haeauwunauna, Najenaudāve, hathauhuk. ¹⁴ Nau haedasa nau haevasane nauaunechauthau: nau hethāenauaunechauhādaunau haedādauyaugunenau. Haunaua, hāedauwunathane, Thauwauthe, hathauhuk. ¹⁵ Nau henee nenajaa haethauwaudaugu, nau haenaējasesanadede, nau hanaēevenaude henaunene. ¹⁶ Nau nāthajaude haeedasā vahee: nau haevaveenethedaunanauau Hejavaneauthu, Havathee haeyāhe hanejauaude hadedanene; nau, Hejavaneauthau haenauujādauna henesaunau, hahagaunee. ¹⁷ Nau nuu dauauthedaunenede haenanadesanaune vahee Judea, nau nanadee gauānee vedauauwu. ¹⁸ Nau hethauguhādaunau Jaun haeauthedaunaa vahee nuu hayauhuhau. ¹⁹ Nau Jaun haedetha hanesethe hethauguhādaunau haeyethautheava Hejavaneauthusaun, Gauhanane henee waudaudjaude? nau wauāthe gauhadnaudenauhauwau jasaa? ²⁰ Hāedauchauthee henanenauau, Jaun Dusaayāhe janādauthēavānauau Nananene, hathauhaugaunee, hanaēenaudedauauthēe, Gauhanane henee waudaudjaude? nau wauāthe gauhadnaudenauhauwau jasaa. ²¹ Nau vavade hāauchauau haenayauha haewauthanenau vavāvāuhuhau nau havathee haugauwude, nau wauchāhenith haujaun; nau haewauthanenau nanenauguhuhau haevana nauhauthau. ²² Hejavaneathusaun hanaāēdauwunāthee, Najajathāuau, nau hadāedauwunauva Jaun hathāhaugaunee, hayewhu hanathauhauthāna nau hathadauvana; hasejaenauhauthāde nanenauguhu, jeneevasesāhe daujavesade, naunaujaunee hedaugauwudaunenau dauuyadāhethee, hayājadāhe daunedauvade, gaujauaudahehe daujaethauwauthede, hadavenuhu hethadenee waunauyaunee dauauthedaunade. ²³ Nau hauwunaunade daun najewauchuthajaudaunāde. ²⁴ Nau hēejathāunethe Jaun hedauthaunau, hanaējasesanadedauau henanedanede hasenaedenethe Jauneau, Hayew nananena haewaunenauhauthaunenau nauaunee? gaugauguyāse daunauuvasee? ²⁵ Hau hayew nananena hēawaunenauhauthaunenau? Gauhenane hedāchaunau hejajehaunenau hedāchaunau? Naune, nethāeneenuthēe, nau neneenaedethee thanāsee nenauchuwunethe hedauauwunenenu. ²⁶ Hau hayew hēawaunenauhauthaunenau? Gauhaeyāhe? Haa, hadāedauwunathava nananena, nau javaāsee haeyāhehau. ²⁷ Naa nananene, wauthaunese, Naune, hadjejenanauau Naudauthēau hathaaguna, hadnesedaunāna hauvaunenau sayānee Nananena. ²⁸ Hanau nāedauwunathana, hadedanenu nethāenesaunevāna hesānauau hehauwujavāsee haeyāhe hathāde Jaun Dusaayāhe: hau hena haugajehede hanedauhuk henajanedanene Hejavaneauthu javaāhehuk. ²⁹ Nau vahee henanedanede hathāenedaunāde, nau hauyāhehauau, hanaēchuwauthethajaudaunauthēe Hejavaneauthu, haenethedusaanā dusaayāhew Jauneau. ³⁰ Hau Nesethajauhuhauau nau nanavaavehēhau yesee nehayau haeausagudenauau hevathēdaunene Hejavaneauthu, haejenethedusaanā (Jauneau). ³¹ Nau Vahadāde hahagu, Hayew naudneedajenehethau henanedanede nuu henaedede? nau haethahenauthē? ³² Waude dāeyaunauauau hathahethee theaugunauthē naudauanauauwu, nau danadethadethee, nau nanāhethee, Nevadauhana, hau nananena nejevadana; naudauwuthajaudaunana nananena, hau nejevewauhuna. ³³ Hanau denausade Jaun Dusaayāhe

dejevethēe jauaujaunau nau deejevanaa vasevenenaje; nau nananena nanethenaude haujaun, nethauna. ³⁴ Heau henane daunauusade dauvethede nau dauvanaa; Nauhauvaa naa henane nauadaudāhe, nau vasevunenajevanehe, henedaehauhau hauyāāhehau nau wauwauchudauhuhau, nethauna. ³⁵ Hau haeyaude chaunuwuthajaudaunaude vahee hedāeyaunewau. ³⁶ Nau hanesāde Nesethajuhu haedetha haudjewaunenethevethehevāde, nau haeyehau haejedā Nesethajuhu hedauauwunene, nau haejanaugu hadvethede. ³⁷ Nau, naune, hesā hedan, haeauhaugane, hāaenaunaude Hejavaneauthusaun daujanaugunith hadvethenith Nesethajuhu hedauauwunene, haejāchaude jāvasaa chauyau, ³⁸ Nau haetheaugu hegauwune heauthene haevewau, nau hanaāejasesahasadede heauthene heee hedejee nau haehaenauwu heee henethaanene, nau haenedane heauthene, nau haechauane heee chauyau. ³⁹ Wauhā Nesethajuhu hāadethaude hāenauhauwaude, haejaevanadethade, Naa Henane, haeyāheyaugu, hanaenaunaude daunhadāhenith nau daunhathāhenith nuu hesāne hevasanādaune: hanau wauwauchuduhu, hahagu. ⁴⁰ Nau Hejavaneauthusau hanaāēdauwunaude, Simon, haudnāedauwunathane nananene. Nau hanaāēnehethaude, Hechauhauthethāhe, nanehe. ⁴¹ Hena jasia sayānedanauwuyau haenesenenau hesayānedanauwunādaunau: hanesāhenith yauthaunevadadausauau vāejethā, nau jasia yauthauyauau. ⁴² Nau hāeyahuunee haunaudauhudaunene, haenanethauaunegudanauwuna nesauuu Jeēdauwune, hanaane hevechauthādaune javaānee? ⁴³ Simon hanaāējaēdauwunaude, Nauchāe nananenith henehejavaāgudanauwunaune. Nau hanaāēdauwunaude, Nananene neaenauwu. ⁴⁴ Nau hanaāēyethaagude hesāne, nau hanaāēdauwunaude Simoneau, Gauhauhauwau nananene naa hesā? Nananenau nejedānau haudauauwu, nananene hāehauwunene naje heee nauaudau: hau neheahasadede nauaudau heee hedejee, nau nehaenauau henethaa. ⁴⁵ Nananene hāehauwunedane hau naa hesā hāenauusanaunauau hehauwuthauujenenedane nauaudau. ⁴⁶ Nauauguhua nauguu javeda nananene hajechausānene hau naa hesā nechauanauau nauaudau heee chauyau. ⁴⁷ Naa hāedauwunathane nananene hewauchudaudenau waunauthanee gaunudanauwunade; hanau dauvechauthāde javaānee hau daun vanehaa gaunudanauwunade vavade hasevechauthāde vanehaa. ⁴⁸ Nau hanaāēdauwunaude hesāne, nananene hauwauchudaudenau jaegudanauwunane. ⁴⁹ Nau hethāenedauguvādaunau dauvethethee hanaāejasesanadethee hegaugauthajaudenenauau hanaa naa negudanauau wauchudaudenau jea? ⁵⁰ Nau hanaāēdauwunaude hesāne, Nananene hadethauwaudaude henayauhāne nananene; najesa hadnauwauthenesane.

8

¹ Nau hethauwu waunee haejathāau nanadee hadauchanene hedan nau hajasehedan, dauaunauthedade nau daunaunauthethāde neethajade waunauyaunee hasaunee henajanedanene Hejavaneauth: nau vadadauchunesene haenethaunaa, ² Nau jasia hesānauau, haenayauhau dewauchāhenethe haujaunau nau vavāvāuhuhauau, Mare haseadagu Magdalene, naunudanavathe nesaudauchu wauchāhenethe haujaunau, ³ Nau Joanna henene Chuza Herod hadāhevāhe, nau Susanna, nau haewauthanauau hauthauauau, hevenādaunau hethāenethethanenau. ⁴ Nau hāeneenawauthaa henanedanede dauauāchaudenee, nau haedasaa hehethee nanadee hedane, hanaāeanaadede jegausauhānee: ⁵ Jenayāhe

haewauneneāgude hejenayaunau: hauthauau haejajanesanau vaunaa; nau haeauguhudaunene, nau neahauhauu hejavaa haeaudauvanauau. ⁶ Nau hauthauau haedasegaugauusanau hauunagāe; nau chauchaunu hāeveseuu, haenadadanau, hanau daujenajenee. ⁷ Nau hauthauau haejajanesanau hegauau dauchuuwusee; nau dauchuuwuse haenauguveseaunau, nau haeajedaunanā. ⁸ Nau hauthauau haegaugauusanau dasee hadauuthadee vedauauwuu, nau haeveseaunau, nau haeneeaunau vadadausauau jenayaude. Nau hāenehedauau nuu hayauhuhau, haevasenehe, Daun henaudaununede, nanehanedauvade. ⁹ Nau hethauguhādaunau haenaudeaunaa, duthanau nuu jegausude, hathāhuk? ¹⁰ Nau hahagu, Nananena vanenana haudnaeuwuna jaeyaunau henajanede Hejavaneauthau: hau hauthauauau janegausauhuthee; hadnenaauhauthāthee havajenauhaudauwu, nedauvahehauu havajaenauwu. ¹¹ Wauhā, heyew hasauau jegausude: Jenayaunau hedenehede Hejavaneauthau. ¹² Henee vaunaa nanathee nenedauvathee; hanaāenausade haujau, nau nedanauwunāthee hanadede hedahenauau, naseduhuu hethauwuthajauau, nau hadenanedanena. ¹³ Henee hauunaugāe nanathee, nanedauvanauthe nesedanuu hanadedaunau nauuu haunauwuthajau; nau nuu hethauwuthājenenauau, vanehaa nethauwauduu, nau nauauchaudaunauthe vasehadede naneenaunegauhuthee. ¹⁴ Nau henee nejajanesāe thauhauthauchauyauau dauchuuwusee nanathee, hanesenedauvanauthe, naneejathāuthee, nau neenadejethathee heee haunaunethaude nau nethauyādahede nau haunauwudaude, heee nuu henaede, nau hehauwu-nauauchaudenauau vevenaudaunau hadauuyauthaunee. ¹⁵ Hau henee hadauuthadenee vedauauwuu nanathee, hethauvahethee nau hethadenee hedahenau nenedauwauduu hanadedaunau, naunaunedethee, nau nenauchaudethee vevenaunau heee jenuwuaunee. ¹⁶ Hegau henane, hāesedeauchauuu nauauuthayau, hehauwau gau heee vasenau, nau wauāthe hehauwujenane thānee hauvaa; hau nethānauau nauauuthayau neetheaugunee daun janedāde hadenauhaudauau nauauuthayāgu. ¹⁷ Hayewhu hehauwuyauthesa, haudjauthaseneseehe; wauāthe hayewhu hehauwuyau hadjaenaunee nau hadnejaunauau hauthasauau. ¹⁸ Haunauyauhaudauwu hanathadaunanā: daun naneethaude, nananede haudnevenade; nau daunjanenethenaude, nananede haudnedanauwunade daun henetheyaunau. ¹⁹ Hanaāedasāde henaune nau henethesaunau, nau haejenedasaa heee dauneethenedaunenee. ²⁰ Nau haeāedauwunaa jachau hathāhuk, Hānau nau hāthesaunauau theauguthee jathee, vanadaunauhauvānaune. ²¹ Nau hanaāauchuhananadede nau hanaāāedauwunaude, Nānau nau nāthesaunauau nuu nanathee nanedauwauduu hedanadedauunene Hejavaneauthu, nau naasedauthee. ²² Wauhā hethauwuu jasaa hesee, haejedā thewaunaa nauuu hethauguhādaunau: nau hanaāāedauwunaude, hadeyehaunau hauchaunau neajee: nau hanaāejathethuauthee. ²³ Hau hajechuauthee haenaugau: nau hanaāēnauasaa neajee haenaudasa; nau haeechauchaunane najee, nau haenedaudauwugaujauaudahede. ²⁴ Nau hanaāēdauchauthee, nau haeauwaudananauau, Hechauhauthethāhe, Hechauhauthethāe,* gaujauaudāhenauau, hathauhaugaunee Hanaāethauwauthede, nau hanaāēneudauau hasāse nau dasenaunanaunee najee: nau hanaāēdaunauuu, nau hanaāēdāduyauau. ²⁵ Nau hanaāēnethaude, daude hade-

* 8:24 Possible missing "h" in "Hechauhauthethā(h)e" ("Master").

thauwaudadenenau? Nau haenāthajaunauau haejenaunethajaunauau, Dauhuthenane naa, hanathadagaanee; haauchuwudede hasāse nau naje, nau hanaāethauwaudanāde. ²⁶ Nau hanaāenuusathee vedauauwuu Gadarenes, hauchaunau Gananee. ²⁷ Nau hāeyehaude vedauauwuu, hena haenuchaunaa jathee hedan jachau henanene, haenethena haujaun dajechaau, nau haevedauauchauna, haejenaede hauauwuu, hau nedauthānavathe gaujauaudahehehau. ²⁸ Hāenauhauwaude Hejavaneauthusaun haevasanade, nau haechaagujanaugudauna, nau hanaāevasanadethaude, Hauddusehathe, Hejavaneauthusaun, Nananene Heau Hejavaneauthau javaājauthee? Nenedauwunathane Nananene jevanaunauchauthehe. ²⁹ (Hanau haenesedauwauna wauchāhenith haujaun hadjenauahenith hehethee henanene. Hanau nauaunee dauhusedanāde: nau naunaunehade neduguhude heee vāejethāduguthaunau nau nesaunajethaunau; nau haegaugauchauagude heeduguhudaunau, nau haejathethasauaunaa haujaun hese nauaunee.) ³⁰ Nau Hejavaneauthusaun haenaudedauanaa, Haudusee? hathāhuk, Nau hanaāedeauwunaude, Waunauthade: hanau dewauthanethe haujaunau hethāchaudaunādaunau. ³¹ Nau haenedauwunanaunau hadjenesedauwaunathee hadjeyehauthee hethauvaa. ³² Nau hena haewauthanaunau neauthuwauchu nevethethee hauanee: nau haenedauwunanaunau hadjenanāthee wauhaunee. Nau haejenana. ³³ Hanaāenauahethee haujaunau hehethee henanene, nau haewauhaunesanaunau neauthuwauchuu: nau vahee neauthuwauchu haejathegauhunauau neenanee janahuu yesee neajee, nau haevanadeavenauau. ³⁴ Hāene henee nauchauwauthee daunauhauudu hasedaunenene, haedaugauhunauau, nau haejathāaunauau nau haeauthedanaunau hedan nau vedauauwuu. ³⁵ Hanaāeyehaudenee hadnauhauwuu daun hasedaunene; nau haedauchau Hejavaneauthusaun, nau haevvehau henane, heneenenauthāde haujaunau, haetheaugu heauthene Hejavaneauthusaun, haedēāchaunene, nau haechuwuthajaune: nau haenāthajaudene. ³⁶ Henee nenauhauwauthee haeauthedanaunau neesenayauhade nenethenaude haujaunau. ³⁷ Hadauchaa hathāauuavaa Gadarenes gauānee haejathethajenāhenauau; hanau dauasāhede: nau hanaāeyehaude nauauhuu jethee thewaunaa, nau hanaāejaesade. ³⁸ Wauhā henane nenauthāde haujaunau haenehethaa hadnenethaunāde: hau Hejavaneauthusaun haejathethajenāhe, hathauhuk, ³⁹ Jaeyehau haiduauwuu, nau hadnauhauthethā hathāenavasauau hayewhu Hejavaneauthau hasehāne nananene. Nau hanaāejathāde, nau haeautheda nanadee hathāaunee hedan hathāenavasaunee hayewhu Hejavaneauthusaun hasehāde. ⁴⁰ Nau hethauwuu hāejaenausade Hejavaneauthusaun, henanedanede haeneethajaudanaa: hanau haevadauyauhauwau. ⁴¹ Nau, naune, haejenaunaa henane Jairus haseagu, nau hadāhevāhe vevethahenauauwuu: nau haeuāneseve Hejavaneauthusaun heauthene, nau haeadetha hadjewaunejedānith hedauauwuu: ⁴² Hanau haenesāhene hedaunau wauau hanesenee jajenevāhe, nau haeyānajane. Hau hajesesade henanedanede haevauhaunaa. ⁴³ Nau hesā haevathaude nesenee jajene heee, haevathede haunauude hevāejethāwau heee naudaunehāhehau, hau haejenayauhau, ⁴⁴ Haedasa hegawune, nau haevasane naunauchuu heduwune: nau chauchaunu haejenevathaude. ⁴⁵ Nau Hejavaneauthusaun hanaa navasanāde hahagu? Hāevahethedauwaudenee, Pedā, nau hathāenethaunāde, Hechauhauthethāhe, henanedanede vauhaunane nau naneethenane, nau hanaa navasanāde,

nesehene? hathauhaugaunee. ⁴⁶ Nau Hejavaneauthusau, hanaadee vasanānau, hahagu: haenauwau daujasesenauauau vadaude hehethee nananenau, hahagu. ⁴⁷ Nau hāenauhaudauau naa hesā daujeyauthesee haejeyehau haeahenauau, nau hanaāechauāgujanau gudaunaude, haeauthedauna hauthasee vahee henanedane hathavasaunaude, nau hasenayauhāde chauchaunu. ⁴⁸ Nau hanaāēdauwunaude, Nauddau, nanehāauwauthenaedene: nananene hadethauwuthajaude henayauhāne nananene; najesa haunauwuthajau. ⁴⁹ Hajesanadede, hena haejau hanesāde hehethee hadāhevahew vevethahenauauwuu, haeāedauwuna, Haudauna najaa; jevajenaunevene Hechauhauthethāhe. ⁵⁰ Hau hāenedaunāde Hejavaneauthusaun, haenaāēdauwunāde, jevanāthajau: hethauwuthajau vavade, nau haudnenayauhade, hathāhuk. ⁵¹ Nau hāejedāde hauauwuu, henanedane haejevadaujedāne, vavade Peda, nau James, nau Jaun, nau henesaunaune nau henaune hesāhedāeyaune. ⁵² Nau vahee haevewauhudaune, nau haeaudauwuthajauhā: hau hanaāenehede, Jevavewauhuu; hehauwunaja, nauthe naugauhude. ⁵³ Nau haeauthanauau haevachunaunanauau, dauaenaunauthee daunajanethe. ⁵⁴ Nau haevanudana, nau hanaāedanaude hejadenene, nau hanaānadethaude, Hesāhee, thauwauthe, hathahuk. ⁵⁵ Nau hevadathuwu haejadedasaa, nau haethauwauthe chauchaunu nau hanaāenehede hadnauchavavathe. ⁵⁶ Nau henehā haegaudauwuthajaunenau: hau haeāedauwuna hadjāedauvanethe henanedaa hasedaude.

9

¹ Hanaāadethaude vadadauchu nesenee hethauguhādaunau hauānee, nau haejaanauwuna naudahede nau hadvaheneedauthee nanadee vahee haujaunaa, nau hadnenayaudethee haugauwude. ² Nau haejenana hadnauthedaudauwunethe henajanaedane Hejavaneauthu, nau hadnenayauhaunethe hasauwauvahehehau. ³ Nau hanaāēdauwunaude, Jevaedanauwuu hayewhu hee hajavechaundenenau, daudause haugaudahunau, daudause newaugusajaānauthau, daudause jauaujau, daudause vāejethā; daudause jevanesauguevchudaunaa. ⁴ Nau daun hauauwuu hadaujedānā jenaadauna, nau jenaathejathāauna. ⁵ Nau daun hajethauhauvādaunenau, hāenauchenā hena hedane, hadegauijāheva naudauuyāgu hadneaenaunathee. ⁶ Nau hanaāejathāauthee, nau haehedesanauau hauauwudan, haeauthedaudauwuu hethadenee waunauyaune, nau haevahenayauthānauau nanadee. ⁷ Wauhā Herod naja haenedauva vahee hanasedaunenene hee: nau haejaene, hanau haenaasenehedaunee gauuu, henee Jaun jaegauhāde hehethee denajaa; ⁸ Nau gauuu, henee Elias naunauhauthethāde hedanayau: nau hauthauauau, hanesāde dajechauau haeyāhehauu jaegauhāde. ⁹ Nau Herod hanehe, Jaun nedavaāsauu: hau hanaa naa, nanedauwauthau? Nau haevadaunauhauva. ¹⁰ Nau vadauhanauau, hāejaenuusathee, haevahauthedaunaa hanasedaunethe. Nau hanaāedanaude, nau hanaāejathāauthee hevenanee hese hadaunechaunee hathauu hedan Bethsaida haseāgu. ¹¹ Nau henanedane hāaenuu, hanaāethauguhauthee: nau haeesedana, nau haeauthedauna hasaunee henajanaedane Hejavaneauthu, nau haeenayauha hathāevadaunayauhathē. ¹² Nau hāyānaesade, hanaāejenuusathee nesene, nau hanaāenehethāde, Nanehāejathāadene henanedane, hadeehaunee hauauwudan nau vedauauwuu nauanee, nau hadenethee, nau hadejasedauthee vethewau: daunechaunee

hadaunauau. ¹³ Hau, Venaa nananena hadevethehedaunee, hathauhuk. Nau hanaāēdauwunauthēe, Hau nanethenauwunauau hehauwujavaānee hayauthaunāe jauaujaunau nau hanesethee nauwu; hanāyehaunee nau haunaudaunauhuu vethewau heee vahee nuu henanedanede. ¹⁴ Hanau wauau haeyauthaune vasevadadausauau henanenauau hanaadauchuthee. Nau hanaāēdauwunaude hethauguhādaunau, Janauguhāa yauyauthauyauaugunauha. ¹⁵ Nau hanaasedauthēe, nau haevajanauguhanaauau. ¹⁶ Hanaāēdanaauau hayauthananenee jauaujaunau nau hanesenethe nauwu, nau hanaāējenāauguau de javaa, haeevethasa, nau haenaāējeanaauu, nau hanaāēvenau de thauguthāhehau haidjenanauwunethe hathaājedaunenēe henanedanede. ¹⁷ Nau haevethehedaune, nau haevahegaudaunee; nau haeauānenau jeyauwaunau hathāenathaudāe nesenee hanaadauchāe hanechauchaunāe nenethaudanee. ¹⁸ Nau hethauwu, haenesenane, dauvevethahede, Hethauguhādaunau haenethaunaa: nau hanaāēnaudeaunau, Hanaa nenehede henaneda daunanenau? hathauhuk; ¹⁹ Hanaāēchuhananadethauthēe, Dusaayā Jaun; hauhauthauauau nethee Elias; nau jasae nethee hanesāde dajechauau haeyāhehauau jaegauhāde. ²⁰ Hanaāēnehethaude, nau hanaa nenehede nananena daunanenau? Peda hanaāēchuhanaēdauwunaude, Chris Hejavaneauthau. ²¹ Nau haenenadauduvā, nau haenesedauwaunā hadjāēdauwunaunethe henanedanau henee; ²² Heau henane hadnasenede wauthanee heee hayewhu, nau hadnausāguthāde vachaugānanenau nau naja vevethahevahehauau nau wauthaunauhāhehauau, nau hadnaade, nau hadjaegauhāsanade nasese, hanathauhuk. ²³ Nau hanaāēvahāēdauwunaude, Hith henaneda jethauguhānaugu nanehanaunauthethahede, nau jeedane henaugauchu hayauwusenenee, nau najeethauguhāa. ²⁴ Daun haunaugaunayaude hedenaedede hadnanadede: hau daun hanadede hedenaedede heee nadanayau, nananede hadnenayauhadede. ²⁵ Hauddusedau henane, vahesedanauaugu hathāauauvadenee, nau hanahadagu, nauwauāthe hausāguthadagu? ²⁶ Daun naudauthedaunāde nau nadanadedauunau, nananenith Heau Henane haudnaudauthedaunau, hāenausathe nehayau hadauvasāthanith, nau Henesaunaune hadauvasāthanith, nau vadane hautheaunauau hadauvasāthanethe. ²⁷ Hau hadethauwauthedaunathava hauthauauau theauguthee hede, haudnehauwuvajaduwu gaujauaudahede, haunaude haudnauhaudu henajanedauunene Hejavaneauthau. ²⁸ Nau hethauwu wauau hanasaudauche hāesenehede, Hanaāēdanaude Peda nau Jauneau nau Jameseau, nau hanaāēnauauhusathee hauanee hadnevevethahethee. ²⁹ Nau hajesevevethahede haenausaāune hedauchaveau haenathadene, nau hedāchaunau haenaujaunenau nau haenaunaugausaunau. ³⁰ Nau naune haenadethaa hanesenethe henanenau, haenanenau Mosaseau nau Eliaseau; ³¹ Daunauhauthethāde hadanayau haenausaāune, nau haeauthedaude haudgaujauaudāde hadvathechauchaunaude hehethee Dādaunedan. ³² Hau Peda nau hethāenethaunādaunau haenaunauanenau: nau hāuauwaudauunethe, haenauhauduunenenau henausaāude, nau hanesenethe henanenau haenethauguvaa. ³³ Nau hethauwu, hāenauthāde, Peda hanaāēnadethaude Hejavaneauthausan, Hechauhauthethāhe, hethadee hasanedauunee hede: nau hadenesedauna hanasāe nenaunau; hanesadee Nananene, nau hanesadenee Mosese, nau hanesadenee Elias; haejaene daunhasenehede. ³⁴ Hajesanedede, haejenauusanau henaunauade, nau haeduguaunā: nau haenāthajauunauau daujedāthee henaunauadee. ³⁵ Nau haejeanededaune hehethee henaunauadee, Naa nananede Navechauthau

Nā: nedaunaa, hāheagu. ³⁶ Nau hāesanedadaunee, Hejavaneauthusau haenesenane. Nau haeyaudenauau, nau haejāedauwunanauau henanedane hena hesee neanāthauhaudu. ³⁷ Nau hethauwuu, dauauthesenene, hāejejanauhusathee hehethee jauaudanee, haegauāhenenau henanedanau hejadedauunādaunenau. ³⁸ Nau, naune, henane hehethee henenedaa haevasanade, Hechauhauthethāhe, nenedauwunathane Nananene, daugauhauwune nā: vavadenaanesāde nadāeyauneve, hathauhuk. ³⁹ Nau, naune, haujaun hedanāde, nau chauchaunu haedauyānade; nau haethauwuguthaa haevevechauchaunade jeda, nau haeesenahaa haejechuwauthenauthaa. ⁴⁰ Nau nananenau neauthewu hāthauguhādaunauau hadnausāguthauthee; nau nejenedauthee. ⁴¹ Nau Hejavaneauthusau hanaāauchuhananadethaude, Hau hāhauwuthauwuthajau nau daujechuwauthenaedene, haudedauhujesenedauguvathe, nau haddauhujesenethauguvathe? Jāsene nananene hāa hede. ⁴² Nau hajesejaude, haujaun haeauneguthaa, nau haethauwuguthaa. Nau Hejavaneauthusau haeneneuva wauchāhenith haujaun, nau haeenayauha dāeyaunauau, nau haejaevana henesaunaunene. ⁴³ Nau haevagaugauanadauwu hasevasenaudāhenith Hejavaneauthu, Hau hajeseagaugauanaduu haunauude vahee hayauhuhau Hejavaneauthusaun hanasedaunith, Haeāedauwuna hethauguhādaunau, ⁴⁴ Chuwauthee nuu hanadaunau jedānuha haunadaununenau; hanau heau henane hadvenavathe hejadenene henanenau. ⁴⁵ Hau haejaenauwu nuu hasenehenith, nau haeyaudaunaunauau, haejaenauwu: nau haeeadaunaudedaanauau hasenehenith. ⁴⁶ Hanaāegaugauudedadaunee, hanaadee haudvasāthaa. ⁴⁷ Nau Hejavaneauthusaun, haeenauwu hanasethajtuthee hedahenauau, haedana dāeyaunauau, nau haeauyejanaguna, ⁴⁸ Nau hanaāēdauwunaude daun hanasedanaude nuu dāeyaunauau naneseedaunaa hadnesedanānuu: nau daun nāsedanāde haudnesedanaude nājejanādaune; daun javaānadavenuhunede haunauude nananena vahee nananede hadnaasevasāthaa. ⁴⁹ Nau Jaun hanaāauchuhanāedauwunaude, Hechauhauthethāhe, neenauhauwaunauau hanesāde nenuguthaude haujaunau hee haneseede; nau neadauwauanaau, hanau dauhujenethaunānuau. ⁵⁰ Nau Hejavaneauthusaun hanaāēdauwunāde, Jevadauduvaa hāhauwasānavāne nanesevānuau. ⁵¹ Nau hethauwuu, hāenauauchaunee hadneejejanauhudanāde, haechuwuyethāne hadnehaude Dādaunedan, ⁵² Nau haeautheava sayānee: nau hanaāejathāaunethe, nau hāejeidāthee hajasee hauauwudan Samaritans, hadnesaanudaunāde. ⁵³ Nau haejesedanaa, hanau dauyethāāsade Dādaunedan. ⁵⁴ Nau hāene hethauguhādaunau James nau Jaun daunauhaudauwunethe nuu, hanaāenehenethe, Vahadāhene, gaujevadaunedauwaune heseda hadjejanauhusanauau hehethee hejavaa, nau hadnevadauchauthee, neesedaude Elias? ⁵⁵ Hau hanaāeyethāādauusade, nau haeneneuva, Nananena hāhauwaenava daun vadathau nananena hadahena, hathauhuk. ⁵⁶ Hanau Heau henane hehauwujau hadnenauadede henanedanau hedenaededaunenenu, nau hadnenayauhaude. Nau hanaāeyehauthee jasaa hajasee hauauwudan. ⁵⁷ Nau hethauwuu, hajesethaugudethee vau, jachau henanene hathāhuk, Vahadāhene, nananenau hadnefhauguhathane nananene daun nananene hanasesanaune. ⁵⁸ Nau Hejavaneauthusau hathauhuk, Gauauwauau neyāethee, nau neaheauau hejavaa nenauhuchauthee; hau Heau henane heyauhuunee nedausevaānede. ⁵⁹ Nau hanaāenehethaude jachau, Jethauguhu, hau hathāhuk, Vahadāhene, nedauau nawaunejenanau

nāsaunau. ⁶⁰ Hejavaneauthusaun hanaāēdauwunāde, Nanehajenanauthee gaujauaudahehehauau negaujauaudāhenethee: hau jathāau nananene nau haddauthedaude henajanede Hejavaneauthau. ⁶¹ Nau jachau jee, hathāhuk, Vahadāhene, hadnethauguhathane nananene; hau jechuwauthehe nedauau nawaunenaunenechauthaunauau, hanedauthee nayāēnau naudauauwu. ⁶² Nau Hejavaneauthusaun hanaāēdauwunāde, Hegau henane, dunauaugu thauauauwujethau, nau jaaāyau, hehauwunaathā henajanedauene Hejavaneauthu.

10

¹ Nuu hee Vahadāde haeautheava hauthauau nesaudausauau jee, nau haeyeyethautheava hanenesenethe sayānee haunauude hedan nau vedauauwu, haudnanādaunauusade. ² Henaheee hanaāenehethaude, Jenayaunau hethauwuwauthāe haneseuu, hau nesethāhehauau hajewauthathee: vevethahee nananena hee Vahadāde deseujenayaunau, hadejejenanaude nesethāhehau hejenayaunaa. ³ Jathāauau nananena hathaāsana; naune nananenau janenanathana neānee waude haudāsaunauau hejee hauchāhee. ⁴ Jevanewuunauwu nesevāejethāwauau, newaugusajaānauthau, nau wauauau: nau jevanaunenāthedaunaa henane hauvaunenau. ⁵ Nau daun hauauwu nananena hadaujedānā, Dādauyauha nuu hauauwu, nedauau hadeva. ⁶ Nau hith heau dādaunee hanedauyugaune, nananena hadādaunahedaunenau hadnaadaudayānusaa: hau jene hadjaegausedaunāna. ⁷ Nau vadade hauauwu hadanedauva, hadevethava nau hadevanava daun hayauhuhau hauchauvadenenau: hanau nesethāhe naunadaunade. Jevaenejedāe hauauwu. ⁸ Nau daun hedan nananena hadaujedānā, nau hesedanānagu, hadevethava daun hayauhuhau hajenanauwunādaunenau: ⁹ Nau hadenayauhauva hasauwauvahehe daun hanedaue, nau hesau jeenanethāedauwunauna, Henajanede Hejavaneauthau hayāedasāna. ¹⁰ Nau daun hedan nananena hadaujedānā, nau jesedanānagu hadjathāauva hasesana hehethēe hadaugauchaudāe hauauwudan, nau hesau jeenesenehethauna, ¹¹ Daudause nauthejahathaugu nananena hadedanaunenau, heejahadāheagu, neyeseгаunuhudee nananena: hau nananena hadethauwaenava nuu, henajanede Hejavaneauthau hayāedasāna. ¹² Hau hadāedauwunathava, hadjavaānanethauayauau hena hesee hee Sodom, javaānee hee hena hedan. ¹³ Naunauthauau hadnauauchaudauna, Chorazin; naunauthauau hadnauauchaudauna, Bethsaida; hanau havathenayauthau heheenesedaundeneagu jedauwu Tyre nau Sidon, nuu hasehana nananena, dajechauau neaunaunevethajauduuhewauchudaunenau, needanaugudaunee neachuwaudene naujuwau nau jaetha. ¹⁴ Hau hadjavaānanethauayauau hee Tyre nau Sidon hānaudedaunadedaunee, javaānee nananena. ¹⁵ Nau nananena, Capernaum, hanejanana yese hejavaa, hadjaeanauhane yese hadauveeyauau. ¹⁶ Daun hajaathēdaunenau nananena hadjaathēānau; nau daun hauwauchānavādaunenau nananena haudwauchānavānau; nau daun nauwauchanavāde hadwauchanauwaude najejenanādaune. ¹⁷ Nau nesaudausauau haejaenuusanauau naugu neethajau, hanaāēdauwunauthee, Vahadāhene, daudase haujaunauau hanechauwauaunauau hee nananene haneseede. ¹⁸ Nau hanaāēdauwunāthee, Nenauhauwauau Haujau waude jahagude hasejanasaa hehethēe hejavaa. ¹⁹ Naune, Nananenau vanenathana

nananena naudahede hadnauguhudaunauna seseyānauau nau hauwauhaudathee, nau nanadee vahee henaudahede haujau: nau hegau hadneasevena. ²⁰ Hau vahee nuu jevaneethajaudauwuu, haujaunauau dauuchauwauaunauna; hau henauthaneneethajauau hanau nananena haneseedaunenau dauwauthaunauhuu hejavaa. ²¹ Hena hāauchaui Hejavaneauthusau haeneethajaune hevadathuwu, nau hanaāenehede, Nananenau vaveenethedaunathane Nananene, Hau Nāchau, Vahadāhene hejavaa nau vedauauwuu, hanau Nananene dauyauaunaude nuu hayauhuhau hehethēe nadaunahehehauau nau hathauwunanenauau, nau hadnauhauthehauva dāeyaunauauau: hethauwuu, Nāsaunau; waude hethadee nananena hasesānenau. ²² Vahee hayauhuhau vanenānu Nāsaunau: nau hegau henane haenauna hanaadāne Heāhene, vavade Vāsaunau; nau hanaadāne Vāsaunau, vavade Vāa, nau nananede hanaadāne Heāwaune hadnenauhauthehāde. ²³ Nau hanaāejaedaugauhauwaude hethauguhādaunau, nau hanaāanadethaude hevenanee, Haunauwuthajauha hasesānenau dauhunauhauwuna hayauhuhau hānauhauthaunenau: ²⁴ Hanau nananenau hāedaunwunathana, waunauthathee haeyāhehauau nau nenauchuwuthee nevadaunauhauuu hena hayauhuhau hānauhauthaunenau, hau hehauwuthauunauhauwuu; nau devadaunedauwauuu hena hayauhuhau hānedauwauthaunenau, hau hehauwunedauwauwuu. ²⁵ Nau, naune, jasia nanavaavehe haetheaugu, nau haenaudayādauna, Hechauhauthethāhe, nauddusedane jethauujenee henaede? hathauhuk, ²⁶ Hanaāēdauwunāde, Hayew wauthaunesaa nanavaavedaunaa? Hādusasauihau hanaanene? ²⁷ Nau hanaāēdauwunaude, Nananene hadvechauthau Vahadāde nananene Hejavaneauthau nauguu vahee nananene hadahaa, nau nauguu vahee nananene hadathuvaa, nau nauguu vahee nananene hadāhedaunaa, nau nauguu vahee nananene haugaugauuthajaudenaa; nau nananene hanedaudewau waude nehayau nananene. ²⁸ Nau hanaāēdauwunaude, Nananene hethauvāne: nanehasedaune, nau nananene hadnenaedene. ²⁹ Hau nananede, vanadauchuvanadede, hanaāenehethaude Hejavaneauthusaun, Nau hanaa nanedaudewau? hathauhuk, ³⁰ Nau Hejavaneauthusau hanaāaichuhanāedaunau, jasia henane haejathāu hehethēe Dādaunedan hese Jericho, nau haeesedanaa havedehau, haethauwujedaunaa hedāchaunau, nau haenesenehaa, nau haejathāaunenau, haenauthaa dauhayānaja. ³¹ Nau haejathedasaa jachau vevethahevahew hehethēe: nau hāenauhauvāde, haejavechauthaa gauchuhune. ³² Nau vavade Levite, hāedadauu hadaunith, haeda sa* nau haenāuhauva, nau haejavechautha gauchuhune. ³³ Nau jasia Samaritan, daujādade, haeedasa hadaunith: nau hāenauhauwaude haeauwunauna, ³⁴ Nau haeyehau, nau haedugudauna hadaunenesenith, haedaunauwuna javeda nau vasevenenje, nau haedasana nehayau hedauneau, nau haenauuchauha vethehedaunauwuu, nau haeauunaeha. ³⁵ Nau daunaganene hāejathāude, haedane hanesanene hevāejethāwau, nau haevana hadāhevahew, nau hadaunaunehau, hathauhuk; nau daun hasegaujauauthedanānaune jee, hāejaenauusanaune nananenau hadaunadaunathane nananene. ³⁶ Hayewnau nuu hanasāe, hadeanathaunau, henedaudevādaune henee neesedanāde havedehau? ³⁷ Nau hanaāēdauwunaude henee heauwunaunādaune. Hanaāenehethaude

* **10:32** Two words across a page (“haeeda” and “sa”) perhaps should have been hyphenated, giving “haeedasa” which, together with “haedasaa”, occurs eleven times elsewhere in the text. There are no other occurrences of “sa” standing alone.

Hejavaneauthusau, nau jenaenesedaune nananene. ³⁸ Wauhā hethauwuu, daunausujavesathee, haenauusanauau jasaa hajaseehauuwudan: nau jasaa hesā haseagu Martha haejedana hedauauwunin. ³⁹ Nau haenahavāe Mare haseeyaugaune, jea haejanaugude Hejavaneauthusaun heauthene, nau haenedauwaude hedanadedanene. ⁴⁰ Hau Martha haedauwauchune dauwauthanee hasedaude, nau haejeedasa, nau hanaāenehethaude, Vahadāhene, gauhahajegaudauvanade daujenauthānau nahavaa daunesenesethānau? hāedauwunene hadenedahevānau. ⁴¹ Nau Hejavaneauthusau hanaāauchuhanehethaude, Martha, Martha, nananene haunaunāhene nau dejanethajaudauwu waunauthāe hayauhuhau: ⁴² Hau hanesadee hayewhu chaunauguauau: nau Mare hayāchauhauau henee hethadenee hadāde, hehauwuneejathechauhau nauthee.

11

¹ Nau hethauwuu, henee, daunausuvevethahede haedaunanenee, hāejenedaude, hanesāhenith hethauguhādaune hathāhuk, Vahadāhene, jeechauhauthehāa hadnesevevethahee, waude Jaun jea neesechauhauthehaude hethauguhādaunau. ² Nau hanaāēdauwunaude, hāene nananena vanevethahenā jenanenesenehena, Hāsaunaunene Nananede hanedaude hejavaa, Vadanauha Nananene haneseede. Nananene hanajanede hanājaunauau. Nananene hathanavāane hadnaasedaunee hasauau hejavaa, nau jee nuu vedauauwuu. ³ Hejevenāa hadauchusenee hayauwusenee vethewau. ⁴ Nau jeaegudanauwunāa hewauchudaudenedaunau hanau nechau nejaegudanauwunade haunauude hanesāde nethāesayānedanauwunāade. Nau jevaechauhāa nedauvashadee; hau haugaunayauhāa hehethee hadau wausauau. ⁵ Nau hanaāēdauwunaude, hanaa nananena hadnenedaehahede, nau hadneyehaude thaudajaa, nau hadethaude, Va, jeehe hanasāe jauaujaunau; ⁶ Hanau nādae daunauujādaunānau, nau nananenau haeyauhuunee nauchauwaude? ⁷ Nau hehethee jedauwuu hadnauchuhanehede nau hadnenehede, Jevajanethajuhu: dajanau wauwu haugauhude, nau nanesaunauau nanejauwu naudaavaa;* nananenau nāhauwuneethauwauthe nau hajeneevenathane. ⁸ Nananenau hāedauwunathana, hadnehauwuthauwauthene nau hadvenāde hanau dauhunedaehāwaude, auhanau dauneenāhede hadthauwauthenith nau hadvenāde daun hadauchuvathehāthe. ⁹ Nau nananenau hāedauwunathana, Henedauwauau, nau hadnevenana; henaudethāe, nau hadneveedena; hewaūdāhee (dajanau), nau hadnegaunedanauwunana. ¹⁰ Hanau haunauude hanesāde nethāenedauwaude neneaudauwaude; nau henee nenaudethāde neveenauau; nau henee newaudāhaude (dajanaune) hadgaunanauwunade. ¹¹ Hith hāahenau nedauwunānagu jauaujaunau jasaa nananena henesaunaune, gauhadvena hauunaugane? wauāthe nedauwunāhuk nauwu, gauhadvena hauchuhanee gauhadnanene nauwunenith seseyāne? ¹² Wauāthe nedauwunāhuk naunau, gauhadvena hauwauhaudanethe? ¹³ Hith nananena, hauhauganenagu, hadaenava hadnesevenauna hethadene venadedaunau nananena hadāeyaunevenau: duthāee nananena hejavaa Hāsaunaunenau hadvenāva Vadanauwuthauwu nethāenedauwunauna? ¹⁴ Nau neausāguthaude haujaun, nau heehauwanadene. Nau hethauwuu hāejathāaude haujaun, hanaāejaanadede;

* **11:7** Mid-verse punctuation could be either a colon or semicolon as the lower part of the punctuation is malformed. It was decided to use the semicolon, in line with the KJV, as the punctuation of the two texts often coincides.

nau henanedanede haegaugauuthajaudene. ¹⁵ Hau jasaa hahagu, Nausāguthaude haujaunau heee Beelzehub najane haujaunaa. ¹⁶ Nau hauthauau, haenaudayādaunaa, haenehethaa hadnauhauthaudenenee hehethēe hejavaa. ¹⁷ Hau haeaeene hedenethajaudenene, haeāedauwuna, Hadauchaa najanede nanayāsenauaugu nehayau hadneyauhuu; nau hauauwuu hasānavadenaugu hauauwuu hadjanesaa. ¹⁸ Hith, Haujau jea hasānavadagu, haudusetheaugune henajanede? hanau nananena denehena nananenau deausāguthaugaunee haujaunauau hehethēe Beelzebub. ¹⁹ Nau hith nananenau hausāguthaugaunee hehethēe Beelzebub haujaunauau, hanaa hāahenau hadnausāguthaude? hadedauchuwuwuna. ²⁰ Hau hith nananenau hejadenethedanaugu Hejavaneauthau hausāguthaugaunee haujaunauau, hethauwuu henajanede Hejavaneauthau hedasāna. ²¹ Henane danāhethēe hedauchaunau haunaunedehuk hedauauwuu, hevathēyaunau nedādauyaunee: ²² Hau hāejavaādāhenethe javaāhehuk hedasāhuk, nau veavehāhagu, hadnedanauwunāde vahee hedauchauunau heaanadauwardenau, nau hadjaanenee hesehaudenau. ²³ Daun najenethaunāde hasānavānu: nau daun najenethauāyāvāde naneāsauuwaude. ²⁴ Hāenauthauthe wauchāde haujau henanene, nehedesade hadaujenajenenee, denaudedede dauyānusenade; nau janeveedethe, naneenehede, nananenau hadjaesanau naudauuauwuu needaujenauahenau. ²⁵ Nau jaenauasathe, nevedede nesewaudeahunee nau neyauthaunenee. ²⁶ Naeneejathāde, nau naneedanauwaude hanesaudaichunethe hauthauu haujaunau javaānauhauganethe javaāhede; nau nanejedāthee, nau nanējanauguthee: nau waunee henee henane naeneejavaānauhauganede nedauaunejeethāde. ²⁷ Nau hethauwuu, hajeseanadede nuu hayauhuhau, jasaa hesā hehethēe henanedaa haevasanade, nau hathauhuk, Hauwunaunade henesaunehe hājanēsauthāde Nananene, nau hethanau nedaunenane. ²⁸ Hau hahagu, Haa, nausunee, nauwunaunathee nethāējaathededuu hedanadedauunene Hejavaneauthu, nau naunaunedethee. ²⁹ Nau henanedanede hāeneenanauthanedauiuu, hanaāējasesenehede, Nuunanaa wausauu henaedede: nevadaunauhauthāthee; nau hegau nauhauthaude hadvenaunauu, hau vavade nauhauthau nananede Jonas haeyāhe. ³⁰ Hanau Jonas neesenauhauthe haude Ninevites, nechau jea Heau henane hadnaathāde nuu henaedede. ³¹ Nenauchuwusā janauhuu hadjaegauhāde naudedaunadenesee nauguu henanenau nuu henaedede, nau hadnauthauwuvāna: hanau dejewaunejaathehaude hehethēe hāauauvadenee naunaudāhenith Solomon; nau naune, hejavaāhedaune Solomon hanedaunith. ³² Henanenauau hehethēe Nineveh hadjaegauhāthee naudedaunadenesee nauguu nuu henaedede, nau hadnauthauwuvāna: hanau dauaugauthethajauduu hedauthedaunene Jonas; nau, naune, hejavaāhedaune Jonas hanedaunith. ³³ Hegau henane, hāesedeauchauuu nauauuthayau, hehauwujenane yauthee, daudause hehauwugaudauyauvasenaunaa, hau dasee nauauuthayauneetheaugunee, nethāejedāthee hadnenauhauuu nau nauasādane. ³⁴ Hanesenee vadanayannaa nanaa nevasānee: nanaa hāenesadee hasēsānenau nananena, nananene hadnaunau dauyauu hadanayau jea hanechauchanaa hese; hau hāene nananene hasēsā wausuu, hadanayau jea hadnechauchaunaudene vaneeyauu. ³⁵ Haunauyauhau dauwauu hanau henee hesee hathāsadaude nananene jeva veeyauha. ³⁶ Hith nananene haunau dauyauu hadanayau hanau hadnechauchaunaudene

hesee, hadnehauwugauveeyau haunauude hadnechauchanaa hesee, waude naunauasādāe nauauuthayau nevenāna hesee. ³⁷ Nau hajesanadede, jachau Nesethajauhu haeadethaa hadnethevethehewaude: nau haewaunejedā, nau haejanaugu dauvethede. ³⁸ Nau hāene Nesethajauhu nauhaudauau, haegaudauvanava daujaheseuhunith nedauau hajesejevethenith. ³⁹ Nau Vahadāhenith hathāhuk, Hewaunehaa nananena Nesethajauhuhauau neyauthahenauwuna jathee vāenaunau nau saenaunau; hau nananena hethauvaa hanechauchauaudena vahedayaude nau hauhauganede. ⁴⁰ Nananena janethauvahena, gaujenane Hejavaneauthau nenesedede jathee gaujee henesede jedauwuu? ⁴¹ Hau hevāe hauwuyau daun hanetheyaunenau; nau, naune, vahee hayauhuhau hadnesewaudeanauwunana? ⁴² Hau naunauthauau hadnedasāna nananena Nesethajauhuhauau, hanau nananena hadvāna vadadauchu wauhaunauau nau naneujaudevejechau nau vahee hathāejajāesuu vejechau, nau hadjavechaudauwuna vavesauchuwude nau devechauthade Hejavaneauthau; nuu hāvachunaasedauna, nau hānanejenaudauwuna hauthauau nejesehee. ⁴³ Naunauthauau hadnedasāna nananena Nesethajauhuhauau, hanau nananena devechaudauwuna najatheaugdaunau jedauwuu vevethahenauauwuu, nau dejachauthana nedauaudaunauvadee. ⁴⁴ Naunauthauau hadnedasāna nananena, wauthaunauhāhehauau nau Nesethajauhuhauau, nanadaunahena, hanau nananena waude nedaugaudauyauhudaunee dejenauhauwuu, nau henanenauau nedasejavesathee hehauwaenaunā. ⁴⁵ Hanaāauchuhananadede hanesāde nanavaavehe, nau hathauhuk, Hechauthethāhe, nuu dauhanadene nananene naunaunauthevāna jea. ⁴⁶ Nau hathāhuk naunauthauau hadnedasāna nananena jea, nananena nanavaavehehauau, hanau nananena henauchuna henanenauau nauuu henauchude hehayaudee javechauhunee, nau nananena nehayau jevasanauwuu henauchudaunau hee hanesadee nananena hajadenenau. ⁴⁷ Naunauthauau hadnedasāna nananena, hanau nananena denesedaunauna gaujauaudahenauauwu haeyāhehauau, nau hāsaunaunenau denauauthee. ⁴⁸ Hethauwuu nananena haeyāna henee nananena wauhaunee nanāsedauthee hāsaunaunenau: hanau denauauthee, nau nananena nenesedena hegaujauaudahenauauwunenau, ⁴⁹ Naasauau jea hahagu hedaeyaude Hejavaneauthau, Hadjenanu haeyāhehauau nau vadauhanauau, nau hauthauau hadnenaathee nau hadnenaunaunauthetheathee: ⁵⁰ Henee hevaevenau vahee haeyāhehauau, hanadaunee hehethee davadeesehee vedauwuu, hadneenedauwuhuu nuu henaedede; ⁵¹ Hehethee hevaevaa Abel nauuu hevaevaa Zacharias henee nenajaa nahethāe jaanaa nau vadannauauwuu: hethauwuu nananenuh ehethathana nananena, hadneenedauwuhuu nuu hee henaedede. ⁵² Naunauthauau hadnedasāna nananena nanavaavehehauau, hanau nananena dauhudanauwuna gaunaudauauha haeyaude: nananena hadnehauwujedāva nehayau, nau henee hathāejedāthee nananena najauaunauna. ⁵³ Nau daunenedauau nuu hayauhuhau yesee, wauthaunauhāhehau nau Nesethajauhuhauau hanaāejaseseneanauadede, nau haeneenadaunauau hadnauthedaudauwunith hauwuhuu hayauhuhau; ⁵⁴ Haeaudenauthaa, nau hadnesedanauwunethe hayewhu hehethee hedenene, hadnēdauwauthauthee.

12

¹ Gaunauwuu, hāene hena hauāchaudenee hauānee haejedaguu hadaucha henedanede, dauwauthaa haeanauguhudaunadenauau,

hanaāejasesāedauwunaude hethauguhādaunau nedauau vahee, Haunauyauhaudauwauau nananena gauhaujau Nesethajauhuhauau, nenadaunahethee. ² Hanau hehauwuyauthesa, hathāeyauthesaa, daudause hehauwuyauthesa, nethāejaenaanee. ³ Hanau daun nananena hasanadenā veeyaugu hadnedauwuhuu hesenee; nau henee nananena hasenehenā waunadaunuu jedauwuu hadnauchunana dasee hauauwuu. ⁴ Nau nananena hāedauwunathana Nādaehauhauau, Jevaesaa henee nenadethee henanedayāhau, nau heee hehauwauthesedaunauau. ⁵ Hau nananena hāedauwunathana daun nananena hāchaunenau: Hesaa Naa, heee hesenaānagu naunaudāde hadgauusevāna hadaugauhachanee; haa, Nananenau hāedauwunathana nananena, Hesaa. ⁶ Hayauthaunethee hajaseaheauau gujeaudaunaune heee hanesāenee nevaāhenee, nau hanesāde hehauwunauneethedaunā Hejavaneauthu? ⁷ Hau daudausee hadauchāe hāthaanenau haudauguhuanenau vahenayāee. Jevanāthajauau henaheee: nananena javaānauwauhuana hadauchtethee hajaseaheauau. ⁸ Jea Nananenau hāedauwunathana, Daun naujaudauthehāde hesee henanedaa, nananede Heāhene henanene jea hadnehauwaudauthehaa hesee hautheaunau Hejavaneauthuu. ⁹ Hau henee nauyauhāde hesee henanedaa hadneyauhade hathaāhenethe hautheaunau Hejavaneauthuu. ¹⁰ Nau daun hayādaunaude Heāhene henanene, hadjaegudanauwunade: hau nananede henee hauhauganedauau Vadanauwauthauwu hadnehauwujaegudanauwunau. ¹¹ Nau hāejedanānā vevethahenauauwuu, nau hauchuwunanenauau, nau najanauau, jevagauguanadauwuu wauāthe daunhayewhu nananena hadnesauchuhanehena, wauāthe daun nananena hadnesenehena: ¹² Hanau Vadanauwauthauwu hadnāedauwunāna nauauchaugu daun nananena hadnesenehena. ¹³ Nau hanesāde hehethēe hananedaa hathauhuk, Hechauthethāhe, hanadesene nasaa, hadegauguanauwaunauau vatheyauau. ¹⁴ Nau hathāhuk, Henane, hanaa nanesehāde hadnauchuwuhathane nau hadjaanauwunathane nananene? ¹⁵ Nau hasenehethauhuk, Haunauyauhaudauwauau, nau naseduhuu jevatathēhāe: hanau henane henedaede hēhauwunedahevaa wauthayāgaune hevatheyauau henetheyauau. ¹⁶ Nau haenadetha haejegausudenanadetha, Vedauauwuu jasaa nethauyāsenane haenauthauthā: ¹⁷ Nau hasethajauhuk nehayau, hewauau hauaudnesedaunaune, hanau hajenethenauwau jedauwuu hadnedauthānauwau navethenau, hahagu? ¹⁸ Nau hanaāenehede, nuu hadnaasedaunau: hadthawunauwau nathāyānauauwuu, nau hadnesedenau hadjavaāvasauau; nau hadnaadauthānauwau vahee navethenau nau navatheyauau. ¹⁹ Nau hadnaāenehethauau navadathuwu, Vadathau, nananene nanethenauwu waunauthāe hanetheyauau janenane hadwauthāe jajene; hedanau nanethauaunenaede, hevethēhe, hevaveyā, nau haunauwunaede. ²⁰ Hau Hejavaneauthu hathāhuk, Nananene Hauhauga, nuu dauveeyauau nananene havadathuwu hadnedauwunane: heee hanaa hadnethenauau hajenayauau? ²¹ Nananede haenathaunau heveaunauadenau, nau hehauwuveaunauau hesee Hejavaneauthu. ²² Nau hathauhuk hethauguhādaunau, Naa nehethathana, Jevaegauguanadauwuu hadenaededaunenau, daun hadnevethedaunenau; daudause heee hadanayaunenau, daun hadnāsaunenau. ²³ Henaede javaāsaa vethevaa, nau vadanayau javaāsaa hāchaunaa. ²⁴ Gauguanavaa huunauau: hanau dejejēnyāthee nau dejegauausauhāthee; hehauwunethenauwu

thâyānauauwu nau vethewau nedauthāsanenee; nau Hejavaneauthau nauchauwaude: gauhajavaāneenaedeva neahenaa? ²⁵ Nau hanaa nananena vanadauanāde heee neejahehee? ²⁶ Hith nananena wauhā jeneenesedaunagu henee haugajuhuu, naudau hajanethajaudawuna hauthauau? ²⁷ Gaugauanadawuu nenaugaānuu nejajaesaānuu neseveseeu: hehauwunesethānaunau, hehauwunethadayānaunau; nau nausunee nāedauwunathana, henee Solomon vahee hevasāthade heehauwunaasenu hasaunee nuu. ²⁸ Hith wauhā Hejavaneauthau heneenudehuk wauchuunau, nuu desenee nauau, nau nauagaagu hadneewaudeadaunee; hāduthāejavaāvenāva hāchaunau, Hau nananena vanehaa hethauwuthajauna? ²⁹ Nau jevanaudedee nananena daun nananena hadnevethedaunenau, wauāthe daun hadnevaveyādaunenau, jevaauwaugaugauuthajauau. ³⁰ Hanau vahee nuu neauthudan hathāauavāa nenaudethāthee: nau nananena Hāsaunaunenau haenauau henee nananena hāvathēhādaunenau nuu hayauhuhau. ³¹ Hau henaudeee nananena henajanede Hejavaneauthau; nau vahee nuu hayauhuhau hadnethedaunauwunana nananena. ³² Jevanāthajauau, hāhauwuwauthaheva; hanau nananena Hāsaunaunenau hayethanadawunādaunenau hadvenāna henajanede. ³³ Heaudaunaa henee hanetheyaunenau, nau hauwunaunaa hadavenuhuhau; jasedauu nesevāejethāwaunau henee nejethauuthauaachusāe, haenathaude haneduu hejavaa henee nejethauuyauhuu, nedaujavedadenee, hehauwujuudenauau nuvanauauau. ³⁴ Hanau haduu hadaenathaunenau, hena hadahenau jea hadnaaduu. ³⁵ Duujehee, nau haunauauuthayaunenau gauhauchanauha; ³⁶ Nau nanethathana henanaunau henee nedauyauhauwathēe hanau Hadahethadaunādaunenau, hāejajaesathe hehethee gauwuhaude; henee hāejenauusathe nau hadwardāhaude, hadgaunanauwunade nauhauchanee. ³⁷ Hauwunaunaa henee nesethāhehauau nananenethe, Vahadāde hāejenauusathe hadveenaude hadnaunauyauhauthānethē: hethauwāedauwunathana, hadduujede nehayau, nau hadjanauguhaude hadvethēnethē, nau hadjeedauchaude nau hadnaunauchaugaude. ³⁸ Nau hith jenauusahek naneseauwaude haunauyauhauthāhe, wauāthe jenauusahek naneseauwaude haunauyauhauthāhe, nau hadveenaude hadnesaanunethe, hauwunaunaa henee nesethāhehauau. ³⁹ Nau nuu hāenauwu, henee hith henane hedauauwu haenauagu daun hāauchaunee havedehew neenausanith, haunauyauhauwaude, nau hanājechuwauthedaunenauhunee hedauauwu. ⁴⁰ Nananena hadnaaesaanuna jea, hanau Heau henane hadnauusade daun hāauchaunee hājenauanauwaunā. ⁴¹ Peda hanaānadethaude, Vahadāhene, gauhanadethāa Nananene nuu heee jegausudede wauāthe vahee? ⁴² Nau Vahadāde hahagu, Hanaa henee chuvahagu nau hesenaedehuk hadāhevāhe, nananede hadāhewaunādaune, hadnevenaude gauuu vethewau nauauchaunee? ⁴³ Hauwunaunaa henee nesethāhe, nananenith hadāhewaunādaune hāedasāthe hadveehāde hadnaasehāde. ⁴⁴ Hethauvaa hathāedauwunathana, henee hadneshāde hadāhewaude vahee hethāenethayaunau. ⁴⁵ Hau nau hith henee nesethāhe hesethajauhuk, Nadāhewaunāde jeguthenauusahek; nau henenesegauhahek henanaunau nesethāhehau nuu hesānau, nau hevethēhagaunee nau hevaveyāhaugaunee, nau henaunauneseavagaunee; ⁴⁶ Hadāhevāhe henee nesethāhe hadnauusanith hajesesenee hāejauwuwuhauthe, nau, neejaenauau, nau hadgudanāde nau hadjenanaude jethauwaudahehau. ⁴⁷ Nau henee nesethāhe haenauagu

hadāhewaunādaune hathanavāde, nau jesaanuhuk, daudaus dejesedaude hathanavāthe hadnenenesegauhude dejauaunee. ⁴⁸ Hau henee jaenauaugu, nau hesedauhauk neseneneseguhededaunenee hanājauwauneneseгахude, hanau daun hauwauhuvēde nananede hadnauwaunedauwunade; nau nananede henane hauwauhauhade, nananede hadnauwaunedauwunade. ⁴⁹ Hadjejenanauwau heseda dasee vedauauwuu; nau hayew navathehāde wauwu gauhauchagu? ⁵⁰ Hau nanethenauwau dusaahede hadneedusaahedaunee; nau hanahauwaudauaunānau haunaude hesedaudeyāgu. ⁵¹ Haneējaude hadjenanauau dādaunee vedauauwuu haāthanaveva? hadāedauwunathava, Hegau; hau wauāthe hanāgauanauwau: ⁵² Hanau hehethee hee youthaunenenedauneagu hanesadee hauauwuu hadgauanee, hadnasaunauthee hanesenethe, nau hadnesaunauthee hanāenethe. ⁵³ Henesaunaun hadgauanathee hadnasānauwaude heau, nau heau hadnasānavāde; hesā hadnasānauwaude hedaunau, nau hedaunau hadnasānavāde, hesā hesave hadnasānauwaude, nau hesave hadnasānavāde. ⁵⁴ Nau hanaānadedaui jea henanedanede, hāenauhauwunā henaunauade jevehauhauchagu hehethee nesenaesade, chauchauu nananena, Hadnauchuhajauwasauau; nau naenesauu. ⁵⁵ Nau hāenauhauwunā jenauhu hanehedasāe, nananena, hadnasedaa; nau naenesauu. ⁵⁶ Nananena nanadaunahena, nananena naenauwuna hedauchaveau haunauu nau vedauauwuu; hau dusaudee haejaenauwuna nuu hewaunehaa? ⁵⁷ Haa, nau nau du daudause nananena haejaenauwuna hasethadee? ⁵⁸ Hāeyehauthānā hasānavādaunenau hauchuwunanenau, nausujavesanagu, nayātheneneevaa hadeenayauhāna; havaehauthāva najanauchuwunanee, nau najanauchuwunane havavena duguthāhew, nau duguthāhe havathānāva duguthānauauwuu. ⁵⁹ Hāedauwunathana havajeneenauthauva, haunaude vathauwunauhauwunau havāejethāvenau.

13

¹ Hena hethaa hee jachau haeauthedaunaa Gananeans, hevaewu Pinade haewauhaunauwunauwunau nedauausyāthee. ² Nau Hejavaneauthusaun haeauhahananadethā, Nauchāe nananena henee nuu Gananeans heauhaugayaugaunee javaānee vahee Gananeans, hanau daujeneethajauduu hayauhuhau? ³ Nananenau nāedauwunathana, Hegau: hau, vavade nananena jaaugauthethajauwunau, nananena hadnavahethahena gaujauaudahede. ⁴ Wauāthe hena nasaudauchunee, dasee hayauauwuu jedauwuu Siloam dethauwunauauau, nau haenanaā, gauguanadauwwu henee gauhujavaānauhauganenauau vahee henanedanede henee theaugude jedawuu Dādaunedan? ⁵ Nananenau nāedauwunathana, Hegau, hau vavade nananena jeneethajauhade, nananena hadnavahethahena gaujauaudahede. ⁶ Haeheanade jea nuu dajenehede; Jasaa henane haenethena hauyauhauhauhade haejenana jedauwuu dadajevenese nethauchaunau; nau haejenauusa nau haenaunauade vevenaunau hanāvenee, hau haejevede. ⁷ Hanaānehethaude nesethāhew hedadajevenese nethauchaunau, Naune, nuu hanasāa jajene nananenau hanejaunau daujenaudedanau vevenaunau nuu hauyauhauhade, hau hajeveedenau: dauwauhune; hadevachunauthauyauu vedauauwuu? ⁸ Nau hanaāhauhauthāde, Vahadāhene, hauwaa nanehasene nuu hee jaje jea, nadesenenese, nau vehethe hadjenanauwau. ⁹ Nau hith hāvāgaune vevenaunau nee: nauhith jene, hadnaāedauwuhade. ¹⁰ Nau haechauhauthethā jasaa vevethahenauwunau vadanese. ¹¹ Nau,

naune hena hesā haujaunehaeheaugauwu nasaudauchunee jajenee, nau haevajanā hauānee, nau haejeneechuwuwauthe nehayau. ¹² Nau hāene Hajavaneauthusau nauhauwaude, Haeadetha, nau hanaāēdauwunaude, Hesā, nananene haunaugunane hehethee hadaugauwudaunaa. ¹³ Nau hanaāēvasanaude: nau chauchauunu hanaāechuwāde, nau haevaveenethedauna Hejavaneauthu. ¹⁴ Nau hauchuwunane vevethahenauauwu haeauchuhananade nauguu hasenaunaude, hanau henee Hejavaneauthusaun denayauthānith vadanesee, nau haeautheda henaneda, Hena nanedaudauchāe hese henane heenesethādaunau hanānanejauna nau hanānaneenayauhana, hau hegau vadanesee. ¹⁵ Vahadāde hanaāauchuhananadethaude, nau hathauhuk, Nananene nanadaunāhene, gauhājene dajee hanesahena vadanesee haugunauva hauwaugajevenau wauāthe naugauchaudaheauau hehethee hewauchuhauchauwauauwu, nau gāyethaājethauva devanauhauna? ¹⁶ Nau gaujenaasaunee naa hesā, hedaunau Abraham,* henee Haujau heduguthaune, naune, nuu nasaudauchunee jajene, hāaugunade hehethee nuu deduguhude vadanesee? ¹⁷ Nau hāenehedauau nuu hayauhuhau, vahee hejauthauwau haeaudaudāhenenau: nau vahee henanedanede haeneethaujudene hee vahee havathee hayauhuhau henee hesethaunau. ¹⁸ Hanaāēnehede, dusaune henajānede Hejavaneauthau? nau hayew naudnenehethau? ¹⁹ Waude nejenanenee mausdaude, henane nedanauau, nau neneāgudede hejenayaunaa; nau neveseaudede, nau hāhe haeavadauhauudene; nau neahelhauau hejavaa negauusee hedānaa. ²⁰ Nau jea hanaāēnehede, Hayew naudneedajenehethau henajānede Hejavaneauthau? ²¹ Waude nesaunauchaa henee hesā nedanauau nau nejenanauau nasau dejenauhunee thauuhanau haunaude devahenesaunadāe. ²² Nau haehedesa hauwauhauwudane nau hajasedan, dechauhauthethāde, nau haejāda hesee Dādaunedan. ²³ Hanaāanadethāde hanesāhenith, Vahadāhene, gaujewauthanauau henee henayauhathē? Nau hanaāēdauwunaude, ²⁴ Neaunedaufauau hadejāna hadaugaugunesāde dajanau: newauthana, Nananenau dāedauwunathana, hadnenaudedena hadnedaujedāna, hau hadnehauwuneedaufa. ²⁵ Hāene hechauhauthethāhe hauauwu thauwauthehuk, nau haugauhahagu dajanaune, nau nananena hanānaētheauguna jathee, nau hanānaēwaudāhauna dajanau, hanānaēnehethauna, Vahadāhene, Vahadāhene, jegaunauwunāa, nau hanānaēauchuhanehethāna nau hanānaasenehethāna, Hāhauwaenaunathe daun hadesane: ²⁶ Hanānaēnehethauna, Nevethenauau nau nevaveyānauau hathaāhene, hau nananene dauthedaunānehadaugauchadee. ²⁷ Hau hadnaasenehede, Hāedauwunathane, Hāhauwaenaunathe daun hadesane; nayāsesave vahee nananena nesethāhehauau wauwauchudaude. ²⁸ Hena hadnevewauhudaunee nau hadnegaugauchaugudasenana, hāenauhauwaunā Abraham, nau Isaac, nau Jacob, nau vahee haeyāhehauau, Jedauwu henajānede Hejavaneauthau, hau nananena nehayau nenuguthadena. ²⁹ Nau hadjenauchaudenee hehethee nejeethevesesanith, nau hehethee nesenaesanith, nau hehethe nanavee, nau hehethee januhuu, nau hadjanauhuduu henajānedaunene Hejavaneauthu. ³⁰ Nau, naune, hena hedauaude hadnedauvade, nau hena nanedaufade hadnedauchude. ³¹ Hajesesenee hena haejenauusa jasaa Nesethajauhuhauau, hasenehethāhuk, Nauahe, nau jathāau,

* **13:16** "Abraham" is spelt thus once in this verse and spelt "Abraham" thirteen times elsewhere in the text. It is not known whether the spelling differences have any grammatical significance.

hanau Herod hadnaāne. ³² Nau hanaāēdauwunāthee, Najesaa, nau hadāedauwunauva hena vachuhuu, Naune, nenuguthu haujaunauau, nau nenayauthānau nuu desenee nau naugaagu, nau nanaseauwauau hesee hadnaāesedaunau. ³³ Hau hadnesenanau nuu desenee, nau naugaagu, nau jea hathavenaugaagu: hanau hehauwunaasau henee haeyāhe denaade Dādaunedan. ³⁴ Hau Dādaunedan, Dādaunedan, nanathee nenauauthee haeyāhehau, nau nenauchauwahathee hauunaugāe henee hejejenanauwunaudenenu; dauhudauchu naudnauāchauhaunauau nananana hadāeyaunewauau hauānee waude neauthuneahēe dauānaude henesaunau hethauvaa hethaenaa, hau hāhauwuvathehāva. ³⁵ Naune haudauauwunenau, naunaudauwunana hadnadauyewu: nau hethauwuu nāedauwunathana, Nananena hadnehauwunauhauwuva haunaude nauauchaugu hadneenehena, Hauwunaunaa henee jaunaude hee henesedaunene Vahadāhenith.

14

¹ Nau hethauwuu, daujedāde hedauauwunene hanesāhenith najane Nesethajauhuhau hadvethee jauaujau vadanesee, henee haeau nauyauhauvaa. ² Nau, naune, hena jasaa henane hathaāhede haenesaunauau. ³ Nau Hejavaneauthusau haeauchuhanadetha nanavaavehēhau nau Nesethajauhuhau, gaujenanavanau henayauthaude vadanesee? hāthauhuk. ⁴ Nau haedādaunaugunauau. Nau hanaāedanaunith nau haenayauha, nau haejenana; ⁵ Nau haeauchuhanadetha, Hanaa hedauneau nau gauchaudahehau wauāth waugaje janesenayaugaune hadaunaundenee, nau gauchauchauu gauhadnauuguthauva vadanesee? hathauhuk. ⁶ Nau haeyauhuune nesenehetha thee jea nuu hayauhuhau. ⁷ Nau haedadajenehetha henee hathāadethavathēe, hāenauhauwaude hasayāchauhauwunethe najatheaugudaunau; hanaāēdauwunaude, ⁸ Hāene nananena hadethaunā henanenuau gauwuhaudeneagu, jevjanauguu najatheaugudaunaa; havajavaānethā henane havajavaāheva henee hadethade; ⁹ Nau henee hadethāde nau nananede hadjaude nau hadnethāne, Venene naa henane hadehedaugu; nau nananene haddayāhene janaugunenagu hesaudavaa. ¹⁰ Hau hāene nananene hadethanenagu, haddeyehau nau hadjanaugu hesaudavaa henee hāene hadethāde hadjaude, hadethāne, Va javesa; hadnaāene nananene vechauthānaune henee hanethevethehevādaunauau. ¹¹ Hanau daun nanajathajauve nehayau hadnausādauau; nau henee nausādauauade nehayau hadnajanede. ¹² Hanaāenehethaude jea henee hadethādaune, Hāene nananene gauusevanenagu wauāthe hethunevethehevanenagu, jevaadesene hādaehauhauau, wauāthe hāthesaunauau, daudause hādaunānuau, wauāthe nethauyādahagu hanedaudewau; havaadethaa jea, nau havaaunaudaunā. ¹³ Hau hāene nananene vethehevanenagu, hadadethaunauau hadavenuhuhauau, henesenehēhauau, jeneejavesahehauau, nananauguhuhauau; ¹⁴ Nau nananene hadnaunauanane; hanau daujeneaunaudaunānaune: hanau nananene hadnaunaudaunane jaegauhādeneagu hathāethadee. ¹⁵ Hāene hanesāde henee henethevethehevādaune daunedauwaudauwunith nuu hayauhuhau, Hauwunaunade henee hadvethee jauaujau henajanaunene Hejavaneauthu, hathāhuk. ¹⁶ Hanaāēdauwunaude, jasaa henane haeavathethunevetheheva, nau haeauwauhadehānanana; ¹⁷ Nau haejenana hewauwaune dauethunevethehedaune hadnāedauwunaunith henee hadethavathe, Jenajesaa; vahee hayauhuhau wauwu hanesējenane.

18 Nau vahee haenesadene hathaichuwuhadethee hadnudanathee. Nanedauwauaude hasenehethauhuk, Neaudaunaudauwau vedauauwuu, nau hadneyehanaui nau hadnauhauadauwau: Nehethathane hadnudanene. 19 Nau jasaa ahagu, Neaudaunauthu yauthayauna hedauhuwaugaje, nau hadneyehanaui hadnayāduuhuu: yenehethathane hadnudanene. 20 Nau jasaa hahagu, hedauwunenenu, nau naajeneejaunau. 21 Hanaāejenausade henee wauwau, nau hanaāenauhauthehaude hadāhewaunādaune nuu hayauhuhau. Wauhā hechauhauthethāhe hauauwuu hanaāasenaunade hanaāēdauwunaude hewauwaune, Yegauhu nauhauhaunee hadaugauchadāe nau hadaugauchauchanee hedane, nau hadjāthaunauu hede hathāadavenuhunethee, nau henesenehehauau, nau jeneejavesahehauau, nau nanenauguhuhauau. 22 Nau wauwau hasenehethauhuk, Vahadāhene, naasedaunau hasenehesene nau nausunauthauyauu, hathāhuk. 23 Nau Vahadāhede haeāedauwuna wauwaune, Yehau hathenavaunaa nau nethachayaunaa nau hadjādasauaunaunauu hadejejedāthee, henee naudauauwuu hadeechauchanaa. 24 Hanau nāedaunathane, henee hegau hena henanenuu neadethathee hadnehauwuwajadauwu nadethunevethehewau. 25 Nau hena haenethaunau havathenanedanene: nau hanaāējaagude, nau hanaāēdauwunaude, 26 Hith daun hene hedasānagu, hau jasānauwuhuk henesaunaune, nau henaune, nau henene, nau dāeyaunauu, nau henethesaunau, nau hedaasāwau, haa nau nehayau hedenaedede jea, nāhauwuneethauguhā. 27 Nau daun janenevaa henaugaichu, nau thauguhānagu, nāhauwuneethauguhā. 28 Hanaa nananena vanadaunesedede hayauauwun gauhadjejanagu nedauu hadnayādede hadaachuunee, wauu hanaadauchanenee hesehene? 29 Havaanee hesejenanauhuk hauunauganu, nau hanājeneesedede, vahee henee hathāenauhauadauau hadneevavavayaudenenee. 30 Naa henane nenesedede, hau hajeneesedede, hanāthāde. 31 Wauāthe daun naja, vadauvauthauhuk jachau najane, hanājanagude nedauu, nau hanāgaugauanadauau wauu haneene nauu vadadauchu vasevadadausauu hadnenuchaunade henee hejevenahedaunau nauu nesauu vasevadadausauu? 32 Wauāthe, hajesenausujechaugunethe, hanāyethauthaveede, nau hanānayāthenedauāwaunaude. 33 Nau naasauu, daun nananena henee janenaunaudauu vahee henetheyaunau, nāhauwuneethauguhā. 34 Nejauauwuu hethadee: hau hith nejauauwuu jevanujaudāgu, hayew hadneenejauauwujauu? 35 Dause hehauwuuthade vedauauwuu, wauāthe hee vethee; hau henanenuu hanānēgudede. Daun henaunaunede heenedauvahek jaathedehe.

15

1 Hanaāeuchaunāde vahee hauāyāhehau nau wauwachudauhuhau hee hadjaathehāde. 2 Nau Nesethajauhuhau nau Wauthaunauhāhehau haenenedenenu, Naa henane hanesedanaude wauwachudauhuhau, nau nanethevethehewaude, hathāhuk. 3 Nau haeauthaunanadetha, hasenehethauhuk, 4 Hanaa henane nananena hedaunee vadausauu jauanawaudā, hith hanauhuhuk hanesahenith, gauhadnautha theadausauu nau theadauchunee nauaunee, nau gauhadnautha henee naunethaunith gauhaunaude hadveeha? 5 Nau hāveehauthe hadthāegauhaude hejaanaunaa, hadneneethajauu. 6 Nau hānauajegauhute, hadnadethaude hauānee henedaehauhau nau henedaudevādaunau,

netheneethajaudauwunee hanau daujaveehauau naudauāve nenaunethauaude, hathauhuk. ⁷ Nananenau hāedauwunathana, nuu hadnaasauau neethajaude hayāene hāene hanesāde wauwauchuduhu haunaunevethajauhuk javaānee theaudausauau nau theaudaichunee hathauwunane janenethenauau haunevethajaude. ⁸ Daudause daun hesā nethenauaugu vadadauchu gauneevāejethā, hith hanadehuk hanesadenee gauneee, gauhadjedauchauau nauauuthayau, nau gauhadwaudeau hauauwuu, nau gauhadvavesenaudene haunaude gauhadveede. ⁹ Nau daun hāeveenuu hanadethaude henedaehauhau, nau henedaudevādaunau hauānee netheneethajauwuu, hanau daujaeveenauwau hanesadee nānathau, hanāthaude. ¹⁰ Naasauau, Nananenau nāedauwunathana, haneduu neethajaude hathaāhethēe hautheaunauau Hejavaneauthuu hanesāde wauwauchuduhu haunaunevethajauhuk. ¹¹ Nau hasenehehuk, jasaa henane neseyaugaune heauhau: ¹² Nau hajauchaugade haenehetha henesaunaune, Nāchau jevene gauuu vatheyauunau henee nāudnedadahedaunau. Nau hanaāgauuvenaude hethāenetheyaunau. ¹³ Nau haunauauhaejewauthanenau hese hajauchaugade hāesauānauau vahee hauānee, nauhanaāejathāaude hesee vāvāaune vedauauwuu, nau hena hanaāevadauthedede hethāenetheyaunau heee hauhaugānenaedede. ¹⁴ Nau hāevathedede vahee, hena haanaāenauauchaau nauauthauau hasenaude hena vedauauwuu; nau hanaāadavenuhunede. ¹⁵ Nau hanaāeyehaude nau hanaāewauhaunesade nehayau hauwauhauauwunananau henee vedauauwuu; nau haejenanaa hethauauwuu hadnauchauwaude neauthuwauchu. ¹⁶ Nau hanāneanadauau hanāchauchaunaude henaude heee jeyauwaunau henee neauthuwauchu hevethedaunenau: hau hegau henanene hevenaa. ¹⁷ Nau hāenaude hanaāenehede, Waunauthanethe hedauthaunau nāsaunau nenethenauau jauaujaunau naenedauchanenee nau nejeesesanenee, hau hadnenaugaūyānau? ¹⁸ Hadgauhānau nau hadeyehaunau nāsaunau, nau hadnaasenehethauau, Nāchau, nananenau nanethenauwau wauchudaude hese hayāene, nau yese nananene, ¹⁹ Nau nananenau hegau heee hāhauwathēāve: jenesēhe waude hadauthaunauau. ²⁰ Nau hanaāegauhāde, nau hanaāedauchaude henesaunaune. Hau hajesejedauchaude, henesaunaune haenauhauvaa, nau haeauwunaunaa, nau haeyeseneegau, nau haenaethesaunaunagutha, nau haenedana. ²¹ Nau heau hathāhuk, Nāchau, nananenau nanethenauwau wauchudaude yese hayāene, nau nananene, nau nananenau hegau hāhauwatheneēāve. ²² Hau henesaunaune hathauyugaune hedauthaunene, Jādee chaunaguuthadee hu, nau hauyauunaa; nau thānauwunaa nechaunathathau hejadena, nau jedauaunenaa: ²³ Nau hadjāthauva hede daun gauchujāde wauuu, nau hadnauauva; nau hadvthehenauau, nau hadeaunauwuthajauunau: ²⁴ Hanau naa nāa nenajaa, nau jaenaedede; nenaunethauaude, nau jaeveenade; nau hanaāejasesaunauwuthajauthee: ²⁵ Wauhā vanachauganith heau haenedaune nauau: nau daunausujaude nau hāayānauusade hedauauwunenau, haenedauwaude haenevaudenene nau haevadaudenene. ²⁶ Nau haeadetha hanesānith haunauaheau, nau haenaudeauna dusedaudene hathauhuk. ²⁷ Nau haeāedauwunaa, Nananene hahavaa nauusade; nau nananene hāsaunau naunauaude gauchujānith wauuu, hanau daujaesedanaude nanethauaunee. ²⁸ Nau haeasenauna, nau haejejedā: hanaāejenauahenith henesaunaune, nau haedadadasevaa. ²⁹ Nau haeauchuhananadetha henesaunaune,

Naune, nuu hawauthāe jajenee hānesedaunathadenau, daudause hāhauwujethauwaudaunathe hanāene hanathauchuwuhunaune: hau haunauau nananene hāhauwuthauuvene haudāsau, henee hanānesedenau haunauwuthajaude nauuu nādaehauhauau: ³⁰ Hau chauchaunu hasenauusade naa hāa, hāgaujauauthedaunādaunau hāheenaededaunau hee henesahehau hesānu, nananene hanadaunaude gauchujānith wauuau. ³¹ Nau hanaāāedauwunaude, nā, nananene nanethenaedevene, nau vahee henee nāthāenetheyaunau nanehanāhene. ³² Dauudasadee henee haneeneseehe haunauwuthajaude, nau hadneethajaunee: hee naa hahavaa denajaa, nau jaenaedede; nau denaunethauaude, nau jaeveenade.

16

¹ Nau hanaāāedauwunaude jea hethauguhādaunau, hena jasaa haenethauyādā henane, haenethena hadāhevahew; nau haenanene haeaouthauwuvaa henee daunethauyādauchudee hevatheyauunau. ² Nau haeadetha, nau hanaāēnaudedadaunaude, Duthanee henee daunedaunathane nananene? nayāde hādāhevadenau hanau nananene hadnehauwuguthadāheva. ³ Hadāhevāhe, Hewauau hauaudnesedaunaune? hasethaujauhuk, hanau navahadāhewauāde haedanaunūnānu nadadāhewau: hajeneenauchauhānu; thaununedauwauhunenau. ⁴ Haenauwau hadnesedaunau, henee hāenudanānaune hadāhewaude hadjedanethee hedauauwunenau. ⁵ Hanaāadethaude haunauude hadāhewauādaune hethāesayānedanaunūnādaunene, nau hanaāāedauwunaude nanedaunauaunith, Dauhudauchanau hasayānedanaunauudenau nananene nadāhewauāde? ⁶ Nau hāheyaugaune vadadausauu dejenauhūu javeda. Nau hanaāāedauwunaude Hedanau hauwauthaunauha, nau janaugu nauhauhaunee, nau hadwauthaunau yauthauyauau. ⁷ Hanaāāedauwunaude jachau, nau dauhudauchanau hasayānedayaunau nananene? Nau hanaāāedauwunāde, Vadadausauu dejenauhūnee thauhauhewauchuunau. Nau hanaāāedauwunaude, Hedanau hauwauthaunauha, nau hadwauthaunau nasaudausauu. ⁸ Nau vahadāde haevaveenethedauna janechuvāhenith hadāhevahew, hanau dauhaenauau hasadaude: hanau dāeyaunauauau nuu hathāauauvva hedenaededaunenau hāenuu javaānee hesenedāeyaunauauau. ⁹ Nau nananenu hāedauwunathana nesede nehayau henedaehāvadee hee nethauyādahede hehauwuthade; henee hāejenenaedenā hadeesedanāna nedaujethauujenenaededaunenee. ¹⁰ Henane henee chaunuvāde hee haugajuhuyāgu haneechuvāde jea vasee: nau henane henee janechuvāde vanehaa hehauwuuchuvā jea vanasaunee. ¹¹ Hiith naaheene nananena jechuvahena hāhauwuthaheva nethauyādahede hanaa hadvenāde nananene hadanethaude hehauwuu veaunauaude? ¹² Nau hiith nananena hejechuvahenagu hee henehanahede jasaa henane hanaa hadvenāde nananena henee hanehanahede. ¹³ Hegau nesethāhe hehauwuneeesedauna hanesenethe hechauhauthethāhehau: jachau hanāasānuauwaude hanesāhenith, nau hanāvechauthaude jachau; wauāthe hanādudevede hanesānith, nau hanāthauchaunauhauwaude jachau. Nananena hāhauwuneeesedaunauva Hejavaneauthau nau nethauyādahēhehauau. ¹⁴ Nau Nesethajauhuhauau jea, haevēnauwu vāejethā, haenedauwaudauwu vahee nuu hayauhuhau: nau haeauchaudanavanauau. ¹⁵ Nau hanaāāedauwunaude nananena nethadee hasēhadenā hathāāhethee henanenauau; hau Hejavaneauthau naenauau hadahenau: hanau henee nechauguanavadethee henanedaa newauchanavathee hathāāhenethe Hejavaneauthu. ¹⁶ Nanavaavedaunau

nau haeyāhehauau haunaude nauu Jaun: hee hena henajanede Hejavaneauthau deheauthedaunee, nau haunauude henanenauau neheeneethenadethee. ¹⁷ Nau hehauwunauthau hejavaa nau vedauauwuu heyahuūāgaune javaānee hanesadee haugajuhuu nanavaavede hadneeyauhuu. ¹⁸ Daun hausānaude henene, nau heneyaugu gauchuhunee, wauchudaudehaugauthenenede: nau daun hausāyaune nanewaude wauchudaude. ¹⁹ Hena jasaa nethauyāsenane, haeneenu haevejayaunenau nau haegaugunesaunenau, nau haeneechauna hadaachusenede: ²⁰ Nau hena jasaa nedauwuhu Lazarus haseagu, haesaese hedajanaunaa haevahaseva, ²¹ Haevadauugaudaude hee jeyauwaunau nejanesanenee hehethee nethauyāsenanene hevethedeaunene: jea hathave haedadasaa nau haenenesaudauwu hedasewaunau. ²² Nau hethauwuu, henee nedauwuhu haenaja, nau haenauaunechauhaa hautheaunau yesee Abraham haenedauguva: nethauyāsenane jea haenaje, nau haejenanau; ²³ Nau hadaaveeyaunee haeejenāauguau, haeaudauwuthajau, nau haenauhauva Abraham vavāaune, nau Lazarus haenedauguvane. ²⁴ Nau haeneduva nau hathauhuk, Nāchau Abraham, jeauwunaune, nau jeautheavene Lazarus, henee hadejegunauhade naunauchuu hejadenaa najee, nau hadedauiyauvanauau nāthaune; hanau nananenau hanavachuunau nuu hesedaa. ²⁵ Hau Abraham hahagu, Nā, hāenau henee nananene deenaedene neesedanauwu neethadee hayauhuhau, nau neesaunee Lazarus neewausaunee hayauhuhau, hau hewaunehaa hauwauthenaedede, hau nananene naunauchauthenaedene. ²⁶ Nau jea vahee nuu, nahethāe nananee nau nananene haneduu vanasauau vanethaunauau janenane: hadnejenehedechaudenee hehethee hede hese nananene hehauwunee; daudause hehauwuneejeauchusanauau hadaunee, henee nevadaujauthee hehethee hethaa. ²⁷ Hanaāenehethaude, Vanevethedaunathane hena hee, Nāchau, henee nananene hadejejenanaude nāsaunau hedauauwuu: ²⁸ Hanau yaunauthaunethee nauhauwauauau henee hadeāedauwunaude, jea havajaunenau nuu haduu naunauchauthauau. ²⁹ Abraham hanaāāedauwunaude nanethenauthee Mosaseau nau haeyāhehau; jaatheaunauha. ³⁰ Nau, hegau, nāchau Abraham: hau hith hanesāde jayehauhuk hehethee degaujauaudāde, haunaunaunevethajauthee, hathāhuk. ³¹ Nau hanaāāedauwunāde, Hith jenedaunauhaugaunee Mosaseau nau haeyāhehau, daudause hāhauwunee nadauwaunauau, daudause hanesāhenethe jaegauhāyaugaune hehethee degaujauaudāhenith.

17

¹ Hanaāāedauwunaude hethauguhādaunau, Hāhauwunee nau henee dauusenadenau hadnauauchuu: hau naunauthauau hadnauauchaudaude daunjaunade. ² Hanāneene henee thauyānaunauangane henauānauyaugu, nau seāguthadagu hadaje, hauhanāheejeagudauvāhenethe henee hanedauusenethe jachau nuu hajasedāeyaunauau. ³ Haunauyauhauwauwau nehayau nananena: Hith hahavaenau havawauchuhāva, hadanadethauva; nau hith haunaunevethajauhuk, hadjaegudanauwunauva. ⁴ Nau hith wauwauchuhānagu nesaudauchu hajesesenenee, nau nesaudauchu hajesesenenee naujaeyethaagudaunānagu, haunaunaunevethajaunau, hethānagu: nananena hadjaegudanauwunauva. ⁵ Nau vadahanauau, Vahadāhene, hethedaunauwunāa hethethauwaudaunenede, hathauhaugaunee. ⁶ Nau Vahadāhenith hathāhaugaunee, Hith nananena hethauwaudauwunagu hethāee hethāuu mausdaude jenayaunau,

nananena hanāna nuu segaumu hunauhaudene, Hanāgauchauhana hethājee, nau hanājenanauna hadajee; nau hanāthauwaudaunāna. ⁷ Hau hanaa nananena, hanāwauwaunavede hanāthauauuwujethānith wauāthe hananajauānith, hanāthauna waunee hāenausathe hehethee nauau, Najese nau hadjanaugu nau hadvethe? ⁸ Hau hanājenaasenehethauna, Heseotheva nayaudene hadnevethenau, nau duujehe nehayau, nau hadjeenechaudaune haunaude hesevethenau nau hesaveyānaugu; nau heauhauwune jenaevethene nau hadevaveyā? ⁹ Gauhadvaveene henee wauwau hanau dauhunaasedaude henee hanasenehethāthe? Haunauchāe hegau. ¹⁰ Naathahena, hāene nananena vahesedaunagu hena hayauhuhau hathauchuwuhana, Hāhauwuneejavaājasethānau wauwaunauau; vavade nanesedaunauau hadnesedaunuu, hadeva. ¹¹ Nau hethauwuu, daunausuyehaude Dādaunedan, haehedesa nahethāe Samaria nau Gananee. ¹² Nau hāewaudasade jasaa hauauwudan, haenuchaunaa vadadauchu henanenau haenaujaune hedaugauwudaunenau, haetheaugunenau vavāaune: ¹³ Nau haeneduvanauau, nau hanaāenehethauthee, Hejavaneauthusau, Hecauhauthethāe,* jeauwunauāa. ¹⁴ Nau hāenauhauwaude hanaāēdauwunaude, Waunenauhauthehaa hadanayaunenau vevethahevahehauau. Nau hethauwuu, henee daunausuyehauthee, haejegaudauvāhenauau. ¹⁵ Nau hanesāde, hāenauhauwunau henee dauunayauhade, haejaagu, nau haevasenehe dauvavenethedaunaude Hejavaneauthu, ¹⁶ Nau haeuāneseve heauthene, haevavenethedauna: nau haenaadāde Samaritan. ¹⁷ Nau Hejavaneauthusaun haeauchuhananadethā, gaujenayauhaunauau vadadauchu? hau daude theaudauchu? ¹⁸ Hajenauhauvathee hajejaeyehauthee hadvavenethedaunauthee Hejavaneauthu, vavade naa henewauuhu. ¹⁹ Nau haeēdauwuna, Gauhā, najesa: nananene hadethauwaudaude henayauhāne. ²⁰ Nau hāenaudedauwunāde Nesethajauhuhau, daun henajanedaunene Hejavaneauthu hadneenauauchaunee, Haeēdauwuna, Henajanede Hejavaneauthu hadnehauwunauauchaune nausujauwuwuhadagu: ²¹ Daudause hehedauneagu, Nauhaudauwuu hede, wauāthe, nauhaudauwuu hena, hanau, naune, henajanede Hejavaneauthu thanāsadena, ²² Nau hanaāēdauwunaude hethauguhādaunau, Hese hadnauauchuu, hāene nananena vadaunauhauwunā jasae hese Heau henane, nau hadnehauwunauhauwunā. ²³ Nau hadnanethāna, Nauhaudauwuu hede; wauāthe nauhaudauwuu hena; jevayehauau, wauāthe jevathauguhā, ²⁴ Waude hasauu jahagude, henee naunauasānauu hehethee naugauthanee naugauwuu hejavāa neenauasādaa jasaa naugauthanee naugauwuu hejavāa; hadnaasauu jea Heau henane hadnaasaunee hedeseve. ²⁵ Hau nedauu hadnanasenedauu wauthanee, nau hadnausāguthade nuu henaedede. ²⁶ Nau waudeneesaunee deenaedede Noe, hadnaasaunee jea hedeseve Heau henane. ²⁷ Neuwauthevethedeaunee, neuwauthenenedaunee, neenenehathee, haunaude nauu henee Noe dejedāde havathee thewaunaa, nau haenaāenanadauwunauu, nau haenauauhā vahee. ²⁸ Waudenaasauu jea deenaedede Lot; neuwauthevethedeaunee, neuwauthevaveyadenee, neuwauthaunaudenee, nehaudaunaudenee hayauhuhau, neuwauthenayaudenee, neauavadenee; ²⁹ Hau hajesenenee henee Lot haenaude Sodom haesedanauaude nau haegauchaunauhaunauaunaganauu hehethee hejavāa, nau haenauauhā

* **17:13** Missing "h" in "Hec(h)auhauthethāhe" ("Master").

vahee. ³⁰ Hadnaasauau hesee hāene Heau henane hāenauhauthethāthe. ³¹ Henee hesee, hānedauthe dasee hauauwuu, nau hevatheyaunau jedauwuu hauauwuu, nanehajejeauwusade hadejedanauau: nau henee hanedaude nauau, nanehajejeajaejau. ³² Dauyuuwuu Lot henene. ³³ Daun vanadaunayaude hedenaedede hadnanadede; nau daun hadnanadede hedenaedede hadnenayaude. ³⁴ Nananenau nāedauwunathana, henee veyaugu hadnesethee henanenauau hanesadenee hauau; hanesāde hadnedanade, nau jasaa hadnathauaude, ³⁵ Hanesethee hesānauau hadthauayāthee wauhaunee; hanesāde hadnedanade, nau jasaa hadnathauaude. ³⁶ Hanesethee henanenauau hadnenedauthee nauau; hanesāde hadnedanade nau jasaa hadnathauaude. ³⁷ Nau haeauchuhananadethanauau, Daude, Vahadāhene? Nau haeāedauwunā haduu vadanayau, hanaadauhauāneauhuthee neahehauau hauānee.

18

¹ Nau haeanadetha hauthaunauhānee nuu heee, hena henane hāvachudajauaunevevetha, nau hājethauujesevenauau; ² Hahagu haeanedau hedan hauchuwunane, haejesa Hejavaneauthu, daudause hathauwunanenau: ³ Nau haeanedau henevesā hena hedan; nau haejeedasa, Jeaugaunayewhu naujauthavaa, hathauhuk. ⁴ Nau haejevadaunaasedau: hau waunee hasethajauhuk, hewauāthe nejechauau Hejavaneauthau, nau hathauwunanenau; ⁵ Hau nausunee hanau naa henevesā hajanauchuhānau, hadenayauhauau havaedajauaunejau navanadauchuhaa. ⁶ Nau Vahadāde hasenehehuk, Jaathehaa hasenehede janechuvāhede hauchuwunane. ⁷ Nau gauhujavaneauthau gauhadnenayauha nehayau hanayāsanaunau, hauwauaundaunādaunau hesee nau dajāee, hau negudauchuhaude? ⁸ Nananenau nananena nāedauwunathana henee hadnauchuhanenayauhaude, Hau hāejauthe Heau henane, gauhadveede hethauwaudaude nuu hathāuauvavaa. ⁹ Nau haeauthaunanadetha jachau nethauwaudaunadenethe nehayau henee dauchuvahethee, nau newauchānauwuthee hauthauau: ¹⁰ Hanesethee henanenauau haeyehaunauau vevethahenauauwuu hadvevethahethee; hanesāde Nesethajuhu, nau jasaa hauāyāhe. ¹¹ Nesethajuhu haetheaugu nau haevevetha waude heee nehayau, Hejavaneauthau, nananenau vaveenethedaunathane, henee nāhauwunaathā hauthauau henanenauau hathahethee, hedanauwuyāhehauau, janechuvahethee, jathedauchuwuyāhehauau, daudause naa hathāde hauāyāhe. ¹² Nananenau nenaugayānau nese hanesadee hauchavadede, Nevānau vadadauchu vahee henee nāthāenetheyaunau. ¹³ Nau hauāyāhe haetheaugu vavāaune, daudause haejejenāauguau hejavaa, hau haeanadesejāhede, Hejavaneauthau jeauwunaune wauchudaunau, hathauhuk. ¹⁴ Nananenau nāedauwunathana, naa henane haejaeyehau hedauauwuu haeauwunaunau haejavaāhe jachau: hanau dathājee hanesāde henee nevadaujavaānajanethee nehayau hadnauwujenanade; nau henee nenenanethaunadede hadnejanade. ¹⁵ Nau haejādaunanauau jea hajasedāeyaunauau, hadnevasanaude; hau hāenauhauwunethe hethauguhādaunau, haeneuevanauau. ¹⁶ Hau Hejavaneauthusau haeadetha, nau hahagu, Nanehaujathēe hajasedāeyaunauauau, nau jevadaudavaa: naathāhenethe henehanahedaunau henajanede Hejavaneauthau. ¹⁷ Hethauwuu nāedauwunathana, Daun hadjesedanauau henajanedauunene Hejavaneauthu hasenaedenethe hajasedāeyaunauau hadnehauwuneejedā. ¹⁸ Nau jachau

hauchuwunanene haenauredaunaa, Hethähene Hechauhauthethähe, nauddusedau hadnedanauwau jethauujenenaedede? hathauhuk.

¹⁹ Nau Hejavaneauthsaun* haeäedauwunaa, Naudu hethäde haesene? hananeda hehauwuthä, vavade hanesäde, nananede, Hejavaneauthau.

²⁰ Nananene haenauwu nanavaavedaunau, Jevawauchudauau hee haugauthenenede, Jevanaa, Jevaaveda, Jevajayaudauwäedauwauthadee, Vechauchune nananene häsaunau nau hānau. ²¹ Nau hanaāenehede, Vahee nuu haunaunedenau hee daujeeseaunau. ²² Wauhā Hejavaneauthusau häenedauwaudauu nuu, Hanaāēdauwunaude, Hanesadee hāhauwusenethene: Vaheaudauna henee hāthāenetheyaunau, nau hadjaanauwunaunauu hadavenuhuhauu, nau nananene hadnethenauwu haenathau hejavaa, nau hadejau hadjethaugu. ²³ Nau häenedauwaudauu nuu, haeaudauwuthajau: hanau deethauwunethauyā dāde. ²⁴ Nau Hejavaneauthausaun häenauhaudauwunith henee dauaudauwuthajau, Duthāenanauthaune henee nanethenuu veaunauau de hadnesejedāhee henajanaedaunene Hejavaneauthu, hathauhuk. ²⁵ Hanau hehauwujajathaune hee camel hehedesahagaunee hajasevāhau nedaudaunaudenee, javaāneenauthaunee nethauyāsenane hadnesejedāde henajanaedaunene Hejavaneauthu. ²⁶ Nau hathāenedauwauduu, Hanaa hadnenanedene? hahagaunee. ²⁷ Nau hanaāenehenith, hayauhuhau hejethauuneethaunenau henanenauu nenedede Hejavaneauthu.

²⁸ Hanaāenehede Peda, Naune, naunaudauwunauu vahee, nau thaunauguhane. ²⁹ Nau haeäedauwuna, Hethauwuu nāedauwunathana, hena haunauude henane henee hehauwunaude hedauawuu, wauāthe henehā, wauāthe henuhauwauu, wauāthe henee wauāthe henesaunau, hee henajanaedaunene Hejavaneauthu hedenaededaunene, ³⁰ Nananede hadjavaānesedanauu nuu hewaunehaa, nau hathāauauvaa hadnauusanauu henaedede hadnejethauvadauauu. ³¹ Hanaāedanaude nesenee, nau hanaāēdauwunaude, Naune, hadneyehaunauu Dādaunedan, nau vahee hayauhuhau hathāewauthaunauuu haeyāhehauu hee Heau henane hethauwunauauchauu. ³² Hanau hadvenavathe Neauthu, nau hadvavavanauchuhāde, nau hadnaunaunauchaudauchuhāde, nau hadneguthahayauthāde. ³³ Nau hadnenesegauhude, nau hadnaāde: nau nasee hadnaājeagauhāde. ³⁴ Nau haejaenauwu nuu: nau nuu hauthedau haeyaudaunaunauu, daudause haejaenauwu hathauthedaunāthee.

³⁵ Nau hethauwuu, hāyāēdadauau Jericho, jasia haenanenaugu henane haetheaugu nedechaudenenee dauhunedaauwaude: ³⁶ Nau haenedauwaude henanedanede dadavechaudenenee, haenauredaauva haesedaunenenee. ³⁷ Nau haeāēdauwunau, henee Jesus Nazareth hanehedesade. ³⁸ Nau hanaāēvasanade, Hejavaneauthusau, nananene Heau David, jeauwunaune, hathauhuk. ³⁹ Nau henee nanedauvathee haeneneuanauu haddādaunaugunith: hau haevasanade haugauthe, Nananene Heau David, jeauwunaune. ⁴⁰ Nau Hejavaneauthusau haedauusa, nau haeautheave hadjādanaude: nau hāyājenauusanith, haenauredauna, ⁴¹ Hauddusehathe henee hadenaasehathane? hathauhuk. Nau hanaāēdauwunaude, Vahadāhene, nanaa hadeesedanauwu nauhaudauwaude. ⁴² Nau Hejavaneauthusau haenehetha, hanesedanauwu nananene nauhaudauwaude: hadethauwaudaude henayauhāne. ⁴³ Nau chauchaunu haesedane henauhaudauwaude, nau haethauguha,

* **18:19** Missing letter “u” in “Hejavaneauth(u)saun”, which often appears (as does “Hejavaneauthusau”) where we would find the name “Jesus” in the KJV.

haevaveenethedauna Hejavaneauthu: nau vahee henanedanede, hāenauhauuu, haevaveenethedaunanauau Hejavaneauthu.

19

1 Nau Hejavaneauthusau haewaadasa nau haechaugusa Jericho.
 2 Nau, naune, haenedau henane Zacchaeus haseagu, haenajawauna hauāyāhehau, nau haeveaunauau. 3 Nau haeneenavadaunauhauva Hejavaneauthusaun haedāhenethe; nau haejeneene daunau-thethenedaunenee, heee daujaahede. 4 Nau haesayāgau, nau haenauauhu sycamore hunauhadee hadnauhauwaude: hanau hadnehedesanith. 5 Nau Hejavaneauthusau hāejeedadauau, haejaāne, nau haenauhauva, nau hathauhuk, Zacchaeus, nauhauhu, nau jeauwusa, hanau nuu desene hadnenedaunau haudaauwuu. 6 Nau haenauhauhu, nau haejeauwusa, nau haedasa nauguu neethajau. 7 Nau hāenauhauvāhede, vahee haeneānaune, Henee hadneejadavenethe henanene henee wauwauchudauhu, hathāhuk. 8 Nau Zacchaeus haetheagu, nau haeāedauwuna Vahadāhenith; Naune, Vahadāhene, vayagauuu naudaununaunau vanenu hadavenuhuhanau; nau hith hedanavanaugu hayewhu hehethēe daun henane hanājayadavāedauwauthauau, hanājayaāvenauau yāyaunane. 9 Nau Hejavaneauthusaun haeāedauwuna, Nuu desene henayauthāhe hedadauau nuu hauauwuu, hanau nechau haneāvāde Abrahamvene. 10 Hanau Heau henane nauasade hadnaudethāde nau hadnenayauhaude daun naunethauaunith. 11 Nau hajesenedauwauuu nuu hayauhuhau, haethedaunane nau haeauthaunauhānanadetha, hanau dauhuauchauau wauwu Dādaunedan, nau hanau daunuanadu henee henajanedane Hejavaneauthu chauchaunu wauhuaadenauhauwu. 12 Hanaānehede henaheee, Jasaa naja haehau vavāaune vedauauwuu hadnesedanauau hee nehayau najanede, nau hadjaejaude. 13 Nau haeadetha vadadauchu hewauwaunauwau, nau haejaanauwuna vadadausauna vāejethā, nau haeāedauwuna, Hadeaudaunava haunaude jaenauusanaugu. 14 Hau hauauwunanenau haesānavaa, nau haeyethauthavedaunene thaugu, Nāhauwuvadaunethenauva naa henane nāhauwuvadaunajawaunāva, hathāhuk. 15 Nau hethauwuu, henee hāejaenauasade, haeesedane najanede, hanaāauchuwuhaude nuu wauwaunau hadnadethaude, hevenaunau vāejethā, henee hadnaenauau haedachu dathājee henane haedachu- javaājasedethe hee hedaunaunau. 16 Hanaājejenauasade nanedavade, Vahadāhene, havāejethāwau javaājasedede vadadausauna vāejethā, hathāhuk. 17 Nau hanaāēdauwunaude, Hethadee, nananene hethāhene wauwau; hanau nananene nethauwauwuu hee naugajuhuhuu hadnajauidauwu vadadausauna hedan. 18 Nau naneseauwau haejenauasa, Vahadāhene, havāejethāwau javaājasedethee yauthauyauna vāejethā, hathāhuk. 19 Nau vavade hanaasenehethaude, Hadnehanāhene yauthauyauna hedan jea. 20 Nau jasaa haejenauasa, Vahadāhene, Naune, heyewnuu havāejethāwau, neaunaunedenau nejenanauwau hāheāhaunaa, hathāhuk: 21 Heee dauhusathane, hanau nananene daugaunaunauwunanenene: nananene hedanau henee hājejenayaunau, nau hadegauchu henee hājejenayaunau. 22 Nau haeāedauwuna, hehethēe nehayau hadenaa hadauchuwhathane, nananene hauhauganene wauwau. Haenauwu henee daugaunaunauwunanenenau, hedanauwau henee nājejenayaunau, nau hadgauchauwau henee nājejenayaunau: 23 Naudu

gauhājevā navāejethāwau nedauhaenaeevāejethā, henee hāejaenuusanaune hadeesedanauwau nehayau javaānee? ²⁴ Nau haeāedauwuna henee daunauthetheaugunethe, Hedanauwunaa vāejethā, nau hadevenau henee vadadauchuvāejethāvade. ²⁵ (Nau hathāhuk, Vahadāhene, nanethenauau vadadauchuvāejethā.) ²⁶ Hanau hāedauwunathane, Henee dathājee hanesāde nanethenauau hadnevenade; nau henee janejasedede, daudause henee henethayaunau hadnedanauwunade. ²⁷ Hau hena naujauthauwauau, henee najevedaunajawaunaunauau, hadjāthauva hede, nau hadnaunauauva hathaājenu. ²⁸ Nau hāesanāsenehede nuu, haenedauva, haenauauhuyehaunauau Dādaunedan. ²⁹ Nau hethauwuu, hāyānausade Bethphage nau Bethany, haua Olives haseāgu, Haesayānauthēava hanesenethe hethauguhādaunau. ³⁰ Najesaa nananena heseē hajaseē hauauwudan hathaāsana, hathauhuk; nanāa waudasanagu hadveehauna dātheveehauchavesau hadduguhude, hehauwuthauune henane dachaugu: hadaugunauva, nau hadjāchadauneva hede, hathauhuk. ³¹ Nau hith daun henane naudedauānagu, Naudu hauaugunauna hethānagu? hesau jenaasenehethauna, hanau Vahadāde haddaununaude. ³² Nau henee hauthēavathee hanaāejathāauthēe, nau haeveehanauau neesenehethaude. ³³ Nau daunsausanaugunauthēe dātheveehauchavesaune, hedauneenith, Naudu haaugunauna dātheveehauchavesau? hathāhauganeē, ³⁴ Nau hanaāēdauwunauthēe, Vahadāde haddaununaude. ³⁵ Nau haenau- uchaadaunauau Hejavaneauthusaun: nau haedadasanauwunanaunau hedāchaunau daseē dātheveehauchavesau, nau haegaugunanaunau Hejavaneauthusaun daseē. ³⁶ Nau daunsausuyehaude, haesasaanauwu hedāchaunau vaunaa. ³⁷ Nau hāyānausade, wauwu haeauwusa hauaneē Olives, haunauude hadauche hethauguhādaunau hanaāaunauwuthajauthēe nau haevaveenethedaunanaunau Hejavaneauthu naugu haevasānadedaune heeē vahee hathāenauthaneē henesethaunene heneē henauhauthaunenau; ³⁸ Haunauwuthajauau Naja heneē jaunaude haneneseede Vahadāhenith: danādauyauau hejavāa, nau vaveenethedauwuu javaājauūdaa, hāheagu. ³⁹ Nau hauthauau Nesethajauhuhau hehethee henanedaa, Hechauhauthethāhe, neuwune hāthauguhādaunauau, hathāhuk. ⁴⁰ Nau haeauchuhanāedauwuna nau hasenehethauhuk, Nananenau nāedauwunathana heneē, hith nuu dādaunaugaganeē, hauunauanganauu chauchaunu hadneduhuthee. ⁴¹ Hau hāyānausade, hāenauhauauau hedan, nau haevewau, ⁴² Hanaāenehede, hith heaenauwunagu, ha nananene, ha nuu hadeseve, hayauhuhau naathuu hadādaunahedaunaa, hau hewaunehaa yaunaudaunane hasesāe. ⁴³ Hanau hese hadnedasāna heneē haujauthauwauau hadnesedethee havatēgauuha heeē nananene, nau hadnechauchuaunāna nauaneē, nau hadnaunaunehāna daudauna hehethee, ⁴⁴ Nau hadnanaunauvaenāna, nau hadāeyaunewauau hanedauchaunawauau; nau hadnehaunauaudanauwunā hanesāhenith hauunagane hanathaugunethe; hanau nananene daujaenauwu hāenauujādaunathana. ⁴⁵ Nau hanaāeyehaude vadanedaunauauwuu, nau hanaāenudanaude heneē neaudaunanethe jedauwuu, nau heneē naudaunanethe; ⁴⁶ Hanaāēdauwunaude, Wauthaunauhuu, Naudauauwuu haneauauwunee hadnevevethahedaunee; hau nananena haesedena nedaunaudeē heyāenau havedehehauau. ⁴⁷ Nau haeautheda hayauwusenene vadanedaunauwuu. Hau najanaunau vevethahevahehauau nau wauthaunauhāhehauau nau

najavahehauau henanedanede haeneenanaudehaa hadnaāde, ⁴⁸ Nau haeyauhuune nesenehāde hanau vahee henanedanede haenādevenenau dauhujaathehāde.

20

¹ Nau hethauwuu, henee jasaa hena hese, denausunauthedade henanedanede vadanedaunauauwuu, nau haeauthedaude waunauyaunee hethadenee, najanauau vevethahevahehauau nau wauthaunauhāhehau haedasaa nauguu vachaugananenau, ² Nau hanaānadethauthee, Jeauthedaunā, hayew hāenaudahede hāenesedaude nuu hayauhuhau? wauāthe hanaa henee havenāde nuu hāenaudahede? ³ Nau hanaāauchuhananāedauwunaude, Nechau hadnaudedauunathana hanesadee hayewhu; nau hadjeāedauwunewa: ⁴ Heedusaayāde Jaun, gauhuhuthaune hejavia, wauāthe hehethēe henanedaa? hathauhuk. ⁵ Nau haeeegaugaugaudenauau, hith hesauhesenehethaunauau, hehethēe hejavia; hahagaunee, Naudu haejethauwaudaunauna? hanāthānauau. ⁶ Hau hethaunauau, hehethēe henanedaa; Vahee henanedanede hanāedaudauuānauau hauunaugāe, hanau hethauwaenaunauthee henee Jauneau dauhaeyānith. ⁷ Nau haeāedauwunanaunau, daujeneauthedaunauthee dauunathane. ⁸ Nau Hejavaneauthasau hanaāedauwunaude, Daudause gauhauauthedaunathava daun nāenaudahede nāenesedaude nuu hayauhuhau. ⁹ Hanaāejasesanadedauau henanedanede hee dajenehede; Jasaa henane haejenane dadajevenevesenethauchayau, nau haehathauauauwujethāhehau, nau haejathāu hese vavāaune vedauauwuu haegdaunā. ¹⁰ Hāenauchaunee haeyethautheava wauwaune hese thauauauwujethāhehau, henee hadjevenāde vevenaundenau hehethēe dadajevenevesenethauchayaunaa: hau haeneneseguhuu, nau haejathethajenāhee jessaa. ¹¹ Nau jea haeyethautheava jachau wauwaune; nau haeneneseguhunauau jea, haedayānauchuhanauau, nau haejathethajenāhee jessaa. ¹² Nau jea haeyethautheave nanaseauwane: nau haenasenehanauau jea, nau haenuguthanauau. ¹³ Hanaāenehede hadāhevāhe dadajevenevesaa, Hewauaujeesedaunaune? Hadautheawauau navechauthau nā: Nauchāe hadeneehauthee hāenauhauwaunauthe. ¹⁴ Hau thauauauwujethāhehau hāenauhauwauthee, haegaugaugaundenauau, Naa nanane hadvanehanāde: nahājauau hadenaunaune, henee headevanehanahedaunau hadenehanahanauau. ¹⁵ Hanaāenuguthauthee dadajevenevesenethauchayaunaa, nau haenaanauau. Haudneduseha hadāhevāhe dadajevenevesenethauchayaunaa? ¹⁶ Hadejade nau hadnauauhaude nuu thauauauwujethāhehau, nau hadgauchuhuvāde dadajevenevesenethauchayau, hathauhuk, Nau hāenedauwauduu, hadnehauwunaasau, hahagaunee. ¹⁷ Nau haenāauhauva, nau hanaāedauwunaude, Dusau nuu henee wauthaunauhuu, Hauunauganau hauuavāhehauau hausāguthaunenau, hanānanenith hāhe hanadāde nedautheane? ¹⁸ Daun janese dasee nuu hauunaugane hadthauuse, hau dasejaneseagu hanānauchauwuthathāunaude. ¹⁹ Nau najanauau vevethahehehauau nau wauthaunauhāhehauau chauchauu haegaugauanavanauau hadnesedanauthee; nau haedauwu henanedanede hee dauhāenuu henee dauhuanadede nuu dajenehede hee. ²⁰ Nau haeauauyauhauvanauau, nau haeautheavanauau haunauyauhauthāhehau, hadnanadaunethānethe hadchuvāhevathe henanenau, henee hadnesedanauwunethe hedanadedauunau, henee hadenauuchaudaunauthee hejadenenau nau naunaudāhenethe

hauchuwunanene. ²¹ Nau haenaunaudedaunanauau, Hechauhauthethāhe, haenaunee henee hasenehenaune nau nethauwuchauhauthethāne, daudause hāhauwujāvedaugauhauwaunauau henanedanauau hegau, hau hanechauhauthethāne hesee Hejavaneauthu hethauwu: ²² Gaunaasauau hee nananee hadnevenade hauāyaunau Caesar, gauwauāthe hegau? ²³ Hau haeaeauwu henadaunedaudenenau, nau hanaāēdauwunaude, Naudu haevadauvasehena? ²⁴ Jenauhauthehee vāejethāe. Hanaa hewauthaunenauaudene, nau hanaa hewauthaunauhane? Haeauchuhanāedauwunanauau, Caesar. ²⁵ Nau hanaāēdauwunaude, Jauaunaudaunaa hee Caesar hayauhuhau henethayaunau Caesar, nau Hejavaneauthau hayauhuhau henethayaunau Hejavaneauthau. ²⁶ Nau haejeneesedanauwu hedanadedauunene hathaājedaunenee henanedane: nau haegaugauanadauwu hedauchuhanehedauunene, nau hanaāēdādaunauguthee. ²⁷ Hanaāējeedauchuthee jasae Sadducees, hayāthajauhuhau henee hadjejaegauhadenene: nau haenedadaunanauau, ²⁸ Hechauhauthethāhe, Moses hathauthaunawunānauau, Hith daun henane henauhauwauau gaujauaudāheyaugaune, heneneyaugaune, nau gaujauaudāheyaugaune jedāeyauneveyaugaune, henee henauhauwauau hanādanaude henenene, nau hanānesaunede hee henauhauwauau, hathauhaugaune. ²⁹ Hena hee haenesaudaachunauau henahavaevadehehauau: nau jasaa nedauau haenene, nau haenaja haejedāeyauneve. ³⁰ Nau naneseauwaude haeneva, nau haenaja haejedāeyauneve. ³¹ Nau nanaseauwaude haeneva; nau vavade hanaasene nanesaudauchuauwaude jea, nau haejenauthanauau dāeyaunauau, nau haegaugauaudāhenauau. ³² Waunee vahee hesā haegaugauaudā jea. ³³ Henaheee jaegauhadeneyāgu hanaane hadnevādaune? hee hanesaudaachunethe daunevāde. ³⁴ Nau Hejavaneauthusau haeauchuhanāedauwuna, dāeyaunauauau nuu hathāauauvaa nenevadedauunee, nau nenenehadene: ³⁵ Hau daun naunauguathee hadnenaededuu hena henaedede, nau jaegauhadeneneagu hehethēe gaujauaudahede, hadnehauwunenavedaune, hegau hadnenenehadedaune: ³⁶ Daudause hadnehauwauthenajadene: hadnaathahedaunee hautheaunauau; nau hadnensesaunevāthee Hejavaneauthu, naathedāyaunenedaunee jaegauhade. ³⁷ Wauhā henee gaujauaudahehehauau hadjaegauhāthee, Moses denauhauthehade jauauadee, deadethāde Vahadāhenith Hejavaneauthu Abraham, nau Hejavaneauthu Isaac, nau Hejavaneauthu Jacob. ³⁸ Hehauwuujavaneauthune heyauhaudade, hau henaedede: hanau vahee haneenaededaunene. ³⁹ Hanaāene jasaa wauthaunauhāhe haeauchuhananadetha, Hechauhauthethāhe. Nananene hethade hasenehene. ⁴⁰ Nau hee haejauthenaudedaunanauau. ⁴¹ Nau hanaāēdauwunaude, Naudu haena hane Chris Dāvid* dauhuāwaude? ⁴² Nau Dāvid nehayau hasenehede wauthaunauhanaa Psalms,† Vahadāde hasenehethaude Navahadāhewaunādaune, Hadjehanaugadaune hejavesanee, ⁴³ Haunaude nadeesehaunauau haujauthauwauau hadnedaugāaugunene. ⁴⁴ Dāvid henaheee haehenesea Vahadāhenith, dusee heau? ⁴⁵ Nau vahee henanedane haenedaunau hanaāēdauwunaude

* **20:41** "Dāvid" is spelt thus here and in two other places nearby, 20:42 and 20:44. The name is spelt "David" in its other ten appearances in the text. (See note for 13:16.) † **20:42** "Psalms" is capitalized here but not in 24:44, but both are almost certainly deliberate. As per the KJV, "Psalms" in 20:42 is the name of a book in the Bible, but in 24:44 the common noun "psalms" is meant.

hethauguhādaunau, ⁴⁶ Waudauau wauthaunauhāhehauau, neneanaduu javesanee sauaunusāchaude, nau vechauduu jachauthadede nedauaudau-nauvadedeandenee, nau najatheaugudaunau vevethahenauauwuu, nau najanau nedaugunethe vanethehedaunenee; ⁴⁷ Naudauvāe henevesānau hedauauwunene, nau hanau denauhauthethāhee deguthevevethahethee: hadnathee hanesedanuu vanasaunee gudanadede.

21

¹ Nau haeejaāne, nau haenauhauvā nethauyāsenanene haejenanauwu hevaudenenu haenathaunaa. ² Nau haenauhauva jea jachau hadavenuhu henevesāne haethāgudene hanesāenee nevaāhenee vāejethāau. ³ Nau hanaāenehede, hethauwuu nananenau nāedauwunathana henee naa hadavenuhunede henevesā javaājenanauau vahee; ⁴ Hanau vahee nuu nanethauyādahethee dejenanuu dejenanauwunauthee Hejavaneathu: hau hadavenuhunede hajananauu vahee heenaadedeandauau hathāenethenauau. ⁵ Nau haehēgaugauaudenauau vadannaauwuu, hasenehenee nauguu hethāhenethe hauunauganau nau hausāyaunau, hanaāenehede, ⁶ Nuu hayauhuhau hānauhauthaunenau, hesee hadnauaachuu, hadnehauwunathauau hanesāde hauunauga hanathaugude hadvajanesee. ⁷ Nau hanaāenaudeandauthee, Hechauhauthethāhe, hau hadduunaasau nuu? nau hayew hadnauhauwuu hadnesauau hāene nuu hayauhuhau hadneenauchuu? hathauhaugaanee. ⁸ Nau hanaāenehede, haunauyauhaudauwauau henee nananena hadejenanedaunehana: hanau hadnewauthathee hadjauthee Naneseedaunaa, Hanejavanaeuthusaunenau, hadnethee; nau hayānauauchauau: jevathauguhāa. ⁹ Hau hāenedauwaudauwunā vauthadede nau jajayauthadede, jeva nathajauau, hanau nuu hayauhuhau hadnedauunauaachuu; hau hadneevadauauau hadguthauau. ¹⁰ Hanaāēdauwunaude, jajaesenanedanedede hadnevauthadee jajaesenanedaa, nau najanede hadnevadauau najanede: ¹¹ Nau hadnavathethauthauwunauauau vedauauwuu, nau hasenaude, nau hathethaugawude, nau naunaunauchaudauhauthaude nau hadvasauau naunauhauwuu hadnauauchauau hehethēe hejavaa. ¹² Hau hadnejesejenauaachuu vahee nuu, hadnedanāna, nau hadnaunaunauchauthehāna, nau hadnevaudenee nananena hauāchaude, nau duguhunauwuu, nau hadnenauauchauhana hathaājethee nenauchuwuthee nau hauchuwunanenauau hanau Naneseede hee. ¹³ Nau hadnaasejenanauwunana hee haenathau. ¹⁴ Hāenauwuu heehena nananena hadahenauau, jevagaugauuthajauau nedauau daun hadnesenehena: ¹⁵ Hanau hadvenathana vade nau haeyaude, vahee hasānavādaunenau hadnehauwuneyādaunāva hegau hayethaagudaunādaunenau. ¹⁶ Nau nananena hadnavethevāthee nesauuu hanehānenau, nau hāthesaunenau, nau hādauānenau, nau hādaehahenau; nau jasae nanaena hadneenaana. ¹⁷ Nau hadneevahasānavāhena vahee henanedaa hanau naneseede hee. ¹⁸ Hau hegau hāthaanenau haudauguhunenauau hadnehauwugaujauaudāhenaunau. ¹⁹ Hanāedeveaudunenau hadnaunaunehaudde havadathuwunau. ²⁰ Nau hāenauhauwunā Dādaunedan hadnechauchuaunāna vanenanenauau, nanehāenauwuna henee nauauthadede wauwu hadneaudaa, ²¹ Nanehadaugauthethee hesee haunee hathāanedauthee Judaea; nau henee hathāanedauthee nahethēe nanehanauhethee; nau jevajejēdānauha henee hathāanedauthee gauchuhunee vedauauwuu. ²² Hanau nuu hesee hadneauthedaudenee henee vahee hayauhuhau hathāewauthaunauhuu hadnethauwunaasauau.

²³ Hau naunauthaunee hadnethauauvāhethee hathāenesaunethee, nau hathāeneaunauhuthee hena hese, hanau hena hadnavathasenedene vedauauwu, nau hasenaundaunāhenauau nuu henanedenede.
²⁴ Nau hadneauthāhethee gaugauthau, nau hadnejathechauhāthee hadwauwaunenethee vahee jajaesenanedenede; nau Dādaunedan hadnauguhethee Neauthu, haunaude Neauthu nauauchaudauhaugaunee.
²⁵ Nau hadnauhauthaunee hesesee, nau vegusesee, nau hauthuu; nau nanadee hathāauauvaa hadnaunauādaugauhudaunee jajaesenanedenede, hadnehauwaenau; hadaje nau hadnaunaudānaunee; ²⁶ Henanenuau hedahenau hadnadenāthajaunee, nau hanau nauauyauhauduu hena hayauhuhau hadnauauchauunee dasee hathāauauvaa, hanau hathāenauthauau hejavaa hadnauauwunauauau. ²⁷ Nau hadnaāenauhauwauna Heau henane hadnenausade henaunauade nauuu nauauthaunee nau hadnavathenausaauau. ²⁸ Nau hāene nuu hayauhuhau hāenauuchuu, nauhadnaāenauauānena; nau hadnejenāauguana hee hadneejaenauthana hadnaēaadaa. ²⁹ Nau hanaāedadajenehethaude; Nauhauvaa hauuyauchunauhaude, nau vahee hahaudenauau; ³⁰ Hāeguugauāhenauthe, hadnauhauwauna nau hadnaenauwuna nehayau hene veja dauhuaadaa. ³¹ Hadnaasauau nananena hāenauhadauwunā nuu hayauhuhau hadnethauwunaasauau, hāenauwu hene henajaned Hejavaneauthau haneaudanee. ³² Hethauwu nāedauwunathana, nuu henaedede hadnehauwuvadauau, haunaude vahee hadnethauvāe. ³³ Hejavaa nau vedauauwu hadneyahuu; hau Nadanadedauau hadnehauwuthauyauhuunau. ³⁴ Nau haunauyauhaudauwauau nehayau, naseduhuu daunāene hadahenau havaehayaudenau hee hadauhauganedaunenau, nau havanadenenau, nau haunaunethaunenau nuu henaedede, nau hene hese hadgauduaunāna hau hadnehauwaenava. ³⁵ Hanau waude nauyudenau hadnauauchauau vahee hathāetheaugude dasee hathāauauvaa. ³⁶ Haunauyauhaudauwauau henaheee, nau hevevethahee dajaunee, hene nananena hadeheenaugana hadegauchuhauwuna vahee nuu hayauhuhau hene hadnauauchuu, nau haddetheauguna hathaāhede Heau henane. ³⁷ Nau hesenee haechauhauthethā vadanauauwu; nau hāeveeyaunee haenauā, nau haeadāne hauanee hene neseeyāgu hauanee Olives. ³⁸ Nau vahee henanedenede haejevanauauchaudene naugusāje daunauganenee hadaude vadannauauwu, hee dauhujaatthēde.

22

¹ Wauhā hadneevasevenee janenesaunauchauanauhuu jauaujaunau haeayānauauchau, Hadavechaude neseāgu. ² Nau najanau vevethahevahehau nau wauthaunauhāhehauau haegaugauanadauwunenau hadnesenaāde; hau haedauwu henanedenede. ³ Hanaāejedāde Haujau Judas hejaveede Iscariot, haenethanedau vadadauchunesenee. ⁴ Nau hanaāejethāaude, nau haeanaadetha najanau vevethahevahehau nau haunauyauhauthāhehau, hadneseavedaunaauwaude. ⁵ Nau haeneethajaunauau, nau dechauchuwuhadethee hadvenāde vāejethā. ⁶ Nau haesayānehetha, nau haeanauyauhaudauwu hadneeneavedaunaunaauwaude henanedenede. ⁷ Hanaāenauauchauau hese janenesaunauchauanauhuu jauaujaunau nanaa hadavechauthau hadnāede. ⁸ Nau hanaāautheawaude Pedaheau nau Jauneau, Najesaa hadesaanudeva hadavechauthadede, hadevethenauau, hathāhaugaunee. ⁹ Nau hanaāedauwunauthee, Daudu hadauvatthēane

hadnedaussaunuu? ¹⁰ Nau hanaāēdauwunaude, Naune, hājedānā hedan, hena henane hadnuchaunāna, hadnewaunauau hauānau hadjaāsaneenee naje; hadethauguhauva hauauwu hadnedaucedāde. ¹¹ Nau hadethauva henane hedauwunede, Hechauhauthēhāhe nejeethāne, daudu jādanauuuuu hadnedauvethenauau hadavechauthadede nauuu nāthauguhādaunauau? ¹² Nau hadnauhauthehāna vanasaunee dachauuuuu hadneseawaudeanee: hadnesaanuhuu. ¹³ Nau hanaāeyehauthēe, nau haevedenauau neethēdauwunaude: nau hanaāesaunudethee hadavechauthadede. ¹⁴ Nau hāenauauchaunee, hanaāejanaugude nauuu vadadauchunesenee hevadauhanau. ¹⁵ Nau hanaāēdauwunaude, hethauwuvadauvethenau nuu hadavechauthadede nauuu nananena hajesejasauwauwuthānau: ¹⁶ Hanau nāedauwunathana, Nadnehauwauthevethe nuu, haunaude hadnauauchauu henajanede Hejavaneauthau. ¹⁷ Nau hanaāedanauau vāenau, nau hanaāevāde vaveenede, nau hanaāenehede, Hedanauuuu nuu, nau hadjaanauwauva nehayau: ¹⁸ Hanau nāedauwunathana, Naudnehauwuvanethede dadajevenenaje, hanaude henajanede Hejavaneauthau nauauchauyāgu. ¹⁹ Nau hanaāedanauau jauaujau, nau hanaāevāde vaveenede, nau haejeane, nau haevena, Nuu nanā nadanayau havenadenau: nuu hadneejenaunethedaunena, hathauhuk. ²⁰ Naasauu jea vāenau hāesethunevethēhedaunee, Nuu vāenau waunauyauu hesānaavede Navaevaa, hanedaunauwunana, hathauhuk. ²¹ Hau nauhauvaa, hejadenā henee haneavedaundaunade nananenauuu nanedauguvānauu vethehedaunaa. ²² Nau hethauwu Heau henane hadjathāaude, neesedaunaunde: hau naunauthaunee henee henane haneavedaundaunenene. ²³ Nau hanaāenaunaudedadethēe nehayau, hanaadee hadnesadaude nuu. ²⁴ Nau hena jea haeneenayaundenauu, hanaadee hadjavaāvasāthaa. ²⁵ Nau hanaāēdauwunaude, Nenauchuwuthee Neauthuu haevahadahethedauwu; nau henee nanethenuu naudahede nanadee hesenaedehehauuu neseadagaunee. ²⁶ Hau jevanaathāhee: hau henee havasāthawaunādaunenau, hadenahavaewauva; nau henee naja waude henee henechauthāhehau. ²⁷ Hanāa vanasāthaa, henee vanethede, wauāthe henee henechauthāhe? gaujenane henee vanethede? hau hanedaundaunathana waude henee henechauthāhe. ²⁸ Nananena daudajauaunenethaunena denaunaunauchauthethanau. ²⁹ Nau janenanauwunathana najanede, waude Nāsaunau nejeesejenanauwunānau; ³⁰ Hadevethēhena nau hadevaveyāna navethehedaunaa Nanajanedanāa, nau hadetheaugudauwuna najatheaugudaunau hadnauchuwuhauna vadadauchunesenee jajaesenanedanede Israel. ³¹ Nau Vahadāde hanaāenehede, Simon, Simon, nauhawune, Hauju nevadaunethēnāne, hadvachuuguthāne waude thauauhanewauchuunau: ³² Nau nevevethasathane, henee hadethauwuthajauade hadejenadegaudenauu: nau hāejauaugauthethajauaune hadedāewaunauu hahauwauauu. ³³ Nau haenehetha, Vahadāhene, Nananenau hanesaanunau hadnēnenethau-nathane, nesauna duguhunauauwu, nau gaujauaudahedaunaa. ³⁴ Nau haeēdauwuna, hāedauwunathane, Peda, neautheneāhe hadnehauwunedu nuu desenenee, hajesejenehenaune nasau hadnethedauwaune henee nananene daujaenaunene. ³⁵ Nau hanaāēdauwunaude, Deathaveje-nanathana hāehauwunewauunava nesevāejethāwau, nau newaugusajaānauchu, nau wauaunau, gauhājevathehāva hayewhu? Hegau, hathauhagaunee. ³⁶ Hanaāēdauwunaude, hau hewaunehaa henee nanethenauu nesevāejethāwau nanehaedanauu, nau jea hēnewaugusajaānauchu;

nau henee janethenauau gaugachu, nanehaeaudaunade heddu, nau jeaudaunade gaugachu. ³⁷ Hanau nāedauwunathana, henee nuu wauthaunauhuu hethauwunaathauthaunauhanau, Nau haewauhaunau wauwauchudauhuhau: hanau nethauthedauthanau hethauvaa. ³⁸ Nau hathauhauganee, Vahadāhene, nauhaudau, heyewnau hanesāe gaugauthau. Nau haeāedauwuna, Naadauchāe. ³⁹ Nau haejenaua, nau haejathāau, nesedaude, haua nee Olives; nau hethauguhādaunau jea haethauguhaa. ⁴⁰ Nau hānauusade, haeāedauwuna hevevethahee henee hadejejedāna vashadede. ⁴¹ Nau haejāvesa hehejese nejechauthanenee, nau haechagujanau, nau haevevetha, ⁴² Nāchau, hith Nananene vadausedaunenagu, jegudanauwune nuu vāenau hehethee Nananenau: hau nāhauwuvathehaa, hau Nananene, hadnaasauau, hathauhuk. ⁴³ Nau haenauhauva hautheaune hehethee hejavaa, haedadāevaa. ⁴⁴ Nau haeneenajeneethajau haeneenavevetha: nau heguwauaude waude davathejajaneauthee vaewauau dejanese vedauauuu. ⁴⁵ Nau hāegauhāde hehethee devevethahede, nau haejedasa hethauguhādaunau, Haevēna haeseenaugauhunenau heee haudauwuthajaude, ⁴⁶ Nau haeāedauwuna, Naudu haenaugauhuna? gauhāe nau vevethahee, hadejejedāna vashadede. ⁴⁷ Nau hajesanadede, haenauhauwu havathenedanede, nau henee Judas neseade, jasia vadadauchunesenee, haenedauva, nau haeayāedasa Hejavaneauthusaun hadnedanaude. ⁴⁸ Hau Hejavaneauthusaun hathāhuk, Judas, gauhāavedaadauna Heau henane gauhadneenedanau? ⁴⁹ Hāene henethauguvādaunau daunauhaudauwunethe hadnesehade, Vahadāhene, gauhadjedauauwaunauau heee gaugachu? hathauhauganee. ⁵⁰ Nau hanesāde haedauvauva hewauwaunavene vasnajuve vevethahevahew, nau haegaudathāhe hejavese. ⁵¹ Nau Hejavaneauthusaun haeauchuhananadetha, Hauwaa nanasedau nuu. Nau haevasane henaudaununene, nau haenayauha. ⁵² Hejavaneauthusaun hanaāenehethaude najavevethahevahehau, nau haunauyauhauthāhehau vadannauauuu, nau vachaugananenau, hejewauonedasādaunau, Gauhāejauva, waude heee havedehe, nauuu gaugauthau nau vachau? ⁵³ Denethenaedevathana hayauwusenee vadannauauuu, nananena hāehauwudaneva: hau nuu nauauchaudauna, nau naunauthauau vaneeyauau. ⁵⁴ Hanaāedanauthee, nau haejathechauhanauau, nau haejedananauau Vasenajane vevethahevahew hedauuwunene. Nau Peda haejesedauchu. ⁵⁵ Nau hāesewaudedaunathee nahethāe hadauvasenejesauau, nau haeauājanaugunauau, Peda haejanaugudauna. ⁵⁶ Hau jasae hesāhedāeyaune haenauhauvaa daujanaugudaunade hejava hesedaa, nau haenaunauchaudauhauvaa, nau hathāhuk, Naa henane jea nanethenaedewaude. ⁵⁷ Nau haethedauwautha, Hesā, nahauwaenaunau, hathauhuk. ⁵⁸ Nau naunade jachau haenauhauvaa, nau hathāhuk, Nananene jea hanehedāhene. Nau Peda hahagu, Henane, nananenau hegau. ⁵⁹ Nau heee jasaye denauachauau waunee jachau haeethauwunehene, hathāhuk, hethauwu naa jea nanethenaedewaude; hanau nananede Gananaean. ⁶⁰ Nau Peda hahagu, Henane, Nāhauwaene daun nesenehene. Nau chachaunu, daunausunanadede, neauthuneāhe haenedu. ⁶¹ Nau Vahadāde haejaaagu, nau haenāuhauva Pedaheau. Nau Peda haethauchuthajaude hedanadedanene Vahadāhenith, neesenehethāde, Hajesejeneduhude neauthuneāhe, nananene hadnethedauwauchune nasauna. ⁶² Nau Peda haenaua, nau haeneenavewau. ⁶³ Nau henanenauau henee daununauthee Hejavaneauthusaun haevavavanauchuhanauau,

nau haedaudauuavaa. ⁶⁴ Nau hāesajeājethauthee, haenadeāhenauau, nau haenaunaudedauanauau, Haeyāhe, hanaa henee haudauuavāde? nethāhuk, ⁶⁵ Nau wauthanee haewauwauchuvaa nanāsanadethāde. ⁶⁶ Nau chauchauu hasenaugusājenee, vachaugananenauau henanedanede nau najanauau vevethahehehauu nau wauthanauhāhehauu haeauāchaudaunanauau, nau haejedananauau hadaunanadethee, ⁶⁷ Gauhanane Chris? jeāedauwunāa, hathauhaugaunee. Nau haeāedauwuna, Hith Nananenau hāedauwunathanagu, nananena hanājethauwadaunena: ⁶⁸ Nau hith nananenau jea naudedauathanagu, nananena hanājachuhananadesena, wauāthe hanājejenanena. ⁶⁹ Hewaunehaa hee Heau henene hadtheaugude hejave se naudaūāhenith Hejavaneauthau. ⁷⁰ Hanaāenehethee vahee, Gauhanane Heau Hejavaneauthau? Nau haeāedauwuna, Hasenehena Nananenau. ⁷¹ Nau hahagaunee, Hehauwauthevathēhāanauau naudedauyaunauau? hanau nehayau nanedaunaunauau Nehayau hedenaa.

23

¹ Nau haunauude henanedanede haegauhādene, nau haeyehau-daunanauau Pinade. ² Nau hanaāevavasevāde, Vaneenaunauau naa gauchuhuchaudede jajaesenanedanede, nau nedauduwaude hadjevenauthee hauāyaunau Caesar, daunahagu Chris Nenauchuwude, nethadede, hathauhaugaunee. ³ Nau Pinade haenaudedaua, Gauhanane Dauhauauchuwuhunene Jews? hathauhuk, Nau haeauchuhanāedauwunaa, Hethauvāne. ⁴ Hanaāedauwunaude Pinade najanau vevethahehehau nau henanedanede, Nāhauwuveedenaune wausaunee naa Henane. ⁵ Nau haenaunauchauthedauhadene, wauwauyauchudede henanedanede, hanechauhauthethāde hehethee vahee Jewsevedauuauuu, jejasese hehethee Gananane nauu nuu vedauuauuu, hathauhaugaunee. ⁶ Hāene Pinade nedauwauthaude Ganane, haenaudedauva wauau haganananenene. ⁷ Nau chauchauu hāesaenauau henee daunaadāde Herod hadaunajavanethe, haethavenane Herod, jea haenedau Dādaunedan hena hese. ⁸ Nau hāene Herod nauhauwaude Hejavaneauthusaun haevaseneethajau: hee devadaunauhauwaude dajauaunee hanau dauhuwauthanedauwauthaude; nau haevadaunauhauwauu jasaa venauneguthau hadnesedaunith. ⁹ Haenaunaudedaua hauwauhuu hanadedauau; hau haejauchuhananadethaa. ¹⁰ Nau najanau vevethahehehau nau wauthanauhāhehau haetheaugunenau nau haenaunaunauchauthevaa. ¹¹ Nau Herod nauuu vauānenenau haejenananauaugaugauyaune, nau haevavavanauchuhanauau, nau haeneenuhanauau neudahenene hu, nau haevenanauau jea Pinade. ¹² Nau hajesesenenee Pinade nau Herod haenedaehāvadenauau nesauuu: hanau nedauwuu haeasānavadenauau nehayau. ¹³ Nau Pinade, hāesauānadethaude najanau vevethahehehau nau hauchuwunanenau nau henanedanede, ¹⁴ Haeāedauwuna, Nananena nauuchaudaunena naa Henane, nanahagu henee gauchuhuchaudede henanedanede: nau, naune, nananenau, haunauchuwuhauu hathaāhena, nāhauwuveedenaune wausaunee naa henane hee henee hayauhuhau nanāsevasewauna: ¹⁵ Hegau, hehauwune Herod: hanau neathavejenanauwunathane; nau naune, hehauwunee nauu hehauwugaudauwudau. ¹⁶ Hadnensesegauhaa, nau hadjenanauau. ¹⁷ (Hanau hadnaugauhuse naasedaude hadjenanaude hanesāhenethe vasevethedeaunegu.) ¹⁸ Nau haunauude

haevasānadenauau jasānee, Hausāguthaa naa, nau jejenanauwunāaa Barabbas, hahagaune: ¹⁹ (Nananede hanau jasaa nejaevauāde hedan, nau hanau nenaade, nethānade duguhunauauwuu.) ²⁰ Pinade henaheee, haevadaujenana Hejavaneauthusaun, haeanadetha jea. ²¹ Hau haeneānaune, Saethechuhuu, Saethechuhuu, hahagaune. ²² Nau haeāedauwuna nanaseauwaunee, Dusee, dusewauchudau? Nāhauwuveedenaune hadneegaujauauthehaude: Hadnaasedaunau hadnensesgauhaa, nau hadnaājejenanauau. ²³ Nau haeneenasānadenauau, haeneenavadausaethechuhunauau. Nau haeneānadenauau nau najanau vevethahehehauau haechauwauauwauau. ²⁴ Nau Pinade haechuwardā henee hadnaasaunee hasevathehāthee. ²⁵ Nau haejenanauwuna nananede henee hanau nejaevauāde nau nenaade haethānu duguhunauauwuu; nananede heenedauwaudenenau; hau haevā Hejavaneauthusaun hathanauwauthee. ²⁶ Nau hāejathechauhauthee, haedananaau hanesāhenith Simoneau, hehethee Cyrenene, hananeedesade vedauauwuu, nau hananene haenehanauwunanaau nau gauchu, henee hadnawauunauwunith thauguu Hejavaneauthusaun. ²⁷ Nau hena haethauguhaa havathenedanede, nau hesānu, haeau-dauwuthajauha nau haevewauhunauau heee. ²⁸ Hau Hejavaneauthusaun haejāāne haeāedauwuna, Dādaunedan hedaunauhau, jevahevewauhuu heee Nananene, hau heevewauhuu nehayau, nau hee hadāeyaunenau. ²⁹ Hanau, naune, hese janādauu, hadneenedaunee, Haunauwuthajauau jenesaunehauau, nau henaudunenau henee nejethauujanesāthee, nau hethanenau hehauwunethuaunenau. ³⁰ Heee hadnaājeseneseneduu hauane, Gauduaunānaau; naa jauaudane, gaudauuhunauau. ³¹ Hanau hith heenesedauhaugaunee nuu hayauhuhau janadanegauehaugaune hauhaudene, haudneedusedaune wautheyaugu? ³² Nau hena haenesenauau gauchuhunee jea, wauwauchudauhuhau, haenethaunaa hadnaugunaade. ³³ Nau hāene hāedadu, Calvary hanaaseenee, hena haesaethechuhunauau, nau wauwauchudauhuhau, hanesāhenith hejavee, nau jachau nauwauthe. ³⁴ Haenaānehede Hejavaneauthusaun, Nāchau jaegudanaunuwunee; hanau daujāenuu hasedauthee. Nau haejanauwauunenau, hedāchaunene, nau haehaedaudausadaunenau. ³⁵ Nau henanedanede haetheaugudaune dauhasauhauvade. Nau hauchuwunanenau jea nauuu haeauchaudanavaa, haseneheyaugaune, Nenayauhaude hauthauau; Nenahanehaneyauhade hethauwuu Chrisdeyaugu, Neayānāde Hejavaneauthu. ³⁶ Nau vanenenau jea haenaunauauthedaunaa, haedasaa, nau haevenaa naneujaudenee dadajevenenaje, ³⁷ Nau hathāhuk, Hethauwunajawaunaudagaunee Jews, henayauhade nehayau. ³⁸ Nau haewauthaunau jea haewauthaunauhune hejavaa hedanadedauenene Greek, nau Latin, nau Hebrew, Naa Nanajawaunade Jews. ³⁹ Nau jachau wauwauchudauhu chaunaunauaunith haewauwauchuvaa, Hethauwuu Chrisdenagu, henayauhade Nehayau nau nananee, hathāhuk. ⁴⁰ Hau jachau haeauchuhananadene haedauduva, Gauhajeadaunau Hejavaneauthu, hanau nananene nanesadee hathauchuwuhane? hathauhuk, ⁴¹ Nau neehanauau; hanau hanesedanauwunauau nanāsedanaunau: hau Naa hehauwauwauchudau. ⁴² Nau hanaānehethaude Hejaneauthusaun,* Vahadāhene, dauyewuwuthedaune hāanausanaune Hanjanede. ⁴³ Nau Hejavaneauthusaun hathāhuk. Hethauwuu hāedauwunathane, Nuu

* 23:42 "Hejaneauthusaun" possibly should be "Hejavaneauthusaun". (See note for 18:19.)

desenee hadnethenaedevene Paradise. ⁴⁴ Nau hāethauthaunesade, nau hanaāveeyauau nanadee vahee hathāauauvaa haunaude nanasusee hēnauauchauau. ⁴⁵ Nau hesese haeeenenauau, nau hauguthau Vadannauauwu hēthauwunauau nahethāe. ⁴⁶ Nau Hejavaneauthusau hēvasānade, Nāchau, hajadēnaa hadaunaunehau Navadathuwu, hahagu: nau hāesenehede nuu, haevadauwauthauwu. ⁴⁷ Wauhā vanenenaja hēnauhaudauau hasedaudenenee, Haeauwauaudauna Hejavaneauthu, Hethauwu naa chaunvāde Henane, hahagu. ⁴⁸ Nau vahee henanedanede henee hathāejeauānuusathee hadnauhauwathēe, haenauhaudauwu hanasedaudenenee, haeanadesejāhedenauau, nau haejaajegauhudaune. ⁴⁹ Nau vahee henedaehauhau, nau hesānu hethāethauguhādaunau hehethee Gananee, haetheaugunenau vavāaune, haenauhaudauwu nuu. ⁵⁰ Nau, naune, henane Joseph haeseē, najananadehe; nau haethā, nau haechuvā: ⁵¹ (Naa haejēchuwaudā hasenehedaunenee nau hasedaunethe;) haenaadāde Arimathaea, hedan: jews: nananede jea nehayau haejauwuwude henajanadaunene Hejavaneauthu. ⁵² Naa haeyehau Pinade, nau haenedauwaude hedanayaunene Hejavaneauthusaun. ⁵³ Nau haejanana, nau haeauyauna naunaujānaunee, nau haejenana nedauthānavathe gaujauaudahehēhau hauunaugāe, haunauau henane haejethauujenana. ⁵⁴ Nau hena hesēe haesaanudaune, nau vadaneseē dayānauauchauau. ⁵⁵ Nau hesānu jea, hejenauunethaunādaunau hehethee Gananee, haethauguhāa, nau haenauhaudauwu hadausaesēnēthe, nau hedanayaunene hathaudanee. ⁵⁶ Nau haejaenauthau, nau haesaanudenauau hathāeneevaudenee nau chauayaunau; nau haedauyānusēnauau vadaneseē hasauau nanavaavede.

24

¹ Wauhā nanedauwaudaa hesēe hauchauvadēde, hajesejevesēsanith haejedadauwu hadausaesēnanith, haenauuchaudenauau hathāeneevaudenee heesaanuthaunenau, nau jasae hauthauau nauuu. ² Nau haenauhauvanauau hauunaugane haeausānēne hehethee hadausaesēe. ³ Nau haejedānauau, nau haejevedēnauau hedanayaunene Vahadāhenith Hejavaneauthusaun. ⁴ Nau hethauwu daugaudauwuthajuthee hee, naune, hanesēthe henanenau haetheaugudaunā haenauasāunēnau hedāchaunene: ⁵ Nau daunāthajauthee, nau haenauauagunauau vedauauwu, haeāedauwunā, Naudu nananēna haenaudehauna hanēnadēdaunade nēthee gaujauaudahehēhau? ⁶ Hehauwanēdau hede, hau jaegauhāde: dauyewuwuu neethāedauwunāna denausunanēdaude Gananee, ⁷ Neesēnehede, Heau henane hadvenavathe hejadenene wauwauchudaunenēnau, nau hadsaethechauhude, nau nasēe hadjaegauhāde. ⁸ Nau haedauyewuwunauau hedanadedāunēne, ⁹ Nau haenauadauwu hehethee needausaesēnanith, nau haeauthedaunanauau vahee nuu hayauhuhau jasānee, nau vahee hauthauau. ¹⁰ Haenane Mare Magdalene, nau Joanna, nau Mare hēnaune James, nau hauthauauau hesānauau hēnee hēnethaunādaunenau, neauthedaunauthēe nuu hayauhuhau vadauhanau. ¹¹ Nau hedanadedāunenau hathanadauwuyaugaune gauyauna, nau haejethauwaudaunaunauau. ¹² Hanaāegauhāde Peda, nau haeyesēnēgau hadausaesēnanith, nau haewaugau, haenauhaude naunaujānaunee haeānauānenau jessaa, nau haenaude, haegauguanade hasaunee. ¹³ Nau, naune, hanesēthe haeyehaunenau hēnee hajesēsenēe hajesēe hauauwudan Emmaus hasegu, hehethee Dādaunēdan wauau nesaudauchu nau

gauu dauguha. ¹⁴ Nau haeanaudenauau wauhaunee vahee nuu hayauhuhau hasaunee. ¹⁵ Nau hethauwu, henee, dauanadethee wauhaunee nau haenaunaudeaunadenauau, Hejavaneauthusau Nehayau haeaauchauna, nau haenethauna. ¹⁶ Hau hesesānenau haedunenenu henee hadjaenaunauthee. ¹⁷ Nau haeēdauwuna, Hayewnau hadanadedauunenau nuu henee nananena hānegudaunenau, daujajāwauaunadena, nau daudaneāauna? ¹⁸ Nau jasia hanaaseede Cleopas, haeauchuhananadethaa, Gauhanane vavade dauhadavesane nuu Dādaunedan, nau gauhajaene hayauhuhau hasedaunee hena nuu hese? ¹⁹ Nau haeēdauwuna, Hayewnau? Nau haeēdauwuna, Hee Hejavaneauthusau Nazareth, nananede Haeyāhe naunaudāde hanasedaude nau hedanadede hathaāhenith Hejavaneauthu nau vahee henanedanede: ²⁰ Nau najanauau vevethahevahehauau nau hadaachuwwunanevene neesevānethe gaujauaudahede hadneauchuwuhade, nau nesaethechauhude. ²¹ Hau nejauwuwhuanauau Nananede hadnenayaude Israel: nau nauuu vahee nuu, desenee nanasāe hese hāsesenedaunee. ²² Haa, nau jasee hesānauau jea hadahenauau nenāvānauau, naugusāge neanedauthee hadausaesenanith; ²³ Nau dejevethethee hedanayaunene, nejenuusathee, neauthedathee, henee jea haenauhauvanauau hauthaunau neethāhaugaunee henee daujaenaedeyaugaune. ²⁴ Nau hauthauauau hānethaunādaunene deyehaunauau hadausaesee, nau haevedenauau vavade hesānauau neesenehenethe: hau haejenauhauvanauau. ²⁵ Hanaāēdauwunaude, Hau hāhauwaenava nau gauanauau hadahenu hethauwadane vahee henee haeyāhehauau neauthedathee: ²⁶ Naasauau Chris hadnasenede nuu, nau hadjedāde hadnedauvasāthaa. ²⁷ Nau jeejesesee Mosese nau vahee haeyāhehauau, neevavesāēdauwunaude hee vahee hanathauthaunauhunee hayauhuhau hadnesenaedede Nehayau. ²⁸ Nau haeaauchauwu hajasee hauauwudan hasesathee: nau nehayau haenanauneha hadjavesade. ²⁹ Hau haeneenadaunauau, hathauhaugaunee, Hanedaunaunā: hayānaesade, nau hese hayāenauwusanauau. Nau haejedā hadnatedaunaude. ³⁰ Nau hethauwu, daujanaugude haenethevetheheva, Haeedane jauaujau, nau haevaveene, nau haejeane, nau haevana. ³¹ Nau hesesānenau haegaunanenenau, nau hanaāaenaunauthee; nau haeyauhauudenauau. ³² Nau hadāhene gauhauchāe hethauvaa, hanathadagaunee jae, deanadethānauau jāthee, nau hāegaunanauwunānauau wauthaunauhanau? ³³ Nau haegauhānauau chauchaunu nau haejaeyehaunauau Dādaunedan, nau haevahanauau jasānee haeanaudaunāhenenau, nau hauthauau henee hanedaunaunādaunenau, ³⁴ Vahadāde gauhāde hethauwu, nau haenauhautha Simon, hathahaugaunee.* ³⁵ Nau haeauthedanauau hayauhuhau hanasedaunith hadesathee, nau hasaenaunāde daujeanaunau jauaujau. ³⁶ Nau daunausanadethee, Hejavaneauthusau Nehayau haetheaugu nahethāe hadauthee, nau hathāhaugaunee, Danādayauau vanenathana. ³⁷ Hau haenānauaunauau nau haenāthajauanauau, nau hasethajauhaugaunee henee haenauhauvanauau vadathu. ³⁸ Nau hathauhuk, Naudu nananena haenāthajauna, nau nauu haegaugauuthajauna gauhānauha hadahenu? ³⁹ Nauhaudaunuu Najadenau nau Nauadau, henee Nananenau nehayau: Vasanee, nau nauhauwu; hanau

* **24:34** The last word of the verse is unclear and could be "hathahaugaunee" or "hathahaugahee". The former was chosen as being closer to what is used in other instances of direct speech.

vadathau hehauwudausānune nau hehauwudechaunave, hathauhauwuna.
⁴⁰ Nau dauhanadede, haenauhautheha hejadenau nau heaudau. ⁴¹ Nau
 haejethauwuthajau nauau heee haunauwuthajaude, nau haegaugauutha-
 jaunauau, Haeāedauwuna, Gauhajeveheneva hede? ⁴² Nau haevenanauau
 hanesāhenith nauwu haeaujaunene, nau gauhauaugunagaue. ⁴³ Nau
 haedane, nau haevethe hathaājenethe. ⁴⁴ Nau haeāedauwuna, Nuu nanāe
 hanadedaunau hāauthedaunathadenenau, denausunethenaedevathana,
 henee vahee hayauhuhau hadnethauwunauaichuu, hanauthaunauhuu
 henanavaavede Mosese, nau haeyāhehauau, nau psalms heee Nananenau.
⁴⁵ Hanaāegaunanauwunaude hadnaenauwunethe, henee hadnaenauwunethe
 wauthaunauhanau, ⁴⁶ Nau haeāedauwuna, Hathauthaunauhuu,
 nau naasauau Chris hadnasenede, nau hadjaegauhāde hehethee
 gaujauaudahede nase: ⁴⁷ Nau henee haugauthegaugauuthajaude
 nau hadjaegudanee wauchudaudenau hadnautheduhunee heee
 Heneseede nanadee jajaesenanedane, hehethee Dādaunedan. ⁴⁸ Nau
 nananena haenauwuna nuu hayauhuhau. ⁴⁹ Nau, naune, Nananenau
 vanenathana sayānee Nāsaunau hau theauguu hedan Dādaunedan, haunaude
 nananena hāchauwunagu nauguu naudahede hehethee hejavaa. ⁵⁰ Nau
 haejasesenedauwauna hajechedanee Bethany, nau haeegauha, nau
 haevevethasa. ⁵¹ Nau hethauwuu, daunauvevethauchaude, Haenautha,
 nau haejechauhau jethee hejavaa. ⁵² Nau haevevethedaunanauau,
 nau haejaeyehaunauau Dādaunedan nauguu vaseneethajaude: ⁵³ Nau
 dajauaunee haenedaunauau jedauwuu Vadannauauwuu, hauwaunede
 nau haevevethedaunanauau Hejavaneauthu. Hethauvaa.